

# BEATI RABANI MAURI

ABBATIS FULDENSIS ET MOGUNTINI ARCHIEPISCOPI

## IN LIBRUM JOSUE LIBRI TRES.

(ANNO 834.)

(Apud Marten., Ampl. Collect., tom. IX, pag. 668 ex ms. Cisterciensi.)

### OBSERVATIO PRÆVIA.

In librum Jesu Nave scripsisse Rabanum libros quatuor, ait Rudolfus presbyter, ejus discipulus, in ipsius Rabani Vita, cap. 9. Duos tantum Tritbemius, Rabani ejusdem Vitæ libro III, cap. 3. Tres habet vetustus ac bonæ notæ codex noster, solidum opus complexos. Hos autem libros conscripsit Rabanus, adhuc abbas Fuldensis, ad Fridericum, quem episcopum fuisse Trajectensem (nempe Ultrajectinum apud Frisones) testatur idem Rabanus in præfationibus ad libros Judicium et Ruth. Interim Fridericus episcopus pro Christi fide martyrum subiit, relatus postmodum in sanctorum canonem ad diem mensis Julii 18. Porro eosdem libros suos in Josue, post aliquot annos a cæde Friderici obtulit Rabanus Lo-

A thario imperatori, ut hic imperator testatur in epistola ad Rabanum, hujus Expositioni in Ezechielem adjuncta. Inter alia præclara, quæ plurima huic operi inspersit, disceas, lector, commemorationem ejus non nullam in Orientis partibus, enjus nec Rudolfus, nec Tritbemius meminere. Sic enim habet in illa verba capituli XI, versu 8: « Usque ad Sidonem magnam. Ego quidem cum in locis Sidonis aliquoties demoratus sum. nunquam comperi duas esse Sidonas, unam magnam, et aliam parvam, quantum ad terrenum pertinet locum. » Atque hæc Rabani peregrinatio referenda videtur in juveniles ejus annos, cum needum esset Fulda magister, fortasse nec monachus, sedum abbas Fuldensis aut archiepiscopus Moguntinus.

### EPISTOLA DEDICATORIA.

AD FRIDURICHUM EPISCOPUM TRAJECTENSEM.

Domino beatissimo veræque charitatis officio ploratum venerando, Friduricho episcopo, Rabanus vilissimus servorum Dei famulus in Christo salutem.

Studium tuum ac diligentiam in sacrarum Scripturarum meditatione, plures qui sanctitatem tuam neverunt, laudant, et merito, quia assiduus es in lectione et frequens in doctrina, prout ratio ordinis tui postulat; quem lucem mundi cum apostolis Salvator nuncupat, ac de vero lumine illustratam lucernam super candelabrum posuit, ut luceas omnibus qui in domo Dei sunt. Unde plurimi fratrum venerationem tuam colunt, atque colendo diligunt: nobisque inde valde amabilis es quod non tantum præsentes, sed etiam absentes fraterno provocas amore, ac salubri incitas exhortatione, ut legis Dei commune tecum exerceamus negotium. Nec absurdum est quod facis, licet nos ad hoc officium impares atque indigni simus, cum ihi queris sacræ legis confirmationem, unde accepisti Christianæ religionis exordium. Sanctissimus ergo antistes et beatissimus Christi martyr Bonifacius gentem Fresonum, cui tua dilectio præst, non solum verbo, sed etiam sanguinis sui effusione ad fidem Christi convertit. Unde rationabiliter agis quod ab illo ministerii tui patrocinium queris a quo ordinis tui ac sedis primam accepisti functionem. Ideo quoque

B memoratus martyris per famulum suum dignanter impedit quod ab illo quæceras solarium. Porro quia lectionis divinæ a nobis petisti solamen, direximus tibi codicem, quem ex sanctorum Patrum dictis in historiam Jesu Nave sensu allegorico prolatis collegeram. In quo opere, in aliquantis locis, pro parvitate sensus nostri, ubi necesse fuit, divina concedente gratia, aliqua inserueram; petens ut fratum qui tecum sunt utilitatibus illum accommodes, ut discant ex typo Jesu historici, mysterium veri Jesu, Domini videlicet Salvatoris, qui sanguine suo nos redemit, ac de infirmitate qua peccatis nostris exigentibus gravabamur, salvavit. Ante annos ergo aliquot, tractatum in Evangelio Matthæi, quem rogante bonæ memorie Haistulfo archiepiscopo conseceram, tibi ad rescribendum accommodavi. Sed quia illum needum recipere potui, remunerationis vice præsens opus transmisi, ut saltem hoc beneficio admonitus, remittas fenus quod acceperas. Lege diligenter Jesum Nave, qui non solum nomine, verum etiam gestis Jesum Christum typice præfiguravit. Transiit Jordanem, hostium regna subvertit, divisit terram victori populo, et per singulas urbes, viculos, montes atque confinia, Ecclesiæ cœlestisque Jerusalem spiritalia regna descriptit. Sicque cognoscis ipsius libri textum evangelicæ lectioni concordare,

que Domini Salvatoris ostendit adventum, prædicationem, passionem, triumphum atque victoriam, qua mortem vincendo, cœlestium, terrestrium atque inferorum acquisivit sibi dominationem: qui ascendens in cœlum, sedensque ad dexteram Patris, judex est venturus vivorum atque mortuorum, et secundum Judæ apostoli attestationem non solum homines, sed et angelos judicaturus est; qui in Epistola sua ita scripsit, dicens: « Commonere autem vos volo, scientes semel omnia, quoniam Jesus populum de terra Ægypti salvans, secundo eos qui non crediderunt perdidit; angelos vero qui non servaverunt suum principatum, sed dereliquerunt suum domicilium, in judicium diei magni vinculis æternis sub caligine reservavit (*Jud. 5*). » De cuius diei certitudine primus apostolorum Petrus nos in sua Epistola instruit, dicens: « Unum vero hoc non lateat vos, charissimi, quia unus dies apud Deum sicut mille anni, et mille anni sicut dies unus. Non tardat Dominus promissis, sed patienter agit propter vos, nolens aliquem perire, sed omnes ad poenitentiam reverti. Adveniet autem dies Domini ut sur, in quo cœli magno impetu transient, elementa vero calore solventur. Cum hæc igitur dissolvenda sint omnia, quales oportet vos esse in

A sanctis conversationibus et pietatibus, exspectantes et properantes in adventum diei Domini, per quem cœli ardentes solventur, et elementa ignis ardore tabescunt? Novos vero cœlos, et novam terram, et promissa ipsius exspectamus, in quibus justitia habitat. Propter quod, charissimi, hæc exspectantes, satagit immaculati et inviolati ei inveniri in pace, et Domini nostri longanimitatem salutem arbitremini (*II Petr. iii, 8*). » Hujus ergo sacratissimi adventus diem, sancte Pater, ante oculos semper habe, tuosque letum in occursum superni Judicis præpara cum lampadibus bonorum operum lucentibus, quatenus ejus gratiam inveniens, cum his qui a dextris ejus stabunt audire merearis: « Venite, benedicti Patris mei, percipite regnum quod B vobis paratum est ab origine mundi (*Matth. xxv, 34*); quod nos promissum letum audire, donumque illud simul percipere ipse concedat qui nos a potestate tenebrarum eruere et in regnum suum convocare dignatus est Jesus Christus Dominus noster. Bene valere te cupimus, sancte Pater, nostrisque memorem in sacris orationibus fieri. Divinitas Domini nostri Jesu Christi vitam tuam conservet in ævum.

## INCIPIUNT

## COMMENTARIA IN JESU NAVE.

## LIBER PRIMUS.

## CAPUT PRIMUM.

*Sermo Domini ad Josue de ducatus sui ministerio.*  
 (CAP. I.) « Et factum est post mortem Moysi servi Domini, ut loqueretur Dominus ad Josue filium: « Nun, ministrum Moysi, et dicere, » etc. Donavit Deus nomen quod est super omne nomen Domino et Salvatori nostro Jesu Christo. Est autem nomen quod est super omne nomen, Jesus. Et quia est istud nomen super omne nomen Jesus, idcirco « in nomine Jesu omne genu flectitur, cœlestium, terrestrium et inferorum (*Phil. ii*). » Et quia est hoc nomen super omne nomen, idcirco in multis generationibus a nullo cognominatum est. Scripsit Moyses librum Genesis, in quo legimus Abraham et eos qui ex eo generati sunt, in quibus sunt isti quamplurimi, sed nullus ex ipsis Jesus meruit nominari. Neque Abel dictus est Jesus, neque ille qui cœpit invocare nomen Domini Dei, neque ille qui placuit Deo et translatus est, cuius unquam non est inventa mors: neque ille qui in generatione sua solus justus inventus est apud Deum Noe. Sed nec ipse quidem qui repromissiones acceperat testamenti Abraham, nec ille qui de eo natus est Isaac; sed nec supplantator Jacob, nec quisquam ex filiis ejus. Moyses fidelis erat in omni domo sua, nequid tamen vocatus Jesus. Sed Jesum nomen primum invenio in Exodo; et volo intueri quando primum nomen Jesu

C cognominatur. « Venit, inquit, Amalec, et expugnat Israel in Raphidim : et dixit Moyses ad Jesum (*Exod. xvii*). » Hæc est prima appellatio nominis Jesu. « Elige, inquit, tibi viros potentes ex omnibus filiis Israel, et egressere, et conflige cum Amalec crastino (*Ibid. v. 9*). » Moyses constitetur non posse se exercitum ducere, constitetur se non posse obtainere, quamvis eum de terra Ægypti eduxerit; et ideo, inquit, vocavit Jesum, et dixit, « Elige tibi viros fortes, inquit, et egressere. » Vides cui cesserit bellum agere adversus Amalec. In hoc primo nomen discimus Jesu, ubi eum videmus ducem exercitus. Non cui Moyses injunxit principatum, sed cui successerit in primatum. Non potest Moyses eligere viros potentes. « Tu, inquit, elige tibi viros potentes ex omnibus filiis Israel. » Hic ergo ubi primum disco nomen Jesu, ibi continuo etiam mysterii video sacramentum: dicit enim exercitum Jesus. « Et factum est cum extolleret Moyses manus suas, invatescebat Israel; cum autem dejiceret manus suas, invalescebat Amalec (*Ibid. v. 11*). » Tunc ergo invalescit Jesus magis, et tunc vincit, quando Moyses erigit manus suas. Victor est autem populus ille ab Amalec, quando non erigebat manus suas Moyses, sed erant demisse deorsum. Illi sunt enim quibus dicitur: « Si crederetis Moysi, crederetis utique et mihi, et ecce me vultis occidere,

qui legem non facitis (*Joan. v.*). » Hic est Jesus cui per Moysen dicitur : « Prophetam vobis suscitat Dominus Deus vester : tanquam me, ipsum audit. Omnis anima quae non audierit prophetam illum, exterminabitur de plebe, » etc. (*Deut. xviii.*) « Et ecce me vultis occidere, qui legem non facitis. » In isto loco demissa est lex, demissæ sunt manus Moysi, invaluit incredulitas Judgeorum, vincit Amalec, hoc est diabolus, qui vicit Judæos, quando Christum crucifixerunt, et non crediderunt cum signa viderunt, quia dictum erat de illis in lege : « Videbitis vitam vestram pendentem in ligno, et non credetis ei (*Deut. xxviii.*). » Cessante namque apud illos lege et operibus legis, qui dum suam justitiam querunt statuere, justitiae Dei non sunt subjecti ; demissæ sunt manus Moysi, invaluit incredulitas, vincitur populus. Sed et Nadab, et Abiud, et Eleazar et Ithamar relinquuntur in castris, ut judicent populum. Derelinquitur etiam et Jethro, ut judicet et ipse populum cum eis. Jesus vero non derelinquitur, sed sequitur Moysen in montem. Ubi adjectio est verbi mirabilis : « Non veni legem solvere, sed adimplere (*Matth. v.*). » Jesus secutus Moysen, cum legem adimplevit in eo quod dicitur quia assistebat Moysi. Quomodo assistebat ? Non ut secundus, non ut inferior, sed ut adjutor et protegens. Sed et illud quale est, quod cum primum nominatus est Jesus, non est indicatum nomen patris ejus, neque in secundo, neque in tertio ; cum vero pater ejus nominatur Nave, tunc ipse non Jesus, sed Auses dictus est ? (*Num. xiii.*) Inter eos enim qui exploratores missi sunt, nomen ejus Auses scribitur. Sed fortassis mihi videtur pro exploratoris officio non Jesus, sed Auses dictus est, et Nave filius nominatur. Cum vero redit opere expleto, et perterritis omnibus, solus sublevat lapsos desperationemque populi solus erigit, tunc a Moyse Jesus nominatur, nec Nave filius dicitur, sed ille ad quem dicit Moyses : « Educ exercitum et configite cum Amalec. » Illud enim intuens, magnitudinem ejus pervideamus. Quodcum ad transfigurationem vultus Moysi omnis filiorum Israel hebetaret aspectus, nec quis posset iutueri faciem vultus ejus, Jesus non solum faciem contuetur, verum etiam in interioribus tabernaculi mysteriorum conscientius perseverat. Quo igitur nutu hæc cuncta perspicuunt ? Nempe eo quod liber hic non tam gesta filii Nave indicet quam Domini Iesu nobis sacramenta depingat. Ipse enim qui post mortem Moysis suscepit imperium, ipse est qui ducet exercitum et configitet adversus Amalec. Et quod ibi adumbrabatur in monte manibus extensis, afflit cruci suæ, triumphans principatus et potestates in semetipso. Defunctus est Moyses, cessavit enim lex, quoniam « lex et prophetæ usque ad Joannem (*Matth. xi, 13.*). » Vis autem de Scripturis profaram documenta quod lex Moyses appellatur ? Audi quid dicit in Evangelio : « Habent Moysen et prophetas, audiant illos (*Luc. xvi.*). » Moysen utique legem nominans. Defunctus est ergo Moyses famulus

A Dei, defuncta enim est lex, et legalia præcepta jam cessant. Si ergo consideres Jerusalem subversam, altare destructum, nusquam sacrificia, nusquam nec hostias nec libamina, nusquam sacerdotes, nusquam pontifices, nusquam ministeria Levitarum : cum hæc omnia vides cessare, dicio quia Moyses famulus Dei defunctus est. Si videris neminem ter in anno venire ad conspectum Domini, nec offerre munera in templo, nec jugulare hostias, pascha nec azyma edere, nec offerre primitias, nec primogenitus conservare : cum hæc omnia non vides celebri, dicio quia Moyses famulus Domini defunctus est. Cum vero videris introire gentes ad fidem, ecclesias instrui, altaria non crux pecudum respurgi, sed pretioso sanguine Christi conservari ; B cum videris sacerdotes et levitas non sanguinem taurorum et hircorum, sed verbum Dei per sancti Spiritus gratiam ministrantes, tunc dicio quia Jesus post Moysen suscepit et obtinuit principatum : sed non ille Jesus filius Nave, Jesus Filius Dei. Cum videris quia pascha nostrum immolatus est Christus, et azyma edimus sinceritatis et veritatis ; cum videvis fructus justitiae terræ bonæ in Ecclesia trigesimos, sexagesimos, et centesimos, justas conjuges, viudas, virgines et martyres ; cum videris multiplicari semen Israel in his qui non in sanguinibus, neque ex voluntate viri, neque ex voluntate carnis, sed ex Deo nati sunt ; et cum videris filios Dei qui dispersi erant, congregari in unum cum sua voluntate, baptizari populum Dei, non otium gerentem a conversatione communi, sed otium gerentem ab operatione peccati : cum hæc omnia vides, dicio quia Moyses famulus Dei defunctus est, et Jesus Filius Dei obtinet principatum. Sed videamus quid Dominus dixerit ad Jesum : « Moyses servus meus mortuus est. Surge, et transi Jordanem istum, tu et omnis populus tecum, in terram quam ego dabo filiis Israel. Omnem locum quem calcaverit vestigium pedis vestri, vobis tradam, sicut locutus sum Moysi, a deserto et Libano usque ad flumen magnum Euphratem. » Requiris fortasse quomodo minister Moysi fuerit etiam Dominus noster Jesus Christus Filius Dei. Quia cum venisset plenitudo temporum, misit Deus Filium suum, factum ex nulliere, factum sub lege (*Gal. iv.*). » Per hoc quod factus est sub lege, minister Moysi factus est. Dixit autem Deus ut transeat in terram, non quam dedit Moyses, sed quam, inquit, ego do vobis. Vides ergo quia, Moyse mortuo, Deus dat terram reprobationis populo Israel per Jesum. Quam terram ? Illam sine dubio de qua dicit Dominus : « Beati mansueti, quia ipsi hereditate possidebunt terram (*Matth. v.*). » Oinnem, inquit, locum quemcunque ascenderitis vestigiis pedum vestrorum, vobis dabo eum. Quæ sunt loca que ascendimus vestigiis pedum nostrorum, nisi legis litteram humi positam et deorsum jacentem ? Nusquam ergo ascendit qui legis litteram sequitur. Si a littera vero poteris ascendere ad spiritum, et ab historia ad intellectum condescendere celsorem,

tunc vere ascendisti locum editum et excelsum, quem a Deo in hereditate percipies. Si ergo in his quæ in Scripturis typicis legis intelligas formas esse cœlestium, et mente ac sensu quæ sursum sunt quæras, ubi Christus est in dextera Dei sedens; tunc et illum locum in hereditate percipies, dicente Domino Salvatore, quia « ubi ego sum, ibi erit et minister meus (*Ioan. xii.*). » Si ergo usque ad Christum sedentem in dextera Dei perveneris, fide, puritate, vita, virtute, et illis vestigiis pedum tuorum quæ lavit Jesus illum locum incesseris, dabit eum tibi Deus : tu non solum efficeris heres Dei, sed et cohæres Christi. « Sicut fui cum Moyse, ero tecum : non dirittam, nec derelinquam te : confortare et esto robustus : tu enim sorte divides populo huic terram, pro qua juravi patribus tuis, ut tradarem eam illis. Confortare igitur et esto robustus valde, ut custodias et facias omnem legem, quam præcepit tibi Moyses servus meus. Ne declines ab ea ad dexteram vel ad sinistram, ut intelligas cuncta quæ agis, » etc. (*Ex Augustino.*) Dominus dicit ad Jesum Nave : Et sicut eram cum Moyse, ita ero et tecum. Non solum autem hoc testimonio, sed etiam in Deuteronomio (*Cap. xxxiv.*) multis documentis probatur Moyses ita defunctus, ut Dei famulus et Deo placens. Quamvis in eo illa vindicta completa sit, ne terram repremissionis intraret. Ex qua datur intelligi Dominum etiam bonis servis suis in aliquo succensem, et temporaliter vindicare, et tamen in eorum habere numero quæ sunt in domo ejus vasa in honorem, utilia Domino, quibus datus est promissa sanctorum.

## CAPUT II.

*Præceptum Josue ad filios Israel de præparandis cibariis in itinere, et responsio populi ad eum.*

(*Ibid.*) « Præcepitque Josue principibus populi, dicens : Transite per medium castrorum, et impere populo, ac dicit : Præparate vobis cibaria, quoniam post diem tertium transibitis Jordanem, et intrabitis ad possidendam terram quam Dominus Deus vester datus est vobis. » (*Ex Augustino.*) Quæstio est quomodo posteaquam locutus est Dominus ad Jesum Nave, exhortans et confirmans eum, seque promittens cum illo futurum, mandaverit idem Jesus populo per sribas ut præpararent cibaria, quod post tres dies Jordanem fuerant transituri, cum inveniantur post multo plures dies transisse Jordanem. Cum enim hæc populo mandasset, misit exploratores in Jericho, quoniam Jordane trajecto, ipsa proxima civitas occurrebat. Illi autem divertebant ad Raab mulierem fornicariam, et ab illa occultati, atque a rege quæsiti et minime inventi, eadem dimittente illos per fencstram et monente ut triduo latenter in montanis, quatuor dies videntur esse consumpti. Inde posteaquam nuntiaverunt quæ circa illos gesta fuerint, promovit Jesus cum universo populo de loco ubi erat diluculo. Qui cum venisset ad Jordanem, divertit et mansit. Tunc rursus populus admonetur ut per triduum se

A præpararet transire Jordanem, arca Domini præcedente. Hinc ergo intelligitur humanaam suis dispositionem, quam fecit populo nuntiari, ut cibaria præpararent, tanquam post tres dies memoratum fluvium transituri. Potuit enim hoc sicut homo sperare fieri posse, si exploratores celeriter revertissent : quibus tardantibus intelligitur (quamvis Scriptura tacuerit) ex divina dispositione cetera impleta, ut jam inciperet apud populum glorificari Jesus, et ostendit quod cum illo Dominus esset sicut fuerat cum Moyse. Nam et hoc illi dicitur fluvium transituro, sicut scriptum est : Et dixit Dominus ad Jesum : In die isto incipiam exaltare te coram omnibus filiis Israel, ut sciant quoniam sicut eram cum Moyse, ero et tecum. » Nec incredibile debet videri, etiam illos cum quibus Deus loquebatur, aliquid ex humana dispositione agere voluisse, in qua sibi Deum tamen viderent esse rectorem, eorumque ex illius a quo regebantur providentia consilia suis mutata. Nam et Moyses ipse, utique tanquam homo, putaverat esse faciendum, ut causas populi sic audiret quemadmodum et sibi et illis onus intolerabile subendo prodesse non posset, ejusque dispositio divinitus et hoc ipsum socero ejus suggerente et monente, atque hanc admonitionem Deo approbante mutata est. (*Ibid.*) « Rubenitis quoque et Gaditis, et dimidiæ tribui Manasse ait : Meimentote sermonis quem præcepit vobis Moyses famulus Domini, dicens : Dominus Deus vester dedit vobis requiem et omnem terram. Uxores vestræ ac filii et juncta manebunt in terra quam tradidit vobis Moyses trans Jordanem. Vos autem transite armati ante fratres vestros, omnes fortes manu, et pugnate pro eis, donec det requietum Dominus fratribus vestris, sicut et vobis dedit : et possideant ipi quoque terram quam Dominus Deus vester datus est eis : et sic revertimini in terram possessionis vestre, et habitabitis in ea quam dedit vobis Moyses famulus Domini trans Jordanem, contra solis ortum, et reliqua. » (*Ex Adamantio.*) Consideremus ergo quam formam teneant istæ duæ semis tribus quæ per Moysen terram hereditatis accipiunt; et quam formam teneant reliquæ novem semis tribus quæ per Jesum repremissionem terræ sanctæ suscipiunt. D Et primo omnium puto quod impossibile fuerit fortuitu accidisse ut hi qui per Moysen accipiunt portionem, primogeniti essent. Ruben namque primogenitus est ex Lia, Gad primogenitus est ex Zelpha, et Manasses primogenitus est ex Ascenez filia Ægyptia Petefrae sacerdotis Heliopoleos, quam accepit Joseph. Nunquam ergo mili persuadeo ut fortuitu acciderit primogenitos esse omnes quibus per Moysen discernebatur hereditas; sed magis hæc arbitrator quod jam in his tunc adumbrabatur forma populorum : unius quidem, qui primogenitus per naturam ordinem videretur; alterius, qui per fidem gratiam benedictionem hereditatis acciperet. Nec prius illis qui per Moysen accipiunt hæreditatem, id est,

qui per legem placuerunt Deo, requies non datur, nisi adjuvent in præliis fratres suos. Mulieres tandem et infantes accipiunt quietem per Moysen, cæteri autem non requiescant, sed exeunt ad auxilium fratrum suorum. Vide laboranti mihi hodie in agone vitæ hujus, et habenti certamen adversus inimicos, id est, contrarias potestates, quomodo in auxilium veniunt illi qui ante adventum Jesu Christi Domini mei in lege justificati sunt. Vide quomodo Isaías præstet auxilium, ac me sermonibus suis lectionis illuminet. Vide accinctum et expeditum juvantem Jeremiam ad auxilium nostrum, et voluminis sui jaculis hostes acerrimos, id est, tenebras cordis mei, effugantem. Accingitur et Daniel ad auxilium cum nos de Christi presentia et regno, et Antichristi futura fraude instruit et admonet. Adest et Ezechiel sacramenta nobis cœlestia in quadriformibus rotarum circulis signans, et rotam in rota concludens. Dicit et Osee his senas propheticæ agminis turmas : et procedunt omnes succincti lumbos in veritate quam prædicant in auxilium fratrum suorum, ut eorum voluminibus instructi, diabolicas non ignoremus astutas. Iste ergo qui viri fortes sunt, armati et præcincti lumbos in veritate, exeunt in auxilium nostrum : numerus adimpletur, et pugnant nobiscum. Infantes autem et mulieres non exeunt ad prælium nostrum. Nec mirum, non enim dicitur vir esse qui non loquitur. Quid me ergo juvare potuit qui nihil locutus est; cuius nihil invenio quod legam, cuius me responsum non instruit? Mulierem vero dixit apostolus infirmum vas esse (*I Petr. iii*). Inde et consequenter infirmum vas ad conflictum non veniat, ne confringatur et pereat. Sic namque et de Jesu Domino in Evangelii dicitur : « Quia calamum quassatum non confringet (*Matth. xii*). » Quia ergo mulieres a viris suis domi doceri jubentur, et magis in discipulorum quam in docentium persona ponuntur, in auxilium meum non conveniat qui me docere non potest. Ergo quid dicunt ad Jesum isti qui veniunt ex ista terra quam distribuit Moyses? « Sicut audivimus, » aiunt, « Moyses, ita audiems et te. » Nihil tam verum quam quod omnis qui audit Moyses, audit et Jesum Dominum nostrum ; de Jesu enim ille scripsit. Unde et Dominus in Evangelio arguens eos qui ex eo quod sibi non credunt, nec Moysi credant, dicit : « Si Moysi crederetis, crederetis utique et mihi : de me enim ille scripsit (*Joan. v*). » Mihi tamen nec hoc otiosum videtur quod non tres integræ tribus sint istæ quæ per Moysen dispensantur, nec ille integræ novem quæ per Jesum hæreditatem potiuntur ; sed duæ et semis hic, et ibi novem et semis : et ita una dividitur tribus in duas partes, per quam neque hic tertius numerus adimpletur, neque ibi decem perfectæ et integræ consummantur. In quo arbitror illud indicari, quia illis prioribus qui legem agebant contigerit quidem scientia Trinitatis, nec tamen integre et perfecte, sed ex parte. Deerat enim illis in Trinitate, etiam de Unigeniti incarnatione cognoscere. Nam licet de adventu ejus non tan-

A tum crederent, sed etiam prædicarent, non tamen etiam videre et adipisci ea quæ crediderant potuerunt, sicut et Dominus discipulis suis dixit de his : « Quia multi justi et prophetæ cupierunt videre quæ vos videtis, et non viderunt ; et audire quæ vos auditis, et non audierunt (*Luc. x*). » Non enim erat fides eorum integra, pro eo quod nondum in Christo fuerat dispensatio carnis impleta. Et quod nunc nos jam factum credimus et impletum, illi tantummodo futurum credebant. Propterea ergo tribus ille neque duæ sunt, neque extra fidem sunt Trinitatis ; neque tres integræ et perfectæ, ne beatæ Trinitatis in illis jami sacramentum videretur impletum, sed continerent quidem tertium numerum. Et sicut dixit Dominus, cuperant videre quæ vidimus, et audire quæ audivimus ; sed minime potuerunt, quia nondum Filius hominis fuerat exaltatus, nec temporum janu venerat plenitudo. Hic me etiam aliquid amplius permovet. Ego puto quod fortasse nec in adventu Jesu et incarnatione ejus id quod perfectum est et integrum diximus : sed nec si ad crucem ducatur, et consummetur in omnibus, nec si a mortuis resurrexit, cuncta nobis per semetipsum quæ perfecta sunt pandit. Aliud adhuc opus habemus, quod nobis aperiat et revelet universa. Audi ipsum Dominum dicentem : « Multa adhuc habeo quæ vobis loquar, dixit, sed non potestis illa modo audire. Veniet autem Spiritus veritatis qui a Patre procedit, et de meo accipiet, et ille vobis indicabit omnia (*Joan. xvi*). » Vides quia non solum apud Moysen C iste tertius numerus non demonstratur impletus, sed adhuc et Jesus dicit discipulis suis : « Nondum potestis audire, nisi ille Paracletus veniat, Spiritus veritatis ; » quia per ipsum et in ipso adimpletur perfectio Trinitatis. Nam quod novem et semis tribus sunt quæ sub Jesu duce aguntur, et non integræ decem, qui numerus in omnibus consummatus dicitur et perfectus ; eadem sine dubio ratio invenitur, ut hoc quod a Domino nostro Jesu reservari dicitur, Spiritui sancto semiplenum videatur ac medium. Quamvis enim per Dominum et Salvatorem poenitentia prædicetur, et conversio a malis ad bona, et detur omnibus creditibus remissio peccatorum, et omnia quæ ad perfectionem de eodem videntur tendere compleantur : tamen perfectio et summa cunctorum bonorum in hoc consistit, si post hæc omnia sancti Spiritus quis gratiam mereatur accipere. Alioquin nihil in eo perfectum putabitur, cui Spiritus sanctus deest, per quem mysterium beatæ Trinitatis impletur. Vis ut adhuc tibi evidentius probem, apud priorem populum, illum quem Moyses in duabus et semis tribubus adumbrabat, non fuisse omnia integræ et perfectæ? Declarat etiam illa historia quæ in hoc libro Jesu Nave scripta est : quia altare quidem verum erat in illa terra quam Jesus dispensabat ; isti tamen qui erant trans Jordanem, id est, Ruben et Gad, et dimidia tribus Manasse, fecerunt sibi altare, sed non verum altare, sed quod typum haberet et formam veri altaris, quod erat apud Je-

D

sum. Nihil ergo mireris si non integrum scientiam Trinitatis acceperant illi qui nec verum nec integrum altare construxerant. Ideo denique nec multi bostes, neque plures reges contrariorum virtutum ab illis dicuntur esse dejecti. « Seon, inquit, tantummodo regem Amorrhæorum, et Og regem Basan, et Amalecitas devicerint trans Jordanem. » Jesus vero ubi ducit exercitum, tunc quinque reges cadunt simul, qui confugerunt in speluncas : et non solum cadunt, sed et suspenduntur in ligno. Nunc viginti et novem pariter jugulantur, et immense multitudines adversi exercitus prosternuntur, et exterminantur omnes qui sanctam terram in immunditiis possident, qui terram fluentem lac et mel in amaritudine malitia detinent. « Sicut obedivimus in cunctis Moysi, ita obediemus et tibi ; tantum sit Dominus Deus tecum, » sicut fuit cum Moyse. Qui contradixerit ori tuo, et non obedierit cunctis sermonibus quos præcepit ei, moriatur, » etc. Condemnat ergo Rubenitæ atque Gaditæ, nec non et dimidia tribus Manasse, populum Judæorum pro inobedientia, dicentes : « Sicut obedivimus in cunctis Moysi, ita obediemus et tibi, » cum similia legislatoris præcepto sponsione sua proferrunt testimonia. Ait enim Moyses : « Prophetam vobis suscitabit Dominus de fratribus vestris. Tanquam meipsum audietis ; quicunque autem non audierit prophetam illum, exterminabitur anima ejus de populis suis (*Deut. xviii.*). » Sed veniente Domino Salvatore, atque Evangelium prædicante, non devoti atque obedientes, sed ingratii atque contrarii semper illi existebant, maledicentes caco nato per eum illuminato, atque dicentes : « Tu discipulus ejus sis ; nos autem discipuli Moysi sumus (*Joan. ix.*). » Et Pilato dicente : « Regem vestrum crucifigam ? » responderunt : « Non habemus regem nisi Cæsarem (*Joan. xix.*). » Et ideo eis venerunt quæ parentes sui eis imprecabantur, ut morte morerentur : cum non solum in anima æternam damnationem, sed etiam corporis sui detrimenta sentiebant, usquequaque, fame necati, pestilentia percussi, gladio occisi, ac captivitate crudelissima per totum orbem dispersi.

## CAPUT IH.

*De exploratoribus missis ex Sethim ad urbem Jericho, et per mulierem meretricem salvatis.*

« Misit ergo Josue filius Nun de Sethim duos viros exploratores abscondite, et dixit eis : Ite et considerate terram urbemque Jericho ; et pergentes ingressi sunt domum mulieris meretricis nomine Raab, et quieverunt apud illam, » et reliqua. Iste Jesus mitit duos exploratores ad Jericho urbem, qui suscipiuntur a meretrici Raab. Jesus ille dux populi a semetipso Dominum Christum et vocabulo ostendit et facto. Jericho autem civitas mundus est, ad quem Dominus Jesus Christus ad perscrutandos mores hominum duo Testamenta direxit. Nam in eo ut credentium fidem aut rebellium pervicaciam plenius comprobaret, ante adventum judicii sui quasi explo-

A ratores duos, Legem et Evangelium destinavit. Raab vero typum tenet Ecclesie, quæ de extraneis atque alienis gentibus congregata est ; quæ antea vivens in desideriis carnis, fornicabatur in idolis. De talibus ait Dominus, quod « præcedent vos in regno coelorum (*Math. xxi.*). » Hæc igitur testaments Domini sola suscipit, et ea fideliter conservat. Inimicis omnino non tradit ipsa : potius periclitari optans, dummodo illæsa ac salva servet. ea Hæc casurum mundum sicut illa civitatem firmiter creditit ; hæc pro se ac suorum omnium salute pactum cum testamentis Domini fecit, haec in domo sua coccum, id est, signum sanguinis posuit : extra hanc si quis fuerit inventus, ruinam seculi atque incendium mundi nulla ratione vitabit. (*Ex Adamantio.*) Mittuntur

B exploratores ab Jesu in Jericho, et suscipiuntur a meretrici Raab. Exploratores isti qui mittuntur ante faciem Jesu possunt et angeli Dei putari, sicut scriptum est : « Ecce mitto angelum meum ante faciem tuam, qui præparat vias tuas ante te (*Math. xi.*) : » quod per alios quidem invisibiliter, in Joanne vero visibiliter comprobatur, de quo et hoc scriptum est. Denique de Joannis baptismo dicitur a Domino, quia « et Scribæ et Pharisæi non crediderunt ei, meretrices autem et publicani credentes baptizati sunt (*Math. xxi.*). » Sic ergo etiam in hoc compleetur quod meretrix Jesu exploratores suscepit, per quos do interitu totius inimicæ gentis reseruit erecta. Sed videamus tandem quæ sit ista meretrix. Raab dicitur. Raab vero interpretatur latitudo. Quæ est ergo latitudo hæc, nisi Ecclesia Christi, quæ ex peccatoribus velut ex meretrici collecta est. Et dicit : « Augustus mihi est locus, fac mihi locum ubi habitem. Hos autem mihi quis enautravit ? » (*Isa. xlix.*) Et iterum ad quam dicitur : « Dilata palos tuos et extende tentoria tua (*Isa. liv.*). » Ista ergo est latitudo quæ suscepit exploratores Jesu. Scio me aliquando in quadam ecclesia disputantem de duabus meretricibus de quibus scriptum est in tertio libro Regum (*III Reg. iii.*), que ad judicium venerant Salomonis, quarum una vivum habebat infantem, discussisse diligentius et dixisse quia illa meretrix hæc esset cui Salomon (non ille, sed hic qui pacem venit facere eorum qui in coelis sunt, et quæ in terris) reddi vivum jussit infantem, illa vero alia quæ mortuum habebat infantem, vel illius esset prioris populi Synagogæ, vel eorum qui in hæresim declinaverunt. Et alia meretrix quam Osee propheta jubetur accipere (*Ose. i.*), in figura sine dubio hujus quæ ex gentibus consecrata est. Talis ergo et hæc mulier meretrix esse dicitur, quæ exploratores Jesu suscepit : sed hæc susceptos in superioribus collocat, atque in editis et excelsis fidei constituit saeramentis. Nemo enim qui ab Jesu mittitur, invenitur deorsum et humili jacens, sed in superioribus permanens et excelsis. Sed ista meretrix quæ eos suscepit, ex meretrici efficitur jam propheta ; dicit enim : « Scio quod Dominus Deus vester tradidit vobis terram hanc. » Vides quomodo illa aliquando erat meretrix, et impia et immunda : nunc

D vel illius esset prioris populi Synagogæ, vel eorum qui in hæresim declinaverunt. Et alia meretrix quam Osee propheta jubetur accipere (*Ose. i.*), in figura sine dubio hujus quæ ex gentibus consecrata est. Talis ergo et hæc mulier meretrix esse dicitur, quæ exploratores Jesu suscepit : sed hæc susceptos in superioribus collocat, atque in editis et excelsis fidei constituit saeramentis. Nemo enim qui ab Jesu mittitur, invenitur deorsum et humili jacens, sed in superioribus permanens et excelsis. Sed ista meretrix quæ eos suscepit, ex meretrici efficitur jam propheta ; dicit enim : « Scio quod Dominus Deus vester tradidit vobis terram hanc. » Vides quomodo illa aliquando erat meretrix, et impia et immunda : nunc

Spiritu sancto repleta est; et de præteritis quidem confitetur, de præsentibus vero credit, prophetat autem et prænuntiat de futuris. Sic ergo Raab, quæ latitudo interpretatur, dilatatur et proficit, usque in omnem terram exit sonus ejus. Sed et Japhet simili modo dilatatio interpretatur. Sed videamus quid egit cum exploratoribus ista sapiens mereatrix. Consilium eis dat mysticum et cœleste, nihil habens terrenum. « Per montana, » inquit, « abite. » Nolite per valles incedere, humilia et dejecta refugite : quæ excelsa sunt et sublimia prædicate. Ipsa autem accepit signum coccineum, quod sanguinis fornacem gerebat. Sciebat enim quia in nullis esset salus, nisi in sanguine Christi. Datur etiam hoc mandatum huic quæ quondam fuerat mereatrix : Omnes, inquiunt, qui in domo tua fuerint inventi, salvabuntur ; qui autem exierit de domo tua, impunes sumus nos ab hoc juramento tuo. Si quis ergo salvari vult, veniat in hanc domum hujus, quæ quondam mereatrix fuit. Etiam si de illo populo vult aliquis salvari, ad hanc veniat domum, in qua Christi sanguis in signo redemptionis est. Nam super illos qui dixerunt : « Sanguis ejus super nos et super filios nostros (*Matth. xxvii.*), » Christi sanguis in condemnatione est : positus enim fuerat Jesus in ruinam et in resurrectionem multorum ; et ideo contradicentibus signo ejus efficitur sanguis ejus ad pœnam, credentibus vero ad salutem. Nemo ergo sibi persuadeat, nemo semetipsum decipiatur. Extra hanc domum, id est extra Ecclesiam, nemo salvabitur. Si quis foras exierit, mortis suæ ipse reus sit, hoc est per sanguinis signum, quia hæc est purificatio quæ per sanguinem constat. Quod autem in fenestra dependet hoc signum, arbitror illud indicari quia fenestra est quæ illuminat domum et per quam illuminatur aspectus noster, sed tantum quantum oculis et usui nostro sufficiat luminis capiamus. Quia ergo incarnationis Salvatoris non nobis verum ingerit et integrum deitatis aspectum, sed tanquam per fenestram fecit nos per incarnationem suam lumen deitatis aspicere : idcirco mihi videtur signum salutis per fenestram datum, quo signo salutem consequantur omnes qui in domo ejus, quæ aliquando erat mereatrix, fuerint inventi, in aqua et Spiritu sancto, in sanguine Domini et Salvatoris nostri Iesu Christi.

#### CAPUT IV.

*De transitu filiorum Israel per Jordanis alveum, et aquis divisis ad introitum arcæ Domini.*

(CAP. II.) « Igitur Josue de nocte consurgens movit castra : egredientesque de Sethim venerunt ad Jordanem, ipse et omnes filii Israel, et morati sunt ibi per tres dies. » Omnis ergo locus suscipit justum, et omnis creatura exhibet ei debitum famulatum. Peccatoribus quidem omnis creatura hostis est : terra eos impugnabat, aer ipse impugnabat, cœlum eos impugnabat. Justis vero, etiam quæ inaccessibilia videntur, plana efficiuntur et proclivia. Mare Rubrum justus tanquam per aridam transit, Ægyptius

A vero, si pertransire voluerit, submergitur, nec sicut ei murus dextra levaque. Et ne forte offendaris quod hæc quæ in prioribus gesta sunt, in te vero qui nunc auditor horum es, nihil tale geratur, omnia complentur in te secundum mysticam rationem. Etenim tu, qui, nuper idolatriæ tenebris derelictis, cupis ad audientiam divinæ legis accedere, nunc primum Ægyptum derelinquis, cum catechumenorum aggre-gatus es numero, et præceptis ecclesiasticis parere cœpisti. Unde tibi, secundum morem Israelitarum, ante ingressum Jordanis triduo morandum est, ut discas sanctæ Trinitatis fidem, qualiter in nomine Patris, et Filii, et Spiritus sancti baptizatus, remissionem percipias omnium peccatorum : et quomodo tibi deinceps vivendum est, ut in novitate vitæ am-B bulans, cœlestis regni merearis introitum.

(IBID.) « Quibus evolutis transierunt præcones per medium castrorum, et clamare coeperunt : Quando videritis arcem foederis Domini Dei vestri, et sa-cerdotes stirpis Leviticæ portantes eam, vos quo-que consurgite, et sequimini præcedentes. » Di-gressus mare Rubrum, et in desertis stationibus positus, ad audiendam legem Dei, et intuendum Moysi vulnus per gloriam Dei revelatum, quotidie vacas. Si vero etiam ad baptismi mysticum veneris fontem, et consistente sacerdotali et Levitico ordine, initiatus fueris et venerandis illis magnificisque sacramentis (norunt illi quos nosse fas est), tunc cum sacerdotum ministeriis, Jordane digresso, terram repro-missionis intrabis : in qua te post Moysen susci-pit Jesus, et ipse tibi efficitur novi itineris dux. Sequitur :

(IBID.) « Sitque inter vos et arcem spatium cubi-torum duorum millium, ut procul videre possitis, et nosse per quam viam ingrediamini ; quia prius non ambulastis per eam : et cavete ne appropi-quetis ad arcem », et cetera. (Ex Augustino.) Longe jussum est arcem præcedere, ut posset a populo videri. Tam grande quippe agmen, si post eam proximum pergeret, non eam videret præire, nec nesset qua sequeretur. Ex hoc facto intelligendum est quod columna illa nubis, quæ solebat movendis castris signum dare et iter ostendere, jam recesserat, nec apparebat eis. Hinc factum est ut etiam triduum illud ex humana dispositione prædiceretur. Nunc

D ergo, duce Jesu, arcem Domini sequuntur, nube sub-tracta, tanquam velamine ablato. Vide denique quid dicitur de eis : Populus, inquit, ab arca testameeti duo millia cubita, sacerdotes vero et levites proximi, et satis proximi ; ita ut in humeris eorum arca Domini et legislatio divina portetur. Beati qui merentur proximi esse Deo. Sed memento quod scriptum est : « Qui approximaverint mihi, approximat igni (*Isa. LXV.*) ». Si aurum aut argentum fueris, et igni approximaveris, multo per ignem splendidior et rutilantior resulges. Si vero super fundamentum tantæ fidei positum, conscius tibi es superadūscasse te ligna, fenum, stipulam (*I Cor. III.*) ; cum tali ædi-ficatione si igni approximaveris, consumeris. Beati

igitar qui proximi sunt, ut ignis eos illuminet et non adurat. Salvabitur tamen et Israel, sed longe positus salvabitur; et iter agit, non sua virtute, sed administris et providentia sacerdotum.

(IBID.) « Dixitque Dominus ad Josue : Hodie incipiam te exaltare coram omni populo Israel; ut sciant quod sicut fui cum Moyse, ita et tecum sim, » et reliqua. Quanta ante gesta sunt! Mare Rubrum transitum est pedibus, manna de cœlo data est, fontes in eremo disrupti sunt, lex per Moysen data est, signa et prodigia multa in eremo gesta sunt, et nusquam dicitur exaltatus esse Jesus. Ubi vero Jordanis transitur, ibi dicitur ad Jesum : In hac die incipio te exaltare in conspectu populi. Neque enim ante mysterium baptismi exaltatur Jesus, sed exaltationis ejus in conspectu populi inde sumit exordium. Si enim omnes qui baptizantur in Christo Jesu, in morte ipsius baptizantur; mors autem Jesu in crucis exaltatione completur, merito unicuique fidelium tunc primum Jesus exaltatur, eum ad mysterium baptismi pervenitur, quia scriptum est : quod exaltavit illum Deus, et donavit illi nomen quod est super omne nomen, ut in nomine Jesu omne genuflectatur, celestium, terrestrium et infernorum (Phil. ii.). »

(IBID.) « Dixitque Josue ad filios Israel : Ecce arca fœderis Domini omnis terræ, antecedet vos per Jordanem : parate duodecim viros de tribubus Israel, singulos per singulas tribus; et cum posuerint vestigia pedum suorum sacerdotes qui portant arcam Domini universæ terre in aquis Jordanis, aquæ quæ inferiores sunt, decurrent atque deficiunt; quæ autem desuper veniunt, in una mole consistent. » Per sacerdotes deducitur populus, et iter agit ad terram repromotionis. Magisterio sacerdotum tantus ac talis est populus, qui in illo ordine mereatur ascribi. Si enim sit aliquis talis, ut quiescant ei fluenta Jordanis, et ipsa elementa verebuntur : pars aquarum fluminum retrorsum resiliet, et post tergum frenabitur : pars vero in mare salsum rapido lapsu deficiet. Quod tamen nec ipsum absque mysterii ratione arbitror scriptum, quod pars aquarum Jordanis demergatur in mare, atque in amaritudine profluat, pars vero in dulcedine perseveret. Si omnes qui baptizantur acceptam coelestis gratiæ dulcedinem custodirent, et nullus in peccatorum avaritudinem verteretur, non utique esset scriptum quia pars fluminis salsi maris gurgitibus suisset immersa. Et ideo illa mihi videtur in his verbis baptizatorum varietas designari, quam ipsi nos (quod cum dolore commemoro) saepè videamus accidere, ut hi qui sanctum baptisma consequuntur, cum seipso rursus ad negotia sacerularia et illecebras libidinum tradunt, et cum avaritiæ salsum poculum bibunt, in ea aquarum parte formantur quæ in mare profluit, atque in salsis fluctibus deperit; pars vero illa quæ cum stabilitate permanet, et dulcedinem suam servat, designat eos qui acceptum Dei munus indeclinabiliter tenent. Et recte una pars est eorum

A qui salvantur, quia et panis unus est qui de cœlo descendit, et dat huic mundo vitam; et fides una est, unus baptismum, et unus spiritus quo omnes potantur in baptismo, et unus Deus Pater omnium.

(IBID.) « Igitur egressus est populus de tabernaculis suis, ut transiret Jordanem : et sacerdotes qui portabant arcam fœderis pergebant ante eum, » etc. Interea sacerdotalis ordo et leviticus, qui iter ostendebat populo Dei qui exiit de terra Ægypti, ipsi enim sunt qui docent populum exire de Ægypto; de erroribus scilicet mundi transire per erenum vastam, id est, tentationum genera diversa transcurrere : et neque noceri a serpentibus, qui sunt morsus diemonum et malarum suggestionum venena vitare. Quod si forte aliquis percussus fuerit in eremo a serpente, ut ostendat ei æreum serpentinum in cruce suspensum, quem qui viderit, id est, qui crediderit in eum cuius figuram ille serpens monstrabat, diabolica per hoc venena diffugiet : sacerdotalis et leviticus ordo est qui assistit areæ testamenti Domini, in qua lex Domini portatur, sine dubio ut ipsi illuminent populum de mandatis Dei, sicut Propheta dicit : « Lucerna pedibus meis verbum tuum, Domine, et lumen semitis meis (Psal. cxviii); » hoc lumen per sacerdotes accenditur et Levitas. Quod si forte aliquis ex hoc ordine accensam lucernam posuerit sub modio, et non super candelabrum, ut luceat omnibus qui in domo sunt, videat quid sibi agendum sit, cum Dominus lucis cœperit reddere rationem pro his qui nihil illuminationis a sacerdotibus capientes, in tenebris ambulant et peccatorum obscuritate cœcantur.

(IBID.) « Jordanis autem ripas alvei sui tempore messis impleverat. » (Ex Augustino.) Jordanis autem plenus erat per totam crepidinem suam, sicut in diebus messis tritici. Hoc incredibile videtur regionibus nostris : ibi autem (sicut perhibent qui noverunt) initio veris est messis tritici. Tunc autem ille fluvius repletur amplius quam per hiemem.

(CAP. IV.) « Sacerdotes autem qui portabant arcam, stabant in Jordani medio, donec omnia complebantur quæ Josue ut loqueretur ad populum præcepérat Dominus, et dixerat ei Moyse. Festinavitque populus et transiit. Cumque transissent D omnes, transiit et area Domini. Sacerdotes quoque pergebant ante populum » (Ex Adamantio.) De his quidem qui mare Rubrum transierunt et Apostolus dixit, « quia omnes in Moyse baptizati sunt, et in nube, et in mari (I Cor. x). » De his vero qui Jordanem transierunt, possumus etiam et nos simili modo pronuntiare, omnes in Jesu baptizati sunt in Jordane; ita ut ea quæ in Jordane gesta referuntur, formam teneant sacramenti quod per baptismum celebratur. Illud vero quod scriptum est : « Et festinavit populus, et transiit Jordarem; et area testamenti Domini, » non mihi otiose additum videtur a Spiritu sancto quod dixit, « quia festinavit populus transire. » Unde et ego arbitror

quia nobis quoque venientibus ad baptismum salutare, et suscipientibus sacramenta verbi Dei, non otiose nec segniter res gerenda est, sed festinandum est et perurgendum usquequo omnia transeamus. Transire enim omnia, implere est omnia quæ mandantur. Festinemus ergo transire, hoc est, adimplere primum quod scriptum est, « Beati pauperes spiritu (*Matth. v.*) ; » ut deposita omni arrogantia, et Christi humilitate suscepta, pervenire ad promissam beatitudinem mereamur; sed cum hoc impleverimus, non nobis standum est, neque cessandum, sed transeunda sunt et cætera quæ sequuntur, ut esuriamus et sitiamus justitiam. Transcundum nobis est et quod sequitur, ut in hoc mundo lugeamus: cito etiam reliqua transeunda sunt, ut mansueti efficiamur, et ut pacifici maneamus, et per hoc possimus filii Dei esse. Festinandum quoque, ut persecutionum pondus virtute patientiæ transeamus. Cumque hæc singula quæ ad virtutis gloriam spectant, non segniter, nec remisse, sed cum omni instantia et celeritate conquerimur, hoc mihi videtur esse cum festinatione transire Jordanem. Cum vero transierimus et obtinere possemus quæ obtinere debemus, rursum nobis diligentia et cautelæ cura succedit; ne forte negligentius incidentes, improviso aliquo lapsu effundantur gressus nostri. Sicut et Propheta dicit: « Paulo minus effusi sunt gressus mei (*Psal. LXXII.*) . »

#### CAPUT V.

*De filiis Ruben et Gad, et dimidia tribu Manasse, et duodecim lapidibus quos de Jordanis alveo transato posuit Josue in Galalis.*

(IBID.) « Filii quoque Ruben et Gad, et dimidia tribus Manasse, armati precedebant filios Israel, sicut eis præceperat Moyses. Et quadraginta pugnatorum millia, per turmas et cuneos incedebant per plana atque campestria urbis Jericho. » Nec remissior nobis sollicitudo in conservandis debet esse, quam in conquirendis virtutibus. Aut non hæc tibi designari videntur in eo cum dicitur quia quadraginta millia virorum accincti et expediti transierunt ad pugnam in conspectu Domini ad expugnandam Jericho civitatem? Requiramus qui isti sunt quos Scriptura dicit accinctos vel expeditos. Ego ex memetipso præsumere aliquid et pronuntiare non audeo. Apostoli magis litteris doceamur in talibus. Qui sunt isti accincti Paulo exponente dicamus. Audi ipse quid dicit: « Estote ergo accincti lumbos vestros in veritate (*Ephes. vi.*) . » Vides ergo quia Paulus accinctus novit eos qui præcincti sunt cingulo veritatis. Igitur etiam nostrum esse cingulum veritas debet, si tamen servaverimus militiæ hujus et cinguli sacramentum. Si enim veritas est cingulum nostrum quo Christi militia cingimur, si quando falsum loquimur et mendacium de ore nostro procedit, discingimur a militia Christi, et balteo charitatis exsolvimur. Simus ergo in veritate ciucti, ne simus in falsitate discincti; sed nos imitemur potius istos quadragesies mille viros accinctos, præce-

A dentes in conspectu Domini, et semper simus in veritate succincti. Vis igitur discere quæ nos pugnæ post baptismum, quæ bella suscipiant, noli a me, sed ab ipso rursus disce Apostolo. Ipse te docet, dicens: « Non enim nobis est pugna adversus carnem et sanguinem, sed adversus principes et potestates, adversus mundi hujus rectores tenebrarum harum, adversus spiritualia nequitia in cœlestibus (*Ephes. vi.*) . » Formæ sunt et figuræ quæ scripta sunt. Ita enim dicit Apostolus: « Hæc enim omnia in figura contingebant illis: scripta sunt autem ad correptionem nostram, in quos fines sæculorum devenerunt (*I Cor. x.*) . » Si ergo propter nos scripta sunt, age, quid cessas? Exeamus ad bellum, ut expugnetur a nobis civitas prima hujus mundi, et malitia, et peccati superba moenia destruantur. Circumspicis fortasse quo tibi itinere progrediendum sit, qui campus certaminis expetendus (novum tibi fortasse videbitur, quod dicturus sum, sed tamen verum est), præter temetipsum et extrinsecus requiras? Prælium intra te est; quod gesturus es, intrinsecus est. Mala illa ædificatio quæ subruenda est, hostis tuus de tuo corde procedit. Non mea vox ista, sed Christi est. Audivimus ipsum dicentem: « De corde enim procedunt cogitationes malæ, homicidia, adulteria, fornicationes, furtæ, falsa testimonia, blasphemiae, avaritia, nequitia, doli (*Matth. xv.*) . » Vides quantus et qualis exercitus hostium tuorum adversum te de tuo corde procedit? Isti nobis prima strage confodiendi sunt, isti prima acie prosternendi sunt. Horum si subruerimus moenia, ipsos quoque ad internectionem cædere poterimus; ita ut non relinquamus qui renuntiet vel respiret. Si jam nullus ex his prorsus in nostris cogitationibus redivivus eruperit, tunc nobis per Jesum dabitur illa requies, ut unusquisque requiescat sub vite sua, et sub sicu sua, cum jam non sit qui exterreat filios Israel. Verumtamen transeunt Jordanem quadraginta millia virorum armatorum, accincti in conspectu Domini ab bellum; et tunc dicit Scriptura: « In die illo magnificavit Dominus Josue coram omni Israel, ut timerent eum sicut et timuerant Moysen, dum adhuc viveret, » et reliqua. Fuerat quidem ista exaltatio filio Nave, ut dux populi illius apud eos quos regebat esset magnificus. Noster vero Jesus, Dominus meus, dux et rector populi hujus, quomodo exaltatur in conspectu omnis generis filiorum Israel videamus: ego arbitror quod ipse semper apud Patrem exaltatus est et excelsus, sed hoc opus est ut in conspectu nostro exalte illum Deus Pater. Exaltatur autem in conspectu meo, cum mihi sublimitas et celsitudo divinitatis ejus aperitur. Quando ergo mihi excelsa ejus divinitatis revelata sunt? Tunc profecto cum Jordanem transirem, variis sacramentis futura arma tenerem ad prælia. « Et timerunt, » inquit, « Jesum sicut timuerant Moysen. » Omnis qui sub lege est, timet Moysen; cum vero ad Evangelium ex lege transierit, mutata observantia mutatur et timor, sicut Apostolus dicit: « Ego autem per

legem, legi mortuus sum, ut Deo vivam, et cum Christo crucifixus sum cruci: vivo autem jam non ego, vivit vero in me Christus (*Gal. ii.*). »

(IBID.) « Duodecim quoque lapides, quos de Jordaniis alveo sumpserant, posuit Josue in Galgalis, » etc. Transeuntes itaque filii Israel Jordaneum, sustulerunt de medio fluminis duodecim lapides, quos pro testimonio posuerunt in loco secundae circumcisio[n]is, ad significandum nobis ut dum de lavacro consurgimus, apostolicæ vitæ exempla firmissima nobiscum gestare debeamus: quorum semper testimonium ad imitamenta virtutum contueamur.

(IBID.) « Alios quoque duodecim lapides posuit Josue in medio Jordanis alveo, ubi steterunt saecerdotes qui portabant arcam fœderis Domini, et sunt ibi usque in præsentem diem. » Isti enim duodecim lapides qui positi sunt in medio Jordanis alveo, similiter significant apostolicum ordinem, sicut et illi qui de Jordane translati sunt, et in Galgalis constituti: quia necesse est ut quisquis gratiam baptismi suscipere desideraverit, hanc secundum apostolicam traditionem percipiat, et sic exsoliatus veterem hominem, novoque induitus, per omne tempus vitæ suæ in castris Ecclesiæ manens, apostolicæ doctrinæ normam fidei et opere servare contendat.

#### CAPUT VI.

*De secunda circumcisione filiorum Israel, quæ fuit cultris lapideis facta in Galgalis, et quod fecerunt Phœbes in quarto decimo die mensis ad vesperum in campestribus Jericho, ubi comederunt de frugibus terræ, die altera azymos panes, quia defecerat eis manna.*

(CAP. V.) « Eodem tempore ait Dominus ad Josue: « Fac tibi cultros lapideos, et circumcidie secundo filios Israel. Fecit quod jusserrat Dominus, et circumcidit filios Israel in colle præputiorum. Hæc autem causa est secundæ circumcisio[n]is. Omnis populus qui egressus est ex Ægypto generis masculini, universi bellatores viri, mortui sunt in deserto per longissimos viæ circuitus, qui omnes circumcisi erant. Populus autem qui natus est in deserto per quadraginta annos itineris latissimæ solitudinis, incircumcisus fuit, » et reliqua. In hoc præcepto queritur cur dixerit, iterum: non enim unus homo bis circumcidendus erat; sed quia populus unus in quibusdam circumcisus, in quibusdam non circumcisus, ideo dictum est, iterum, ut circumcisus iterum circumcidetur, non homo sed populus. Nam et sequentia id etiam ostendunt. Manifestum est ergo non omnes fuisse, sed quosdam. Quidam enim de Ægypto exēuntium filii in illo populo incircumsci erant, quos potuit circumcidere Jesus: illorum scilicet filios qui genuerunt in deserto, et contempserunt eos circumcidere, quod inobedientes erant legi Dei. Nulla itaque causa est cur hi qui putant rebaptizandos eos qui habent Christiani baptismi sacramentum, hoc testimonio legis adjuvari se putent, quia nullus bis numero unus homo est circumcisus; sed populus qui jam fuerat in quibusdam circumcisus, in quibusdam vero

A adhuc incircumcisus erat. Et si aliquo modo id fieri posset, ut bis circumcidi hominem Deus juberet, nunquid posset dicere ideo fuisse præceptum quia illi ab Ægyptiis fuerant circumcisi, aut ab aliquibus hereticis ab Israelitarum societate segregatis? Cum vero etiam satis apparcat quare sit a Deo dictum, nullum hic possunt homines erroris sui patrocinium reperire. (Ex Isidoro.) Percunctentur inde Judæi quomodo potest quis secundo circumcidi circumcisio[n]e carnali; semel enim circumcisus, ultra non habet quod secundo possit auferre. A nobis autem, quibus lex spiritalis est, convenienter ista solvuntur. Dicimus enim circumcisio[n]em primam fuisse per legem in Ægypto: sed si a lege transeat quis per baptisma Jordanis ad Evangelium, tunc accipit se

B cundam circumcisio[n]em spiritalem per petram, qui est Christus, sicque tali circumcisio[n]e purgatus, caret Ægypti opprobrio, id est, illecebra corporalium vitiorum. Nomen autem loci Galgala, quod interpretatur revelatio, ostendit dum in præputio infidelitatis ambulaverit quisque per hujus vitæ desertum, oculos ei esse cæcatos. Videamus tamen quale sit hoc ipsum quod dicit, quia hodie abstulit opprobrium a filiis Israel. Omnes homines, etiamsi per Moysen eruditæ sint, habent tamen opprobrium peccatorum. Quis erit similis etiam secundum legis ob-

servantiam factorum? Audi denique ipsum dicentem: « Secundum justitiam quæ in lege est, conversatus sine querela (*Phil. iii.*); » ipse tamen pronuntiat, et dicit: « Fuiimus enim et nos aliquando insipientes, increduli, errantes, et servientes desideris et voluptatibus variis, in malitia et invidia agentes, odibiles, odientes invicem (*Tit. iii.*). » Non tibi videntur hæc opprobria esse Ægypti? Sed ex quo venit Christus, et dedit nobis secundam circumcisio[n]em per baptismum regenerationis, et purgavit animas nostras, abjicimus hæc omnia, et pro his assumimus conscientiæ bonæ astipulationem in Deum. Tunc per secundam circumcisio[n]em ablata a nobis sunt opprobria Ægypti, et purgata sunt vitia peccatorum. Nemo ergo, si integræ conversus est, si ex corde penitus fideliter Jordanis fluenta digressus est, si secunda per Evangelium circumcisio[n]e purgatus est, preteritorum metuat opprobria delictorum. Audis quia hodie abstulit a te opprobrium Ægypti. Hoc in

D Evangelii significat Dominus, cum dicit: « Remissa sunt tibi peccata tua, sed iam noli peccare, ne quid tibi deterius accidat (*Joan. v.*). » Si enim post remissionem peccatorum ultra non peccas, vere ablatum est a te opprobrium Ægypti; si vero iterum peccaveris, iterum in te vetera revolventur: eo magis quia multo majoris criminis est Filium Dei concubare, et sanguinem testamenti polluere, quam legem Moysi negligere; multo enim majoris opprobrii est, qui post Evangelium, quam ille qui sub lege positus, fornicatur, quia iste tollens membra Christi, facit ea membra meretricis. Vides ergo quam graviora et cunctiora in te opprobria, si neglexeris, revolventur. Denique jam te nemo reum arguet, sed sacrilegio

crimine condemnat, quia dicitur : « An nescitis quia corpora vestra templum Dei est ? si quis autem templum Dei violaverit, disperdet illum Deus (*I Cor. iii.*). »

(IBID.) « Postquam autem omnes circumcisi sunt, manserunt in eodem castrorum loco, donec sanarentur, et reliqua. Non enim sufficit nobis circumcidere, sed post circumcisionem sanari, id est, usquequo etiam cicatricem ipsum circumcisionis vulnus obducatur. Quando enim cicatrix in vulnere circumcisionis obducitur ? Ego arbitror quod circumcisione per Jesum, hoc est vitiis carere, malas consuetudines et pessima instituta deponere, foedos et inconditos mores, et quidquid ab honestatis et pietatis regula redundat, abscidere. Sed cum hoc in initiis facimus, ipsa novitatis quodammodo difficultate constringimur, et quasi cum labore quodam et dolore animi, veteres consuetudines culpasque novella institutione mutamus. Et ideo, ut dixi, quedam difficultas est in initiis exuere quæ amputare possumus, prima et secunda suscipere. Hoc ergo mihi videtur tempus esse quod velut in dolore circumcisionis nostræ dicimur residere, usquequo obducta cicatrice sanemur. Obducimus autem cicatricem, cum jam nova instituta absque difficultate complemus, et in usum nobis vertitur quod prius quasi insolitus difficile videbatur. Et tunc vere jam sanati inducimur, cum vitiis carentes, virtutem novo usu vertimus in naturam.

(IBID.) « Manseruntque filii Israel in Galgalis, et fecerunt phase quarta decima die mensis ad vesperum in campestribus Jericho, et comederunt de frugibus terræ die altero, azymos panes, et polentiam ejusdem anni. Desecitque manna postquam comederunt de frugibus terræ : nec usi sunt ultra illo cibo filii Israel, sed comederunt de frugibus praesentis anni terræ Chanaan. » Et fecerunt filii Israel pascha decima quarta die mensis. Non enim ante circumcisionem carnes agni comedere debent, id est, antequam sanentur; sed posteaquam sanati sunt, dicitur quia fecerunt pascha filii Israel decima quarta die mensis. Vides ergo quia nemo immundus facit pascha, nemo incircumcisus, sed qui mundus fuerit et circumcisus, sicut Apostolus interpretatur dicens : « Etenim pascha nostrum immolatus est Christus. Itaque diem festum celebremus, non in fermento veteri, neque in fermento malitiæ et nequitiae, sed in azymis sinceritatis et veritatis (*I Cor. v.*). » Sed tunc quidem quando exiit populus de terra Ægypti, portavit conspersum : cum panes non haberent, pluit eisdem manna ; cum autem venerunt ad terram sanctam, et fructus ceperunt provincie palmarum, defecit eis manna, et tunc edere coeperunt de frugibus terræ. Itaque tres partes ciborum generaliter describuntur. Unum quo vescimur exeuntes de terra Ægypti, sed hoc ad parvum tempus sufficit. Post hoc sucedit manna. Tertio vero jam de terra sancta capimus fructus. In quibus differentiis, ut meæ partitatis intellectus assequitur, illud arbitror indicari, quod primus cibus est quem de Ægypto exeuntes nobiscum portavimus, id est, parva eruditio secula-

ris, aut etiam si quis forte attigerit aliquid liberalium litterarum, quæ exiguum in eremo aliquid juvare nos potest. In eremo vero positi, id est in hac in qua nunc sumus vita, tum et manna vescimur, per hoc quod divinæ legis instructionibus erudimur. Qui vero meruit in terram reprobationis intrare, id est, ea quæ a Salvatore promissa sunt consequi, ille edet fructus de regione palmarum. Vere fructum palmæ inveniet, qui devicto hoste ad promissa pervenerit. Certum namque est quod quantacunque illa sunt quæ nunc in lege Dei et divinis litteris intelligere possumus aut sentire, multo sublimiora et excelsiora erunt illa quæ cessante ænigmata, facie ad faciem sancti quique merebuntur; quia quæ oculus non vidit, nec auris audivit, nec in cor hominis ascendit, hæc sunt quæ preparavit Deus his qui diligunt eum (*I Cor. ii.*).

#### CAPUT VII.

*Ubi princeps exercitus Domini apparuit Josue, quem ipse adoravit; et sermo Josue ad populum de expugnatione urbis Jericho.*

(IBID.) « Cum autem esset Josue in agro urbis Jericho, levavit oculos, et vidit virum stantem contra se, et evaginatum tenentem gladium, perrexitque ad eum, et ait : Noster es, an adversariorum ? » Qui respondit : Nequaquam; sed sum princeps exercitus Domini, et nunc venio. Cecidit Josue pronus in terram, et adorans ait : Quid Dominus meus loquitur ad servum suum ? Solve, inquit, calceamentum tuum de pedibus tuis; locus enim in quo stas sanctus est. Fecitque Josue ut sibi fuerat imperatum. » Respiciens oculis vidit principem militiæ Domini, tanquam qui prius non respxerit, sed tunc cum principem militiæ Domini visurus esset. Quem tamen Jesus cum vidisset, non eum velut communem hominem vidit, sed intellexit virtutem esse : nondum tamen intellexit ex divinis virtutibus, an ex contrariis una sit quæ videtur, et ideo interrogat et perquirit, dicens : « Noster es, an adversariorum ? » At ille ait : « Ego sum princeps militiæ virtutis Domini : nunc adveni. » Et cum hoc audisset Jesus, adoravit et dixit : Domine, quid præcipis servo tuo ? Quid est quod per hoc nos edocet Jesus ? Illud est sine dubio quod dicit apostolus : « Nolite omni spiritui credere, sed probate spiritus si ex Deo sint (*I Joan. iv.*). » Cognovit ergo Jesus non solum quia ex Deo est, sed quia Deus est; non enim adorasset, nisi cognovisset Deum. Quis alias est princeps militiæ virtutis Domini, nisi Dominus noster Jesus Christus ? Omnis namque cœli militia, sive angeli, sive archangeli, sive virtutes, sive dominationes, sive principatus, sive potestates, omnia hæc quæ per ipsum facta sunt, sub ipso principe militant qui est principum princeps, qui largitur principibus principatus. Ipse est enim qui dicit in Evangelio : « Esto tu potestatem habens super decem civitates (*Luc. xix.*). » Hic est qui accepto regno regressus est. Sed interim videamus quæ præsens lectio ingerit. In Jericho est Jesus, adhuc hostes obtinent civitatem, et nondum ceperat eam Jesus. Jam

tamen dicitur ad Jesum : « Solve calceamentum tuum de pedibus tuis, locus enim in quo stas terra sancta est. » Et quomodo Jericho terra sancta est, quæ ab hostibus retinetur? Sed ne forte hoc sit quod indicatur, quia quocunque venerit princeps militiae virtutis Domini, illuc locus erit sanctus; ego etiam aliquid amplius audeo et dico quia etiam et Moyses ubi stabat, per semetipsum non erat locus sanctus, sed quia Domini cum Moyse præsencia sanctificaverat locum. Et ideo dicitur ad eum : « Solve corrigiam calceamenti tui, locus enim in quo stas terra sancta est. » Unde et nos si vita et meritis accedamus ad Dominum, et digni efficiamur ut assistat nobis Deus, dicitur etiam ad nos ut solvamus a pedibus animæ nostræ, si quid in eis vinculi mortalis annexum est. Isti sunt enim pedes, quos lavit Jesus, quos nisi laverit non habebimus partem cum eo. Quod si ergo ab anima nostra et sensibus omne vinculum curæ mortalis absolvamus, continuo libenter etiam nobis aderit et assistet Deus. Quæ autem sunt in consequentibus videamus.

(Cap. vi.) « Jericho autem clausa erat atque munita a timore filiorum Israel, et nullus egredi audebat aut ingredi. Dixitque Dominus ad Josue : « Ecce dedi in manu tua Jericho, et regem ejus, omnesque fortes viros. Circuite urbem cuncti bellatores semel per diem. Sic facietis sex diebus; septimo autem die sacerdotes tollant septem bucinas, quarum usus est in jubilæo, et præcedant arcam fœderis Domini. Septiesque circuibitis civitatem, et sacerdotes clangent buccinis. Cumque insonuerit vox tubæ longior atque concisior, et in auribus vestris increpauerit, conclamabit omnis populus vociferatione maxima, et muri funditus corrunt civitatis, ingredienturque singuli per locum contra quem steterint, » etc. (Ex Isidoro.) Circundatur Jericho, expugnaturque, adversus quam gladius non conductitur, aries non dirigitur, nec tela vibrantur: tubæ solummodo sacerdotaes septem diebus continuis adhibentur, sive circumacta arca muri Jericho subruuntur. Jericho autem per interpretationem luna dicitur; luna vero mundi hujus speciem tenet, quia sicut luna menstruis completionibus deficit, ita hic mundus ad completionem temporum currens, quotidianis defectibus cadit. In arca vero Ecclesia figuratur, in tubis autem æreis prædicatores fortes accipiuntur. Hanc ergo urbem Jericho diebus septem ferentes arcam Israelite aenca tubis clangentibus circumueunt, et muri ejus per arce præsentiam, atque ærearum tubarum sonitu cadunt; quia in hoc tempore quod septem dierum viüssitudine volvitur, dum fertur arca, id est, dum orbem terrarum circumiens movetur Ecclesia. Veniens vero Dominus noster Jesus Christus, cuius ille prior filius Nave designabat adventum, mittit sacerdotes apostolos suos, portantes tubas ductiles, prædicationis magnificam coelestemque doctrinam. Sacerdotali tuba primus in Evangelio Matthæus increpuit: Marcus quoque, Lucas et Joannes, suis singuli tubis

A sacerdotalibus cecinerunt; Petrus etiam duabus Epistolarum suarum personat tubis: Jacobus quoque et Judas. Addidit nihilominus Joannes et tuba canere per ecclesias suas, et Lucas apostolorum gesta describens. Novissimus autem ille veniens, qui dixit : « Puto autem nos Deus apostolos novissimos ostendit (I Cor. iv), » et in quatuordecim Epistolarum suarum fulminans tubis, muros Jericho et omnes idolatriæ machinas et philosophorum dogmata usque ad fundamenta dejectit. Movet me sane etiam illud quod historia refert, quia non solum sacerdotes tubis cecinerunt ut caderent muri Jericho, sed et auditâ voce tubæ dicitur universus populus ululasse ululatu magno, vel sicut in aliis exemplaribus habetur, jubilasse jubilo magno. Et B quamvis iste sermo improprie translatus videatur; ἀλλαγμὸν enim in Græco scribitur, quod neque jubilum, neque ululatum proprie significat, sed illam magis ostendit vocem, qua belli tempore exercitus clamorem consonum tollens, unanimiter se cohortari ad bellum solet, tamen hic sermo in Scripturis jubilatio magis quam ululatio consuevit inscribi, ut ibi : « Jubilate Deo, omnis terra (Psal. Lxv); » Et iterum: « Beatus populus qui scit jubilationem (Psal. LXXXVIII). » Quod etiam me permovet dictum, quid istud tantum sit operis, quod beatum populum faciat. Non dixit, quia beatus populus qui scit mysteria, et qui scit cœli ac terræ et siderum rationem; sed « beatus, » inquit, « populus qui scit jubilationem. » In aliis timor Dei beatum facit; sic enim dicit : « Beatus vir qui timet Dominum (Psal. cx). » Alibi etiam plures sunt beati, sicut pauperes spiritu, vel mansueti, vel pacifici, vel mundi corde (Matth. v). Hic beatitudo profusa est, et tanta hic nescio quæ causa beatitudinis indicatur, ut universum populum faciat beatum, qui tamen scierit jubilationem. Unde mihi videtur jubilatio ista indicare quædam concordia et unanimitatis affectum. Qui si incidat in duos vel in tres Christi discipulos, omnia quæcumque petierint in nomine Salvatoris præstat eis Pater cœlestis. Si vero tanta fuerit beatitudo, ut universus populus concors et unanimus maneat, ut eadem dicant omnes, et in eodem sensu, et in eadem sententia permanentes, isto tali populo vocem unanimiter elevante, sicut illud quod scriptum est in Actibus apostolorum (Cap. v), quia terræmotus factus est ubi tunc unanimes orabant apostoli, cum mulieribus et Maria matre Jesu. Et terræmotu facto destruuntur et cadent omnia quæ terrena sunt, et subvertetur mundus. Audi denique Dominum et Salvatorem nostrum, adhuc ipsum suos milites cohortantem, quomodo dicit : « Confidite, ego vici mundum (Joan. xvi). » Illo ergo duce jam nobis victus est mundus, et muri ejus collapsi sunt, quibus homines sæculi nitebantur. Sed et unusquisque nostrum debet in semetipso ista complere. Habes in te Jesum ducem per fidem, fac tibi tubas ductiles, si sacerdos es; gens enim regalis effecta es, et sacerdotium.

sanctum de te dictum est : fac tibi tubas ductiles ex Scripturis, inde duc sensus, inde sermones ; propterea enim tubae ductiles appellantur. In ipsis cane, et si in talibus cecineris tubis, id est, in psalmis, hymnis et canticis spiritualibus, et septies arcam testamenti circumtuleris, id est, legis Mosaicæ præcepta ab evangelicis non separaveris tubis ; sed etiam jubilationis ex temetipso exigas consensum, id est, si cogitationum et sensuum tuorum populus qui intra te est concordem semper et consonam proferat vocem, et non aliquando verum dicas, aliquando personæ potestatis adulantis mendacio maculeris : si non te aliquando blandum remissio faciat, aliquando iracundia truculentum ; si non arrogans apud modicos, et apud superbos humili inveniris : denique si non pugna intra te geritur, dum concupiscit caro adversus spiritum, et spiritus adversus carnem. (*Ex Isidoro.*) Si haec intra te jam consonant et concordant, vocem jubilationis cito emittis, quoniam destructus et dejetus est mundus, qui fuit ante tibi rebellis : et ad prædicantium voces, quasi ad tubarum sonitum muri Jericho, id est, elati mundi ac superba insidelatis obstacula corruunt, donec in fine temporum mors novissima inimica destruatur. Et ex impiorum perditione unica domus Raab, tanquam unica Ecclesia liberatur, munda a turbine fornicationis, per fenestram confessionis, in sanguine remissionis. Ista enim meretrix in Jericho tanquam in mortali hoc sæculo moratur, quæ ut salvari possit, per fenestram domus suæ, tanquam per os corporis sui, coccum mittit, quod est sanguinis Christi signum pro remissione peccatorum confiteri ad salutem. Qui inventi sunt in domo illius, salvati sunt ab interitu urbis, et quicunque intra Ecclesiam reperiuntur, ipsi tantum salvantur ; extra hanc autem domum, id est, extra Ecclesiæ, nemo salvatur.

(*Ibid.*) « Dixitque Josue ad omnem Israel : Vociferamini ; tradet enim vobis Dominus civitatem. Sitque civitas hæc anathema, et omnia quæ in eis sunt, Domino. Sola Raab meretrix vivat cum universis qui cum ea in domo sunt ; abscondit enim nuntios quos direximus. Vos autem cavete ne de his quæ præcepta sunt quidpiam continentatis, et sitis prævaricationis rei, et omnia castra Israel sub peccato sint atque turbentur, et reliqua. Tale est quod indicatur in his verbis : Vide ne quid in vobis sacrilegum habeatis, ne sæculares nequitias, ne tergiversationem de sæculo vobiscum ad ecclesiam deferatis, sed anathema vobis sit omnis conversatio sæcularis. Nolite divinis mundana miscere, nolite negotia sæcularia Ecclesiæ servitiis inserere. Hoc est quod Joannes Epistole suæ personat tuba, dicens : « Nolite diligere mundum, neque ea quæ in mundo sunt (*I Joan. ii.*). » Et Paulus similiter : « Nolite, » inquit, « conformari huic sæculo (*Rom. xii.*) ; » qui enim hoc faciunt, accipiunt de anathemate. Sed et illi qui (verbi causa) cum Christiani sint, solemnitates gen-

A tilium celebrant, anathema in Ecclesiam introducunt ; qui astrorum cursibus vitas hominum et gesta perquirunt, qui volatus avium, et cætera bujusmodi quæ in sæculo prius observabantur inquirunt, de Jericho anathema deferunt in Ecclesiam, et polluant castra Domini, et vinci faciunt populum Dei. Sed et multa alia peccata sunt, per quæ anathema de Jericho introducitur in Ecclesiam per quæ populus Dei vincitur et prosternitur ab inimicis. Aut non Apostolus haec eadem præcipit, cum dicit : « Modicum fermentum totam massam corruptit ? » (*I Cor. v.*)

### CAPUT VIII.

*De eo quod Raab meretricem et domum ac familiam ejus Josue fecit vivere et habitare in medio filiorum Israel, et de maledicto prolatu contra urbem Jericho.*

(*Ibid.*) « Raab vero meretricem, et domum patris ejus, atque omnia quæ habebat, fecit Josue vivere, et habitaverunt in medio Israel usque in præsentem diem, eo quod absconderit nuntios quos miserat, ut explorarent Jericho. » Volim requirere a Judæis et ab his qui Christiani quidem dicuntur, sed in Scripturis adhuc sensum Judaicum servant, quomodo exponant Raab meretricem adjectam esse domui Israel usque in hodiernum diem. Quomodo Raab usque in hodiernum diem adjecta esse dicitur ? Hoc enim Scripturæ sanctæ moris est, dicere de his quæ usque in finem vel vite vel sæculi permanent. Verbi causa, ut ait :

C « Hic pater est Moabitarum usque in hodiernum diem (*Gen. xix.*), » quod significat, usque in consummationem sæculi. Et iterum in Evangelio dicitur : « Quia dissimilatus est hic sermo apud Judæos usque in hodiernum diem (*Matth. xxviii.*), » id est, usquequo sæculum stat. Raab vero mulier quomodo adjecta esse dicitur domui Israel usque in hodiernum diem ? Nunquid non matri successio posteritatis ascribitur, ut videatur in sobolis reparatione servari ? an magis intelligendum est quod vere Israeli juncta est ac sociata usque in hodiernum diem ? Et si vis manifestius videre quomodo Raab jungitur Israeli, intuere quomodo ramus oleastri inseritur in radicem bonæ olivæ ; et intelliges quomodo hi qui inserti sunt sive, Abrahæ et Isaac et Jacob, recte appositi dicuntur et adjecti ad Israel usque in hodiernum diem : quia in illorum radice nos rami oleastri ex gentibus assumpti, qui aliquando meretricabamur, lignum et lapidem pro Deo coientes, appositi sumus usque in hodiernum diem, et facti sumus per fidem Christiani.

D (*Ibid.*) « In tempore illo imprecatus est Josue dicens : Maledictus vir ille coram Domino qui suscitaverit et ædificaverit civitatem Jericho. In primogenito suo fundamenta illius jaciat, et in novissimo liberorum ponat portas ejus » Hanc imprecationem impletam esse temporibus regum manifestum est, cum in libro primo Malachim de temporibus regni Achab ita scriptum est : « In die-

bus ejus ædificavit Ahiel de-Bethel Jericho : in Abiram primogenito suo fundavit eam, et in Segub novissimo suo posuit portas ejus (*III Reg. vii.*). Patet sensus, quia cum præfatæ conditor urbis fundamenta illius ponere inciperet, primogenitus ejus, qui vocabatur Abiram, mortuus est : et cum urbe ædificata portas munire tentaret, novissimum filiorum cognomento Segub amisit : quod ita futurum Josue, cum eam destructam anathemati traduceret, imprecando prædictus, « Maledictus, » inquietus, « vir coram Domino, qui suscitaverit et ædificaverit civitatem Jericho. In primogenito suo fundamenta illius jaciat, et in novissimo liberorum ponat portas ejus. » Quia vero Ahiel vivens Deo, Bethel interpretatur domus Domini, Ahiel de Bethel destruxta a Josue atque anathematizata Jericho moenia restaurat, cum quis eorum qui in Ecclesia habitum religionis assumpserant, ad agenda sclera, quæ ei Dominus Jesus in die baptismatis donaverat, redit : quasque ipse anathematizaverat diaboli pompas, luxuriose vivendo repetit, cum errorum dogmata, vel gentilium fabulas veritati ecclesiasticæ, qua imbutus est, quasi de Bethel egrediens, ruinas Jericho resuscitat. Meritoque talis coram Domino maledictus, et primum filiorum in fundatione nefariae civitatis, et novissimum in portarum positione amittit ; quia et fundamenta fidei a quibus bona ædificia inchoare, et claustra bonæ actionis quibus perfici debuerat, perdit.

## CAPUT IX.

*De eo quod Achan filius Charmi usurparit sibi de anathemate urbis Jericho, et vindicta in eum prolatæ.*

(*Cap. vii.*) « Fuit ergo Dominus cum Josue, et nomen ejus in omni terra vulgatum est : filii autem Israel prævaricati sunt mandatum, et usurpaverunt de anathemate. Nam Achan filius Charmi, filii Zabdi, filii Zare, de tribu Juda, tulit aliquid de anathemate. Iratusque Dominus contra filios Israel, » etc. (*Ex Augustino.*) In eo quod factum est ut Achan de tribu Juda furaretur de anathemate civitatis Jericho contra præceptum Domini, et propter ejus peccatum tria millia quæ missa fuerant in Hai dederunt terga hostibus, et occisi sunt ex eis triginta sex viri, et populo graviter territo, Jesus cum senioribus se prostravit ad Dominum, eique responsum est ideo factum esse quod peccaverat populus ; minatus est etiam Deus non se cum eis futurum, nisi abstulerint anathema de seipsis ; et quod ostensus est qui defecerat, nec solus occisus, sed cum omnibus suis : queri solet quomodo juste pro alterius peccatis in alios vindicetur ; maxime quia in lege Dominus dixit (*Ezech. xviii.*), nec patres pro filiorum, nec filios pro patrum peccatis esse puniendos. An illud judicantibus hominibus est præceptum, ne quemquam pro altero puniant ; Dei autem judicia non sint ejusmodi, qui alto et invisibili consilio suo novit quantum extendat etiam temporalem hominum

A poenam salubremque terrorem ? Non enim aliquid dirum (quantum attinet ad universi mundi administrationem) contingit mortalibus, cum moriuntur quandoque morituri ; et tamen apud eos qui talia metunt, disciplina sanctitur, ut non se solum quisque curet in populo, sed invicem sibi adhibeant diligentiam, et tanquam unius corporis et hominis unius alia pro aliis sint membra sollicita. Nec tamen credendum est etiam poenis quæ post mortem irrogantur, alium pro alio posse damnari : sed in his tantum rebus hanc irrogari poenam, quæ finem fuerant habituæ, etiamsi non eo modo finirentur. Similiter etiam ostenditur quanta connexa sit in populo societate ipsa universitas, ut non in se ipsi singuli sed tanquam partes in toto astimentur.

B Per unius igitur peccatum mortemque paucorum admonitus est populus universus, tanquam in corpore universo querere quod commissum est. Simul etiam significatum est quantum mali fieret, si universa illa congregatio peccasset, quando nec unus quidem ita potuit judicari ut ab eo possent cœteri esse securi. At vero si Achan ab aliquo inventus atque comprehensus, et illius criminis reus ad judicium Jesu fuisse adductus, nequaquam putandum est, hominem judicem, vel pro illo et cum illo quemquam alium qui societate facti ejus minime teneretur, fuisse punitum. Neque enim ei mandatum legis licebat excedere, quod datum est hominibus, ne judicio suo quod in hominem homini jussum sive permisum est, alterum pro alterius peccato arbitretur esse plectendum. Longe autem secretiore justitia judicat Deus, qui potens est etiam post mortem (quod homo non potest) vel liberare vel perdere. Visibiles igitur afflictiones hominum, sive mortes, quoniam his quibus ingerruntur et obesse et prodesse possunt, novit Dominus in occulto providentia suæ, quemadmodum juste quibusque dispenset, etiam cum aliorum peccata in aliis videtur ulcisci. Pœnas vero invisibilis, quæ non nisi nocent et prodesse non possunt, ita nullus Deo judice pro alienis peccatis luit, sicut homine judice luere nullus nisi pro sua culpi stas visibiles debet. Hoc enim præcepit homini judici Deus in his quæ ad humanum judicium pertinent vindicanda, quod in suo judicio facit ipse, quo potestas non aspirat humana.

C D (*Ibid.*) « Tollens itaque Josue Achan filium Zare, et argentumque, et pallium, et auream regulam, et filiosque ejus et filias, boves et asinos, et oves, et ipsumque tabernaculum, et cunctam supellectionem, et omnis Israel cum eo, duxerunt eos ad vallem Achor, ubi dixit Josue : Quia turbasti nos, exturbet te Dominus in die hac : lapidavitque eum omnis Israel, et cuncta quæ illius erant igne consumpta sunt. Congregaverunt quoque super eum acervum magnum lapidum qui permanet usque in præsentem diem : et aversus est furor Domini ab eis : vocatumque est nomen loci illius vallis Achor usque hodie. » (*Ex Augu-*

*stino.) Merito quæritur, cum Dominus propter illum qui de anathemate furtum faceret, præcepit eum qui fuisset ostensus cremari, cur eum ostensum Jesus lapidari potius a populo fecerit. An ita eum mori oportuit quemadmodum Jesus, qui proprius Dominum sequebatur, verba jubentis intelligere potuit? Unde magis quærendum est cur lapidationem ignem appellaverit Dominus, quam credendum Jesum aliud fecisse quam jusserset Dominus. Nam neque ad intelligendum verba Domini quisquam potuit esse sapientior, neque ad facienda quisquam obedientior. Proinde ignis nomine poenam potuisse significari, Scriptura testis est in Deuteronomio, ubi dicitur ad filios Israel: « Et eduxi vos de fornace ferrea ex Ægypto (*Deut. iv*) ; » ubi utique duram tribulationem intelligi voluit. Due mihi autem causæ occurunt (non ut ambæ sint, sed ut altera ex eis) cur non ille cum suis omnibus evidenter igne crematus sit. Si enim peccatum ejus Dominus tale esse judicavit quod supplicio illo expiatum non puniret in æternum, propter ipsam expiationem et purgationem congruenter illa poena ignis nomen accepit. Neque ad hunc intellectum quisquam tendere admonetur, si eum proprie visibilis ignis exureret, sed in eo quisque remanere quod aperte videbat impletum, nec aliquid ultra quæreret. Nunc vero cum propter Dei verba, et factum suum, quo prævaricari illa verba non possent, rectissime dicuntur etiam lapidationem ignem fuisse, eleganter agnoscere illa poena hominem, ne in posterum peccato illo interiret, fuisse purgatum. Quod significant etiam vasa in libro Numerorum, quæ jubentur igne purgari (*Num. xxxi*). Si autem tale fuit illud peccatum, propter quod eum etiam post istam vitam gehenna susciperet, id est Jesus voluit eum lapidari, ut quod a Domino dictum est igni cremabitur: ut illud admoneret intelligi, quod Dominus ficeret, non quod ab ipsis esset faciendum. Si enim dixisset Dominus: Igne cum cremabis et omnia ejus, huic sensui locus nullus esset. Cum vero ita positum est ut magis videatur Deus quod ei futurum esset prædictisse, quam quod ei ab hominibus debaret fieri præcepisse, melius non potuit facere Jesus qui divina verba sicut tantus propheta intellexit, qui etiam hoc ipsum prophetice fecit, quam ut illum lapidibus potius quam flammis interimeret; ne in illis ignibus verba Domini viderentur impleta, quæ ob aliud dicta volebat intelligi. Nec movere debet quod non ipsum tantum, sed etiam omnia quæ sunt ejus, Deus cremanda igni prædixerit. Sic enim ait: Igne cremabitur et omnia quæcumque sunt ei: omnia enim quæcumque sunt ei, opera ejus possunt intelligi, quæ cum illo dixit esse concremenda; nam sicut dicit Apostolus de quibusdam operibus igne consumptis, « ipse autem salvus erit (*I Cor. iii*). » Si hujus peccatum ita intelligentum est ut etiam æterno igne puniatur, filios ejus et filias cum pecoribus et omnibus quæ habebat, populus qui dem cuin eum puniret, simul lapidibus obruit: non*

A tamen hoc judicio humano, sed prophetico spiritu fecit Jesus; sive ita intelligens « omnia quæ sunt ei, » ut nec filios censeret exceptos, lapidationis etiam poenam pro igne ingerens; sive opera ejus quæ post mortem Deus in illo fecerat crematurus, non solum per cætera quæ illi erant, verum etiam per filios ejus significans. Nec ideo sane credendum est eos pro peccato patris, a quo innocentes erant, etiam post mortem supplicio inferni ignis incensos. Mors quippe ista, quæ ornes manet, quamvis de primo peccato veniat; tamen quia ita nati sumes ut necessario moriendum sit, accelerata quibusdam est utilis. Unde legitur de quodam: « Raptus est ne malitia mutaret intellectum ejus (*Sap. iv, 11*). » Quo ergo judicio Dei vel misericordia fuerit irrogata, sive filiis ejus, sive illis triginta sex viris, cum omnes ab ejus peccato alieni fuerint, latet apud eum apud quem non est iniurias. Verum illud in promptu est quod et populum terribiliter oportebat querere quod admissum est, et tanto vehementius timuerunt ceteri factum ejus imitari, quanto magis humana exhorret insirmitas, et in tam magnum tamque justum populi odium dari, et eis quos ad spem propagandi generis se relictum putabat peccato suo secum consumptis suis posteris emori. Sed et illud non otiose transcurrendum est, quod uno peccante ira super omnem populum venit. (*Ex Adamantio.*) Hoc quomodo accidit? Quando sacerdotes qui populo præsunt erga delinquentes benigni volunt videri, et verentes peccantium linguas, ne forte male de his loquuntur, sacerdotalis severitatis immemores, nolunt quod scriptum est compiere: « Peccantem coram omnibus argue, ut et ceteri metum habeant (*I Tim. v*); » et iterum: « Auferte malum de vobis ipsis (*I Cor. v*); » nec zelo Dei succensi imitantur Apostolum dicentem: « Tradidi hujusmodi hominem Satanæ in interitum carnis, ut spiritus salvis fiat (*Ibid.*). » Neque illud evangelicum implere student, ut si viderint etiam post correctionem duobus vel tribus arbitris contempnere, et si post Ecclesiæ correptionem non fuerit emendatus, de Ecclesia expulsum velut gentilem habeant ac publicanum (*Matt. xviii*); et dum parcunt uni, universæ Ecclesiæ moliuntur interitum. Sed videamus ne forte interioris intelligentiae sit tanta et tam gravis acerbitas ista peccati. (*Ex Isidoro.*) Multa est in verbis et multa est in philosophorum et rhetorum sermonibus pulchritudo, qui omnes de civitate sunt Jericho, id est, hujus mundi homines. Jericho itaque, ut dictum est, mundi gerit figuram. De anathemate ergo ejus fraudans, in tabernaculo suo abscondit, qui saeculares mores in secretis ecclesiæ inserit: qui sub cultu Dei manens, solemnitates saeculi vel spectacula diligit; qui sortilegos, aruspices et augures inquirit; vel qui ceteros ritus persuadet qui prius in Jericho, id est, in hoc saeculo, habebantur. Iste ergo, quia post fidei indumentum, conversationis saecularis cultum inducit, quasi pallium de anathemate tollit. Sed et

ille de anathemate Jericho fraudat, qui in ecclesiā hæreticorum infert dogmata, et superstitionis sacerdotalium litterarum studia. Hæc enim est regula aurea, luculentō sermone aptata: hanc fraudati sunt Arius, Marcion et Basilides; furati sunt enim isti regulas aureas de Jericho, et philosophorum sectam non rectam in Ecclesiam conali sunt introducere et maculare omnem Ecclesiam Domini, ita ut alii multi perderentur per eos: ideoque abjecti pro anathemate, quasi acervo lapidum, ita multitudine peccatorum suorum oppressi atque extincti sunt: quorum auctor ac peremptor ex Ahi, hoc est, diabolus, qui per illorum impietatem fidelium quosdam evicerunt, rursus separatus evincitur, atque a populo Dei suspensus ligno, crucis virtute necatur.

## CAPUT X.

*De expugnatione urbis Ahi et interfectione regis ipsius.*

(CAP. VIII.) « Dixit autem Dominus ad Josue: « Ne timeas, neque formides; tolle tecum omnem multitudinem pugnatorum, et consurgens ascende in oppidum Ahi. Ecce tradidi in manu tua regem ejus, et populum, urbemque, et terram: facies que urbi Ahi, et regi ejus, sicut fecisti Jericho et regi illius: prædam vero et omnia animantia dñripietis vobis. Pone insidias urbi post eam. Surrexitque Josue, et omnis exercitus bellatorum cum eo, ut ascenderent in Ahi, et electa triginta millia virorum fortium misit nocte, præcepitque eis dicens: Ponite insidias post civitatem, nec longius recedatis, et eritis omnes parati. Ego autem et reliqua multitudo quæ mecum est, acceptemus ex adverso contra urbem, » etc. (Ex Augustino.) Quod Deus jubet loquens ad Jesum ut constitutus sibi retrorsum insidias, id est, insidiantes bellatores ad insidiandum hostibus, hinc admonemur non injuste fieri ab his qui justum bellum gerunt, ut nihil homo justus præcipue cogitare debeat in his rebus, nisi ut justum bellum suscipiat, cui bellare fas est: non enim omnibus fas est. Cuni autem justum bellum suscepit, utrum aperta pugna, utrum insidiis vincat, nihil ad justitiam interest. Justa autem bella definiri solent quæ ulciuntur injurias: si qua gens vel civitas, quæ bello petenda est, vel vindicare neglexerit quod a suis improbe factum est, vel reddere quod per injurias ablatum est. Sed etiam hoc genus belli sine dubitatione justum est quod Deus imperat, apud quem non est iniquitas, et novit quid cuique fieri debeat. In quo bello ductor exercitus, vel ipse populus, non tam auctor belli quam minister judicandus est. Jesus mittens ad Ahi debellandum triginta millia bellatorum, ait illis: « Vos insidiabitimi post civitatem, et non longe eritis a civitate, et eritis omnes parati: et ego, et omnis populus qui mecum est, accedemus ad civitatem: et erit cum exierint qui comorantur in Ahi in obviam nobis, sicut et antea, fugiemus a facie illorum. Et cum exierint post nos, ablucentur illos de civitate, et dicent: Fugint isti

A facie nostra sicut antea. Vos autem exsurgetis ex insidiis, et ibitis in civitatem. Secundum verbum istud facietis: ecce, præcipio vobis. Quærendum est utrum omnis voluntas fallendi pro mendacio deputa sit; et si ita est, utrum possit justum esse mendacium quo ille fallitur qui dignus est falli: et si nec quidem mendacium justum reperitur, restat ut secundum aliquam significationem hoc quod de insidiis factum est ad veritatem referatur. Jubetur a Deo dux populi Jesus in duas partes dividere populum, ut pars simulet fugam, pars autem subsistat in insidiis, quibus decipiatur Ahi. Quibus ita dispositis, rex Ahi videns Jesum et filios Israel eminus, concitatur aduersus eos in prælium: illis vero simulantibus fugam, isti acris insecentur, et velut

B spolia ducturi de hostibus, omnes simul procedunt, ita ut, ut Scriptura dicit, relinquenter vacuam civitatem. Sed posteaquam in constitutum progressi sunt locum, conversus Jesus signum dedit ut exsurgent qui in insidiis erant, et dorsa hostium cæderent: et ita illi novissimi et isti primi medios hostes conclusos interimunt universos: et hoc modo victis his qui habitabant Ahi, regem eorum suspenderunt in ligno. His auditis, verisimile est auditores dicere: Quid mihi hæc? quid mihi confert si cognoscam quod devicti sunt qui habitabant Ahi? quia si non similia, aut etiam potentiora bella, vel gesta sint vel gerantur, hæc fuit cura Spiritus sancti ut, relictis tot tantarum nobilium excidiis urbium, prælium civitatis Ahi inscriptum sacris voluminibus mandaretur. Primo propter peccata victi suinus, et hi qui habitabant Ahi quamplurimos ex nobis interfecerunt. Ahi interpretatur chaos, chaos autem locum vel habitaculum esse novimus contrariarum virtutum, quarum rex et principes diabolus est. Adversum hunc veniens Jesus, in duas partes dividit populum, et alios quidem in primis statuit, alios in posterioribus, qui ex insperato post tergum veniant inimicorum. Et vides num prima pars est populi illa de qua dicit: « Non veni nisi ad oves perditas domus Israel (Matth. xv), » et de qua dicit Apostolus: « Gratia autem et pax omni homini operanç bonum, Judeo primum et Græco (Rom. ii), » id est, gentili. Prior ergo iste populus qui in primis statuit, et quasi fugiens cum Jesu; posterior vero populus, qui ex gentibus congregatur, quinque ex insperato venientes (quis enim speraret gentes salvari?) acris post tergum adversarios cædunt. Et sic utique populus medium turbam dæmonum sternit et vincit. Sed fortasse dicis mihi: Quomodo ergo quasi fugiens ponitur populus prior, et velut consequentes fugeret? Etenim versi sunt qui sequuntur Jesum a legalibus oneribus et præceptis, ab observatione sabbati, a circumcisione carnis, a jugulatione hostiarum. Sed iterum non fugit, quia secutus est Jesum, perfectionem et plenitudinem legis. Post omnia autem is etiam rex Ahi in ligno gemino dicitur esse suspensus. Hoc in loco mysterium tegitur quamplurimos latens, sed orantibus nobis tentabimus hæc omnia, non nostris opinionibus, sed

Scripturæ divinæ testimoniis aperire. In superioribus diximus regem Ahi diabolo posse conferri, hic quomodo gemino ligno crucifixus est, operæ premium est noscere. Crux Domini nostri Jesu Christi gemina fuit. Mirus tibi sermo fortasse et novus videtur. Quod dico crux gemina fuit, hoc est, gemina ratione constat et dupli; quia visibiliter quidem Filius Dei in carne crucifixus est; invisibiliter vero in hac cruce diabolus cum principatibus et potestatis affixus est cruci. Non tibi hoc videtur verum, si tibi horum testem produxero apostolum Paulum? Audi ergo de his quid ipse pronuntiat: « Et quod erat, inquit, contrarium nobis, tulit illum e medio, affigens cruci suæ, exuens principatus et potestates traduxit libere, triumphans eos in ligno crucis (*Col. ii*). » Licet et in aliis exemplaribus habeatur, « triumphans eos in semetipso. » Sed apud Graecos habetur, *in ligno*. In ligno ergo duplex ratio est Dominicæ crucis: una illa quam dicit apostolus Petrus, quod Christus crucifixus reliquit nobis exemplum. Et bæc secunda crux illa tropæum de diabolo fuit, in quo crucifixus est et triumphatus. Ideo denique apostolus Paulus dicebat: « Mihî autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo (*Gal. vi*). » Vides quia et hic Apostolus duplœm crucis prodidit rationem. Duo enim sibi contraria dicit esse crucifixia: sanctum et peccatorem, mundum et illam formam sine dubio quam superius diximus Christi et diaboli. Nos enim crucifigimur mundo tunc, cum veniens princeps mundi hujus in nobis non invenit quidquam; et nobis crucifigitur mundus, cum peccati concupiscentiam non recipimus. Sed si quis forte est attentior auditor, potest dicere: Forma quidem rerum videtur esse conveniens; sed adhuc illud me movet quod diabolus et exercitus suis, quantum ad historiæ ostenditur figuram, interemptus est. Et quomodo videmus adhuc diabolum et contrarias potestates in tantum valere adversus servos Dei, ut etiam apostolus Petrus cum ingenti cautela præmoneat et dicat observandum esse, « quia adversarius noster diabolus, sicut leo rugiens, circuit quærens quem devoret (*I Petr. v*). » Videamus ergo si et hic dignum aliquid sancti Spiritus eloqui possimus invenire. Adventus Christi, unus quidem in humilitate compertus est, alias vero speratur in gloria; et hic primus adventus in carne, mystico quodam sermone, in Scripturis sanctis umbra ejus appellatur, sicut et Jeremias propheta dicit: « Spiritus vultus nostri Christus Dominus, cui nos diximus: In umbra ejus vivemus in gentibus (*Thren. iv*). » Sed et Gabriel, cum evangelizaret Mariæ de nativitate ejus, dicit: « Virtus Altissimi obumbrabit tibi (*Luc. i*); propter quod intelligimus primo hoc adventu ejus adumbrari, quorum adinpletio et perfectio in secundo consummetur adventu. Unde Apostolus dicit, « quia resuscitavit nos cum ipso, simulque sedere fecit in coelestibus (*Eph. ii*). » Et utique nondum videmus credentes aut resuscitatos esse jam, aut in

A coelestibus considere. Sed umbrata sunt quidem bæc nunc per fidem, quia mente et spe a terrenis et mortuis operibus elevamur, et cor nostrum erigimus ad coelestia a terra. Implebitur tamen hoc in secundo adventu ejus, ut ea quæ nunc fide et spe præsumimus, tunc etiam rerum effectu corporaliter teneamus. Ita ergo de diabolo intelligendum est, quod vicitus est quidem et crucifixus est, sed his qui crucifixi sunt cum Christo; omnibus autem creditibus, et universis populis tunc erit crucifixus. Tunc complebitur illud quod dicit Apostolus; « quia sicut in Adam omnes moriuntur, ita et in Christo omnes viviscabuntur (*I Cor. xv*). » Est ergo et in hoc etiam latens figura mysterium; nam et dividetur populus in duas partes: erunt et alii primi, et alii postremi; B qui cum ad JESUM unum conspiciaverint, jam tunc ultra omnino non erit diabolus, quia jam non erit mors. Vis tibi etiam hæc divinis testimoniis comprobemus? Audi Apostolum dicentem: « Hoc enim vobis dicimus in verbo Domini, quia nos qui vivimus, qui residui sumus, in adventu Domini non præveniemus eos qui dormierunt: quoniam ipse Dominus in jussu, et in voce archangeli, et in tuba Dei descendet de cœlo: et mortui qui in Christo sunt, resurgent primi; deinde nos qui vivimus, qui relinquimur, simul rapiemur cum illis in nubibus obviam Christo in aera: et sic semper cum Domino erimus (*I Thess. iv*). » De diabolo autem ait: « Novissimus inimicus destruetur mors (*I Cor. xv*); » qui tunc vere vincitur, cum mortale hoc absorbeat C vita.

(CAP. VIII.) « Igitur omnibus interfectis qui Israelem ad deserta tendentem fuerant persecuti, et in eodem loco gladio corridentibus, reversi filii Israel percusserunt civitatem, » et reliqua. Quid putas esse quod Jesus fugiens designabat? Videamus ne forte sit aliquid quod fugiendo vincamus: et est aliqua perfecta virtus in fuga. Paulus nos apostolus docet, dicens: « Fugite fornicationem (*I Cor. vi*); » vides ergo quemdam spiritum fornicationis quem fugere debemus, quicunque caste et pie in Christo et pudice volumus permanere. Ista fuga beatitudinem conservat. Et non solum fornicationis spiritus fugiendus est, sed simili modo, sicut dictum est, « fugite fornicationem, » audiamus quid dicit ad nos. Fugito iram, fugite avaritiam, fugite invidiam et livorem, fugite detractiones et mala colloquia (*Col. iii*; *I Pet. ii*; *Eph. v*); quæ tamen nescio quis evadat. Iste talis erat exercitus Ahi, quem Jesus fugiendum docebat milites suos: et de his fortasse mandat discipulis suis, dicens: « Si vos persequantur in una civitate, fugite in aliam (*Matth. x*). » Quod si in aliam persequuntur, fugiamus in tertiam. Vult ergo nos fugere ab hujusmodi hostibus, vult nos longe effici ab hujusmodi malis.

(IBID.) « Josue vero non contraxit manum, quam in sublime porrexerat, tenens clypeum, donec interficerent omnes habitatores Ahi, » et cetera. Hæc cum legunt Judæi, crudeles efficiuntur, et hu-

**A** manum sanguinem sitientes, putantes quia et sancti A percusserunt eos qui habitabant Ahi, ut non relinqueretur ab eis qui salvus fieret et neque qui suferet : non intelligentes in his verbis adumbrari mysteria, et hoc a nobis magis indicari, quod ex his quorum chaos est habitaculum, et qui regnaverunt in abyso dæmonibus, nullum penitus relinquere debeamus, sed omnes interimere. Interimimus autem dæmones, non ipsam eorum substantiam perimentes : sed quia opus eorum ac studium hoc est ut peccare homines faciant, et hæc est illorum vita si nos peccemus, sine dubio interitus corum est si non peccemus. Interviciunt ergo habitatores Ahi, sancti quique perimunt, et non dimittunt ex eis ullum : hi sine dubio qui cum omni diligentia servant corpus, ne de eo cogitationes malæ procedant. Sed et qui observant os suum, ut omnis sermo malus ex ore eorum non procedat. Hoc est non illum relinquere qui effugiat cum eis, nec sermo effugiat malus. Agite ergo et vos : preparamus nos ad hujusmodi prælia, percutiamus Ahi in ore gladii, et extinguiamus omnes habitatores chaos, omnes contrarias virtutes. Utinam et ego modo dum loquor ad vos verbum Dei, cor pectoris pulsare possim ! quod si fecero, certum est quod gladio oris mei percutiam fornicationem, percutiam malitiam, refrenem furorem, et si qua alia sunt mala, in ore gladii, hoc est, oris mei sermone, restinguam, et non derelinquam ex eis qui salvus fiet, neque qui effugiat. Si enim omnes hostes nostros extinxerimus, tunc vere diem festum celebrabimus Deo, et, devictis adversariis, leta solemnitate gaudebimus. Tale aliquid mihi etiam videtur sanctus propheta in psalmis designare, ubi dicit de se, quia « in matutinis interficiebam omnes peccatores terræ, ut disperderem de civitate Domini omnes qui operantur iniquitatem (*Psal. c.*). » Si enim civitas Domini Ecclesia Dei viventis accipitur, ejiciunt doctores de Ecclesia et interficiunt eos qui operantur iniquitatem, contrarias dæmonum adversariaque virtutes, quæ cogunt homines ad peccatum docendo et instituendo, et occulta in divinis litteris ex locis talibus, in qualibus nunc sumus, mysteria reserando. Sive civitatem Domini uniuscujusque nostrum animam intelligamus, quæ ædificatur a Domino ex lapidibus vivis, id est, ex virtutibus variis et diversis. De ipsa quoque civitate sanctus quisque et diligens ejicet peccatores, id est, cogitationes pessimas et cupiditates pravas interficiet in matutino ortus sui. Justus enim dicit : « In matutinis meditabor in te, quia fuisti adjutor meus (*Psal. lxii*). » Quod est istud matutinum, nisi Dominus noster Jesus Christus, qui est lux vera oriens in cordibus nostris, atque illuminans ignorantiae nostræ tenebras, facit nos in lumine suo lumen videre ? Si quando ergo legas in Scripturis justorum pugnas, cades ac strages interemptorum, et quia sancti nullis penitus hostium parcunt; quin imo et si pepercint, reputari eis in peccatum, sicut reputatum est Sauli, qui vivum servaverat Agag regem Amalec;

PATROL. CVIII.

**B** hoc modo quo supra exposuimus, intellige bella iustorum, quia hæc bella ab eis adversum peccatum geruntur. Quomodo manebunt justi, si vel parvum aliquid peccati in semetipsis servaverint ? Et ideo dicitur de eis quia non dereliquerunt nec unum qui salvus fieret et qui effugeret.

(*Ibid.*) « Præcepitque Josue, deposueruntque cadaver ejus de cruce, projeceruntque in ipso introitu civitatis, congero super eum magno acervo lapidum, qui permanet usque in præsentem diem, » et reliqua. Quid significat quod cadaver regis Ahi, per præceptum Josue de cruce depositum, projicitur in introitu civitatis, nisi quod diabolo damnato per passionem Christi, statim ei in ingressu fidei et baptismatis perceptione, a quibusque credentibus, secundum Salvatoris nostri mandatum, renuntiatur, et ejus cultui penitus contradicitur ? « Congesto super eum magno acervo lapidum, » hoc est, multitudine durarum sententiæ, quibus ejus perfidia seu nequitia improbatetur atque damnatur ? Quæ congeries permanet usque in præsentem diem, quia damnationis sue opprobrium ipsi diabolo et angelis ejus perseverat in perpetuum : quia sicut illorum correctio nunquam erit, ita damnationis poena nunquam cessabit.

(*Ibid.*) « Tunc ædificavit Josue altare Domino Deo Israel in monte Ebal, sicut præceperat Moyses factulus Domini filiis Israel, » et reliqua. Videamus quid in his omnibus indicatur, et quid præsens lectio nobis ædificationis acquirat. Omnes qui in Iesum Christum credimus, lapides vivi esse dicimus, quod Scriptura prænuntiat dicens : « Vos autem estis lapides vivi ædificati domus spiritalis, hostias acceptabiles offerentes Deo per Jesum Christum (*I Petr. ii*). » Sicut autem in istia terrenis lapidibus observari novimus, et hi quidem lapides qui validiores sint et potentiores primi in fundamenta ejiciantur, ut ipsis credi et superponi possit totius ædificii dominus; alii vero qui sequentes sunt, id est paulo illis inferiores, proximi illis qui in fundamento sunt, ordinantur; qui vero plus inferiores sunt, paulo superius a fundamento; tum deinde in corpore lapidum, qui infirmiores sunt, in superioribus et prope ipsa jam tecti fastigia collocantur : ita nunc etiam intellige de lapidibus vivis aliquos esse in fundamentis hujus spiritalis ædificii. Qui autem sunt isti qui in fundamentis collocantur ? Apostoli et prophetæ. Sic enim dicit Paulus hæc ipse docens : « Ædificati, inquit, super fundamentum apostolorum et prophetarum, in ipso angulari lapide Iesu Christo Domino nostro (*Eph. ii*). » Ut autem te promptiorem, o auditor horum, præparares ad hujus ædificii constructionem, ut lapis aliquis inveniaris vicinior fundamento, disce quia et ipse Christus hujus quod nunc descripsimus ædificii fundamentum est. Sic enim dicit Apostolus : « Fundamentum enim aliud nemo potest ponere, præter id quod positum est, quod est Christus Jesus (*I Cor. iii*). » Beati ergo qui super istud nobile fundamentum ædificantes, religiosa et

sancta construxerint opera. Sed in hoc ædificio ecclesiae esse oportet altare; unde ego arbitror quod quicunque ex vobis lapidibus vivis apti sunt, in hoc et prompti, ut orationibus vacent, ut diu noctuque obsecrationes offerant Deo, et supplicationum victimas immolent, ipsi sunt ex quibus ædificat Jesus altare. Sed intuere quid laudis ipsis lapidibus altaris ascribitur? Sicut dixit, inquit, legislator Moyses: *Ædifice altare ex lapidibus integris, quibus ferrum non est injectum. Quid putas sunt isti integri lapides?* Novit uniuscujusque conscientia quis sit integer, et quis sit incorruptus, immaculatus in carne et spiritu. Jacula maligni ignita concupiscentiae non recipit, sed scuto ea fidei restrinxit et repulit. Vel quis est ille qui ferrum pugnæ, ferrum belli, ferrum litium nunquam recepit; sed semper pacificus fuit, semper quietus et mitis, et Christi humilitate fundatus? Isti ergo sunt lapides vivi, ex quibus Dominus

A noster altare construxit lapidibus integris, quibus ferrum non est injectum, ut offerat super eos holocausta et sacrificium salutis. Ego puto quod isti tales lapides integri et incontaminati sancti apostoli esse possint, omnes simul unum altare facientes propter unanimitatem atque concordiam. Sic enim referuntur omnes, simul unanimiter orantes et aperiens os suum, dixisse: « Tu, Domine, qui corda omnium nosti (*Act. 1*). » Isti ergo qui poterunt unanimiter una voce atque spiritu orare, ipsi fortasse digni sunt qui debeant simul omnes unum altare construere, super quod Jesus sacrificium offerat Patri. Tamen et nos tentemus dare operam, ut eadem dicamus omnes, unanimiter, unum sentientes, nihil per contentionem, neque per inanem gloriam gerentes; sed in uno B sensu atque in eadem sententia permanentes; si forte possimus etiam nos apti effici lapides ad altare: non enim deserit nos Dominus Deus noster.

## LIBER SECUNDUS.

### CAPUT PRIMUM.

*De eo quod Josue Deuteronomium legis Moysi scripsit super lapides coram filiis Israel, et legem benedictionis atque maledictionis coram omni populo recitavit.*

(Israh). « Et scripsit Josue super lapides Deuteronomium legis Moysi, quod ille digesserat coram filiis Israel. » Scripsit, inquit, Jesus super lapides altaris Deuteronomium legis Moysi, et scripsit in conspectu filiorum Israel. Quomodo scripsit et quomodo potuit Iudeus Iudas Nava super lapides altaris legem totam describere? Ergo prout voluit typum adumbravit. Nos interim videamus quomodo noster Jesus in lapidibus vivis et integris scripserit Deuteronomium, quod secundæ legis latè dicitur. Si ergo vis videre quomodo, prima lege infirmata, secundam legem scribat Jesus, audi eum in ecclesiis dicentem: « Dictum est antiquis: Non occides; ego autem dico vobis quia omnis qui irascitur fratri suo, homicida est (*Math. v*). » Et iterum: « Dictum est antiquis, Non moechaberis; ego autem dico vobis quia qui vindicit mulierem ad concupiscendum eam, jam moechatus est eam in corde suo (*Ibid., v. xxvii*). Dictum est antiquis, Non perjurabis; ego autem dico vobis, Nolite jurare omnino (*Ibid., v. xxxiii*). » Vides Deuteronomium quod scripsit Jesus in lapidibus vivis et integris, in tabulis cordis carnalibus, non atraimento, sed spiritu Dei vivi. Si autem vis evidentius noscere in quibus cordibus Jesus scripserit legem, et in quibus non scripserit, etiam hoc tibi ex Scripturarum auctoritate patesfaciam, ut consolationem capias tu qui ex gentibus vocatus es, nec verear is eorum jactantiam, qui legem Moysi et tabulis et chartulis inscriptam se accepisse gloriabantur. In quorum cordibus Dominus Jesus inscripserit legem, Paulus dicit: « Cum enim gentes quæ legem non

C habent, naturaliter ea quæ legis sunt, faciunt, hujusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente eis conscientia (*Rom. ii*). Si ergo videoas gentes ad Jesum venire, et credere ei, et opus legis implere quod illi qui legem acceperant implere non possunt, non dubites de eis dicere quia Jesus in istis lapidibus integris Deuteronomium scripsit. Movet me sane quod addidit in consequentibus Scriptura: « Et scripsit, inquit, Jesus super lapides Deuteronomium coram filiis Israel. » Quomodo potuerit tam magnum librum, vel assistentibus et permanentibus filiis Israel, describere, ita ut non discederent usquequo scriptura tot versuum finiretur? Vel etiam, quomodo potuerunt lapides altaris ferre tam magni libri continentiam? Dicant mihi assertores litteræ Judæi, qui spiritum legis ignorant, quomodo hoc in Scriptura historiæ veteris demonstratur: sed apud illos usque in hodiernum diem cum legitur Moyses, velamen est positum super cor eorum: nobis vero conversis ad Dominum Jesum, auferetur velamen, quia « ubi Spiritus Domini, ibi libertas » intelligentiæ nostræ. Ergo Dominus Jesus non indiget multo tempore ut Deuteronomium scribat, ut secundo legem in cordibus credentium ligat, atque in eorum mentibus, qui ad altaris constructionem digni sunt, intelligentiæ spiritu signet. Statim namque ut quis crediderit Jesu Christo, lex Evangelii in ejus corde scripta est, et in conspectu filiorum Israel descripta. Aderant enim tunc, eum tibi fidei sacramentum tradebatur, cœlestes virtutes, ministeria angelorum, Ecclesia primitorum. Si enim recte intelligamus Israelem dicimentem Deum violentem, rectissime hoc de ministris angelis dicitur, secundum Domini sententiam, dicentis de infantibus (quod et tu fuisti infans in ba-

ptismo), « quia angeli eorum semper vident faciem Patris mei, qui in cœlis est (*Matth. cxviii.*). » Coram istis igitur filiis Israel qui aderant in illo tempore, cum tibi fidei sacramenta tradebatur, videntibus faciem Dei, Jesus in corde tuo *Deuteronomium* scripsit.

(*Ibid.*) « Omnis autem populus, et majores natu, duces ac judices stabant ex utraque parte in conspectu sacerdotum qui portabant arcam fœderis Domini : ut advena, ita et indigena. Media eorum pars juxta montem Garizim, et media juxta montem Ebal, sicut præceperat Moyses famulus Domini. Et primum quidem benedixit populo Israel, » etc. Circa hanc arcam testamenti, omnis qui vere Israel est incedit, non enim longe ab ea. Levitæ vero et sacerdotes etiam in humeris suis eam portant. Etenim quicunque sacerdotali religione et sanctitate vivunt, non solum hi qui sedere videntur in consessu sacerdotali, sed hi magis qui sacerdotaliter agunt, quorum pars est Dominus, nec ulla eis portio habetur in terris, ipsi sunt vere sacerdotes et Levitæ Domini, qui in humeris suis legem Dei portant, agendo videlicet et implendo opera ea que scribuntur in lege. Et proselytus, inquit, et indigena simul aderant; dimidi juxta montem Garizim, et dimidi juxta montem Ebal. Quomodo etiam ista explicabimus? Et adjutorio Dei opus est ut possimus verbis nostris verba divina disserere et explanare. Qui sunt dimidi qui incedebant juxta montem Garizim, et qui sunt dimidi qui et ipsi, licet salventur, tamen non potuerunt juxta montem Garizim incedere, sed incedunt juxta montem Ebal? Mons Garizim benedictiones habet, mons autem Ebal maledictiones quæ peccatoribus imminent. Statuerunt enim, sicut scriptam est in *Deuteronomio* (*Cap. xxvii.*), sex tribus ad benedicendum in monte Garizim : et ipsæ sex tribus quæ nobiliores sunt et eximiae, id est, Simeon, Levi, Judas, Isachar, Joseph, Benjamin. Alias vero sex ignobiliores, ad maledicendum ; in quibus et Ruben qui ascendit super cubile patris sui, et torum maculavit paternum, et Zabulon, qui est ultimus filius Lize. Hæc quidem veterum historiæ referunt gesta. Sed quomodo nos hanc historiæ narrationem ad mysticam intelligentiam referamus, ut ostendamus qui sunt isti qui incedunt juxta montem Garizim, et qui sunt qui incedunt juxta montem Ebal? Ego video duas esse species eorum qui promissionum cœlestium cupiditate succensi, summo studio diligentia que nituntur, ne saltem minima eos beatitudine pretereat : habentes desiderium, non solum benedictionis capienda, et effici in parte sortis sanctorum, sed etiam assistere in conspectu Dei, et semper esso cum Domino. Alii vero sunt qui et ipsi tendunt ad salutem, et non tam amore benedictionum et promissionum desideriis inflammantur, quam hoc magis habentes in prospectu et dicentes : Sufficit mihi non ire in ignem æternum ; sufficit mihi non expelli in tenebras exteriores. Cum ergo in singulis quibusque fidelium talis sit propositi varietas,

A hoc mihi designari videtur in hoc loco quod dimidi illi qui juxta montem Garizim incedunt, illum qui ad benedictiones electus est, istos figuraliter indicare qui, non metu poenæ, sed benedictionum et promissionum desiderio, veniunt ad salutem. Illi vero dimidi qui juxta montem Ebal incedant, in quo maledictiones prolate sunt, istos alios indicant qui maioram metu et suppliciorum timore complectentes quæ in lege sunt scripta, perveniunt ad salutem. Illic etiam Dei solius est nosse, ex omnibus filiis Israel quis est, qui boni ipsius desiderio successus facit quod bonum est : qui vero metu gehennæ, et æterni ignis terrore tendit ad bonum, et studet ac festinat implere quæ scripta sunt : certuni est enim nobiliores esse illos qui boni ipsius desiderio et benedictionum B amore quod bonum est agunt, quam illos qui pro malo metu bonum sectantur. Solus ergo Jesus qui potest ex omni populo hujusmodi mentes animosque discernere, hos in monte Garizim ad benedictiones, alios vero statuere in montem Ebal, non ut maledictiones accipiant, sed ut intuentes prescriptas maledictiones et penas peccatorum constantias, incurere caveant eas.

(*Ibid.*) « Post hæc legit omnia verba benedictionis et maledictionis, et cuncta quæ scripta erant in legi volumine. Nihil ex his quæ Moyses jussero reliquit intactum, sed universa replicavit coram omni multitudine Israel, mulieribus et parvulis, ac advenis qui inter eos morabantur. » Facilis quidem est historiæ explanatio, quomodo filius Nave C legerit omnia verba legis quæ scripsit Moyses coram omni ecclesia filiorum Israel : noster vero Dominus Jesus quomodo hoc populo suo faciat, ostendere non mihi videtur otiosum. Ego quidem arbitror quod si quando legitur nobis Moyses, et per gratiam Domini velamen litteræ removetur, et incipimus intelligere quia lex spiritalis est; et quia, verbi causa, lex dicit : « Non infrenabis os bovi tritnanti (*Deut. xxv. I Cor. ix.*), » non de bobus hæc, sed de apostolis dixerit. Et rursum cum in lege dicitur quia Abraham duos filios habuit, unum de ancilla, et unum de libera (*Gal. ix.*), ego in his intelligo duo esse Testamenta et duos populos. Istam nobis legem quæ sic intelligitur, quam spiritalem nominat Paulus, Jesus Dominus legit, et ipse est qui hæc in aliis totius populi recitat, præcipiens nobis ne sequamur occidentem litteram, sed teneamus spiritum vivificantem. Legit ergo nobis Jesus legem, cum nobis legis revelat arcana. Non enim nos, qui de Ecclesia sumus catholica, spernimus legem Moysi, sed suscipimus eam, si tamen eam nobis Jesus legerit : sic enim recte poterimus intelligere legem, si eam nobis Jesus legat. At ipso legente nos sensum ejus intelligentia capiamus. Sed tamen dicendum est, quod scriptum docemur, quia seruo hic arguit nos, quod non omnes qui audimus legem, Ecclesia sumus filiorum Israel, si non continuo : si est aliqua differentia inter auditores legis et Ecclesiam filiorum Israel, auditio excluditur a salute. Attende ergo

diligentius verbis Scripturæ dicentis : « Non erat **A**atum verbum ex omnibus quæ mandavit Moyses quod non legerit Jesus in auribus totius Ecclesie filiorum Israel ; » et intendite mulieribus et infantibus et proselytis. Novit Dominus Jesus esse alias aures praeter istas carnales quas ad audientiam legis requirit; unde et in Evangelio posteaquam de singulis quæ oportebat edocuit, addit et dicit : « Qui habet aures audiendi audiat (*Matth. xi*) ; » quod utique si de auribus dixisset carnalibus, superfluum videretur. Nemo enim non habens aures ad verba ejus audienda convenerat. Sed quoniam sciebat, in auribus interioris hominis, id est, intellectu cordis, recipi debere quæ dicta sunt (quia nihil prodest audire sermonem, si non retineatur et servetur in corde), idcirco aures ab auditoribus exposcebat. Dicimus **B** quidem viris fortibus fortem tradere cibum, illis videlicet de quibus Apostolus dicit : « Perfectorum autem est cibus solidus, ex quibus ipse sibi præparat Ecclesiam non habentem maculam aut rugam aut aliquid horum (*Hebr. v*). » Eos vero quos in mulierum, vel infantium, vel proselytorum appellatione secernit, intelligamus hos esse aliquos qui adhuc lacte indigent, aut etiam velut infirmi, ut sunt mulieres, oleribus vescuntur. Si vero simul omnis accipiatur Ecclesia, viri quidem intelliguntur esse illi qui in omnibus perfectionem norunt, et armati incedere adversaria astutias diaboli; mulieres vero illi qui nondum ex semetipsa ea quæ utilia sunt gerunt, sed imitando meliores et eorum exempla sectando, ex quibus et caput habere dicuntur. Infantes vero erunt qui, nuper fide suscepta, lacte Evangelii nutritiuntur; proselyti autem catechumeni videbuntur, et hi qui iam sociari se fidelibus student. De quibus singulis similia etiam Joannes sentiens, in Epistola sua scripsit (*Ep. I, cap. ii*), et singulis quibusque statibus propria queque gesta discernit. Verumtamen **C** Iesum vobis recitantem legem, et revelantem cordibus vestris intelligentiam spiritalem audite, neque proselyti, id est catechumeni, diutius maneatis; sed festinare ad percipiendam gratiam Dei, ut et vos in Ecclesia filiorum Israel adnumeremini. Et vos infantes « nolite pueri escli sensibus, sed malitia parvuli » estote. Sensibus quoque, ait, estote perfecti. Sed videamus quid post hæc scriptum est.

## CAPUT II.

*De gentium conuentu adversum Joesue ut dimicarent contra cum, et de dolo Gabaonitarum quo fallebant Joesue et principes Israel.*

**CAP. IX.)** « Quibus auditis, cuncti reges trans Jordanem qui versabantur in montanis et in campesribus, in maritimis ac littore maris magni; hi quoque qui habitabant juxta Libanum, Hethæus et Amoræus, et Chananæus, Pherezæus, et Jebusæus, congregati sunt pariter, ut pugnarent contra Joesue et Israel uno animo eademque sententia. » Similis historia rerum gestarum manifesta explanatione non indiget, quod evidenter expletum est; et

**A** ex his tamen quæ gesta sunt visibilibus, nostri Domini Jesu Salvatoris bella ac triumphos quos gerit contemplemur, quamvis etiam in ipso hæc visibiliter cernamus exulta. Convenerunt enim reges terræ, senatus populusque et principes Romani, ut expugnarent nomen Jesu et Israel simul. Decreverunt enim legibus suis ut non sint Christiani. Omnis civitas, omnis ordo Christianorum nomen impugnat. Sed sicut tunc omnes illi reges convenientes contra Jesum nihil facere potuerunt, ita nunc reges vel principes, vel potestates istæ contraria, ut non Christianorum genus latius ac profusius propagetur. Scriptum namque est, quia « quanto magis eos humiliabant, tanto plures siebant, et invalescebant valde (*Exod. i*). » Confidimus autem quia non solum non nos poterunt obtinere invisibles inimici nostri, verum etiam velociter, Jesu Christo Domino nostro vincente, conteretur Satanás sub pedibus servorum ejus; illo eternum duce nos vincimus milites sui, ita ut nos dicamus (sicut in Esdra scriptum est) « Quia a te, Domine, est victoria, et ego tuus : benedictus es Deus veritatis (*III Esdræ. iv*). »

(Ibid.) « At hi qui habitabant in Gabaon, audientes cuncta quæ fecerat Joesue Jericho et Abi, et callide cogitantes, tulerunt sibi cibaria, saccos veteres asinis impositos, et utres vinarios scissos atque consutus, calceamentaque perantiqua, quæ ad indicium vetustatis pictaciis consulta erant, induiti veteribus vestimentis : panes quoque quos portabant ob viaticum, duri erant et in frusta comminuti : perrexeruntque ad Joesue, qui tunc morabatur in castris Galgakæ, et dixerunt ei, atque omni simul Israeli : De terra longinquâ venimus, pacem et vobiscum facere cupientes, » etc. (*Ex Augustino.*) Quod Gabaonitæ venerunt ad Jesum cum vetustis panibus et saccis, ut putarentur (sicut finxerant) de terra venisse longinquâ, quo eis parceretur. Constitutum enim erat a Domino ne alicui terras illas inhabitanti parcerent, quo ingrediebantur. Nonnulli codices et Græci et Latini habent : « Et accipientes saccos veteres super humeros suos. » Alii vero, qui veraciores videntur, non habent « super humeros, » sed « super asinos suos. » Similitudo enim verbi in Græca lingua mendositatem facilem fecit, et ideo Latina quoque exemplaria variata sunt : ἄσπεν quippe et ἄσπεν non nullum ab invicem dissonant, quorum prius humerorum nomen est, posterius asinorum. Ideo est autem de asinis credibilius, quoniam se a sua gente longinquâ missos esse dixerunt : unde apparet eos fuisse legatos, et inde magis in asinorum quam in humeris necessaria portare potuisse, quia nec multi esse poterant, et non solum saccos, sed etiam utres portasse Scriptura commemorat. (*Ex Adamantio.*) Multæ ergo eorum qui ad salutem veniunt differentiae designantur; unde et nunc Gabaonitas hos, quorum historia recitata est, arbitror portionem quamdam esse eorum qui salvandi sunt; ita tamen ut non absque alicujus note inustione salventur. Vides namque quomodo ligni cæsares, vel

aqua gestatores fieri condemnantur, ad obsequium populi, et altaris Dei ministerium, quoniam quidem cum dolo et calliditate accesserunt ad filios Israel, pannis et calceamentis veteribus induiti, et cibum vetusti panis ferentes. Isti ergo veniunt ad Jesum cum omnibus vetustatibus suis et orant ab eo hoc tantum ut salventur. In quorum figura tale mihi videtur aliquid ostendi. Sunt quidam in Ecclesia credentes quidem et habentes fidem in Deum, et acquiescentes omnibus divinis praecipis, quiq; etiam erga servos Dei religiosi sunt, et servire eis cupiunt, sed ad ornatum Ecclesie vel ministerium satis prompti et apti non sunt, in actibus suis et conversatione propria obsceni satis et intus involuti, nec omnino deponentes veterem hominem cum actibus suis : et sicut isti pannis et calceamentis veteribus obtecti, praeter hoc quod in Deum credunt, et erga servos Dei vel Ecclesie cultum videntur esse devoti, nihil adhibentes emendationis vel innovacionis in moribus. Iстis ergo Jesus Dominus noster salutem concedit quidem : sed quodammodo salus ipsa eorum notam non evadit infamiae. Similis quoque etiam in libello qui appellatur *Pastoris*, de his figura describitur, ait enim : « Quæ est arbor quæ ulmus appellatur, quæ fructum non affert; portat tamen vitæ, quæ affert plurimum fructum, ex eo quod ad miniculo est viti, quæ ejus viribus nitens, vel ferre vel servare plurimum fructum ; » etiam ulmus, quæ infructuosa est, necessaria videtur et utilis ex hoc ipso quod fructuosa deserviat viti. Tale aliquid etiam intelligere in Gabaonitis, qui non deposuerunt quidem veterem hominem cum actibus suis, ministrant tamen sanctis, et serviunt, et aliquid utilitatis impendunt : et tali quodam ordine ab Jesu salutem cum juramento interpositione suscipiunt. Ego nolebam in Gabaonitarum ordine salutem consequi, nec in ligni cæsoribus vel aquæ gestatoribus numerari, sed intra Israëlitas cuperem hæreditatem terræ recompensationis accipere. Observandum sane est quod solent hæretici legentes hunc locum calumniam facere, hi qui Vetus Testamentum non recipiunt, et dicunt : Vide quomodo nihil humilitatis babuit Jesus filius Nave, ut hominibus qui ad se supplices venerant salutem concedens, notam eis infamia et jugum servitutis infligeret. Hæc si audit anima minus instructa in Scripturis divinis, insirmari continuo et periclitari potest, ut refugiat catholicam fidem. Non enim intelligent eorum subreptiones. Jesus enim secundum mensuram fidei ipsorum competens erga eos judicium tenuit. Porro autem Raab meretrix, quæ fide integra cum omni domo sua exploratores Israëliticos plenissima devotione suscepit, et ex integrō in consortium populi societatemque suscepta est; et scriptum est de ea quia « apposita est ad filios Israel usque in hodiernum diem. » Iстi vero quia non tam Israëlitæ gentis consortia dilexerunt, quam suæ perditionis metu perterriti cum calliditate et fraude accesserunt ad Jesum, quomodo potuerunt libertatem vite et regni consortium dolis servilibus pro-

meri? Denique vis nosse quam digna erga eos ab Jesu propter ignobilitatem mentis eorum conditio dispensata est, ipsi dicunt in sequentibus : « Quia audivimus quanta fecit Dominus vobis per mare Rubrum, et in deserto. » Et cum dicerent, et scire et audiisse se divinis mirabilibus faterentur, nihil tamen fide digna, nihil tantarum virtutum admiratione gesserunt; et ideo videns angustum eorum exiguumque propositum in fide, moderationem erga eos justissimam servat, ut salutem mererentur, qui parvum licet fidei detulerunt, nec tamen summam regni vel libertatis acciperent, pro eo quod fides eorum nullo operum nobilitaretur accessu. Quoniam fidem sine operibus mortuam haberi pronuntiat Jacobus (*Jac. ii*). Verumtamen sciendum est quantum figurarum ex hujusmodi adumbrationibus edocemur, quod si qui tales sunt in nobis quorum fides hoc tantummodo habet ut ad ecclesiam veniat, seque inclinet, officia exhibeant, servos Dei honorent, ad ornatum quoque altaris vel ecclesie aliquid conferant; non tamen habent studium ut etiam mores suos exculant, actus emendent, vitia deponant, castitatem collant, iracundiam mitigent, avaritiam reprimant, rapacitatem refrenent, maliloquia et stultiloquia veriscurritates, et obtrectationum venena ex ore suo amittant; sciant sibi, quia tales sunt qui emendare se nolunt, si in his usque ad senectutem ultimam pervenerint, partem sortemque ab Jesu Domino cum Gabaonitis esse tribuendam. (*Ex Isidoro.*) Tales igitur tantummodo quasi quoddam salutis signum intra ecclesiam temporaliter perferunt; inter Israëlitas autem, id est, inter sanctos Dei, regnum æternum et libertatem minime consequuntur.

(*Ibid.*) « Et non percusserunt eos, eo quod juras sente eis principes multitudinis in nomine Domini Dei Israël. Murmuravit itaque omne vulgus contra principes; qui responderunt eis : Juravimus illis in nomine Domini Dei Israël, et idcirco non possumus eos contingere, » etc. (*Ex Augustino.*) Quærunt potest quomodo jurationem servandam esse crediderunt Hebræi Gabaonitis, quibus ita juraverant tanquam de longinqua terra venientibus, sicut illi mentiti fuerant. Sciebant enim se debellandos si cognitum esset Hebræis in ea terra eos habitare, quam promissam fuerant, imperfectis habitantibus, retenturi. Mentientibus ergo quod de longinqua terra ad eos venissent, juraverunt eis Israëlite. Postquam vero cognoverunt ibi eos habitare, ubi omnes quos invenerant secundum Dei præceptum debellare oportebat, noluerunt tamen frangere jurationem : et licet eos mentitos esse didicissent, parcere maluerunt causa jurationis, cum possent utique dicere se tanquam illis jurasse quos eos esse crediderant, id est, de longinquō venientes; cum vero aliud cognoverunt, præceptum circa eos Domini implendum erat, ut sicuti cæteri, expugnarentur. Deus autem hoc approbavit, nec parcentibus succensuit, quamvis eum non interrogassent quinam illi essent, et ideo eos illi fallere valuerint. Unde non importunc utique credendi sunt, et

si fallere homines pro sua salute voluerunt, non tamen fallaciter Deum timuisse in populo ejus; propterea nec successuit Dominus jurantibus aut partentibus, adeo ut postea Gabaonitas ipsos, tanquam populi sui homines, de domo Saul vindicaverit, sicut Regnorum ostendit historia. Et quoniam juratio sic servata est, quamvis in hominibus qui mentiti sunt, ut ad clementiam sententia flecteretur, non displicuit Deo. Nam si e contrario jurassent aliquos se imperfecturos, quos Gabaonitas in terra promissionis esse putavissent, et postea didicissent eos esse ab illa terra extraneos, et de longinquu ad se venisse, nullo modo arbitrandum est quod eos essent debellatur causa jurationis implendae; cum propter ipsam parcendi clementiam sanctus David etiam post verba quibus se Nabal imperfecturum esse juraverat, utique sciens quem fuerat imperfecturus, parcere maluit, nec in re duriore implere juramentum: magis Deo placere existimans, si quod ira perturbatus ad nocendum juraverat, non fecisset, quam si perfecisset.

## CAPUT III.

*De quinque regibus Amorrhæorum, qui congregati sunt ut pugnarent contra Gabaon, et de præliis Josue contra eos.*

(CAP. X.) Misit ergo Adonisedec rex Jerusalem ad Ocham regem Hebron, et ad Pharam regem Hierimoth, ad Japhia quoque regem Lachis, et ad Dabir regem Eglon, dicens: Ascendite ad me, et ferté præsidium, ut expugnemus Gabaon, quare transfugerit ad Josue et ad filios Israel. Congregati igitur ascenderunt quinque reges Amorrhæorum, rex Jerusalem, rex Hebron, rex Hierimoth, rex Lachis, rex Eglon, simul cum exercitibus suis, et castrametati sunt circa Gabaon oppugnantes eam, etc. Omnes illi qui prius amici erant, post amicitias et familiaritatem filiorum Israel, inimici sunt Gabaonitis, qui a filiis Israel sedis pacis accepérant. Jebusæus rex Jerusalem, invitatis secum quatuor aliis regibus, Gabaonitas aggreditur expugnare. Sed Gabaonitæ videntes quinque reges adversum se in prælium conspirasse, nequaquam propriis viribus copiisque confidunt, sed mittunt ad Jesum auxilia postulantes. At ille divino perniissu adest Gabaonitis latus auxilium. Ita vero jam mirabilia cœlitus ostenduntur. Dominus desuper saxa grandinis pluit, et quinque qui adversus Jesum pugnant exercitum vastat. Tunc videns Jesus divinam secum dexteram præliantem, et prosperis successibus cuncta procedere, novam quamidam et miram orationem extollit ad cœlum, dicens: Stet sol super Gabaon, et luna super vallem Elon, donec expugnem populum istum. Et stetit sol et luna in loco suo, donec pervinceret Dominus inimicos eorum. Et stetit sol in medio, et non est progressus ad occasum in fine unius dici. Non fuit dies talis ante hoc, nec ita exaudivit Deus hominem, quia Dominus pugnavit pro Israel. Et fugerunt illi quinque reges, absconderuntque se in spelunca Mageddam. Hæc secundum histo-

Ariam quidem gesta, miracula divinæ virtutis universis seculis prædicant, nec interpretatione extrinsecus indigent, in quibus gestorum lumen coruscat. Quid tamen in his spiritualis intellectus coantineatur requiramus. Cum se anima humana Verbo Dei sociaverit, non debet dubitare statim se inimicos habituram, et eos quos ante habuerat amicos in adversarios esse vertendos: idque non solum pati se ab hominibus speret, verum etiam de contrariis virtutibus et spiritualibus nequitiis id sibi imminere pro certo sciat. Et ita sit ut qui amicitias expetit Jesu, multorum sibi sciat inimicitias tolerandas. Audiat apostolum Paulum hæc eadem confirmantem, cum dicit: « Omnes qui pie volunt vivere in Christo, persecutionem patiuntur (II Tim. iii). » Sed et Salomon similia dicit: « Fili, inquit, accedens ad servitutem Dei, præpara animam tuam ad temptationem (Eccli. ii). » Oppugnantur ergo etiam nunc Gabaonitæ cajuscunque modi sunt, propter amicitias Jesu; et licet sint ligni cæsores, et aquæ gestatores, id est, licet sint ultimi meriti in Ecclesia, tamen in hoc ipso quia ad Jesum pertinent, impugnari a quinque regibus dicuntur. Sed tamen Gabaonitæ non derelinquentur et spernuntur ab Jesu, et a ducibus, et a præsulibus Israëlitarum, sed infirmitati eorum auxilium ferunt. An non tibi videtur hoc agere in nobis, et hoc præcipere illud Apostoli mandatum: « Consolamini paßianimes, sustinete infirmos, patientes estote ad omnes (I Thess. v); » et iterum: « Vos potentiores, inbecillitates infirmorum sustinete (Ibid.). »

(IBID.) Ascenditque Josue de Galgalis, et omnis exercitus bellatorum cum eo, viri fortissimi. Dixitque Dominus ad Josue: Ne timeas eos, manus enim tuas tradidi illos, nullus tibi ex eis resistere poterit, etc. (Ex Augustino.) Cum obsessi Gabaonitæ a regibus Amorrhæorum, misissent ad Jesus ut sibi subveniretur, ita Scriptura sequitur, et dicit: Ascendit Jesus a Galgalis ipse, et omnis populus bellatorum cum illo, omnis potens in fortitudine: et dixit Dominus ad Jesum: Noli timere illos, in manus enim tuas tradidi eos: non subsistet ex illis quisquam coram vobis. Ubi neque consultus est Dominus utrum eundum ad eos esset, sed ultiro suis recte subvenire voluntibus futuram victoriam prænuntiavit. Sic ergo posset, quamvis non consultus, de ipsis Gabaonitis admonere, qui essent, cum se longinquos esse mentirentur, nisi ei placuisset illa juralio quæ subjectis parcere cogaret. Crediderant enim Deo, quem audierant suo populo promisso quod illas gentes subverteret, eorumque terram obtineret, et hanc eorum fidem non eos prodendo remuneravit quodammodo.

(IBID.) Cumque fugerent filios Israel, et essent in descensu Bethoron, Dominus misit super eos lapides magnos de cœlo usque Azeca; et mortui sunt multo plures lapidibus grandinis, quam quos gladio percusserant filii Israel. Lapides sunt grandinis duræ vindictæ, quæ cœlitus mittuntur super hostes populi Dei; vel divinæ comminationes, qua-

in Scripturis sacris contra improbos legantur prolate; ubi gehenna ignis et poena eis praedicitur perpetua. (*Ex Adamantio.*) Hoc ergo modo Jesus cum ducibus et virtutibus suis adest his qui pro nomine suo contrariis virtutibus oppugnantur: et non solum auxilium præstat in bello, verum et produxit tempus diei, et spatia lucis protelans, adventum discutit noctis; unde sequitur:

(*Ibid.*) « Tunc locutus est Josue Domino in die qua tradidit Amorrhæum in conspectu filiorum Israel, dixitque coram eis: Sol, contra Gabaon ne movearis, et luna, contra vallem Abialon. Steteruntque sol et luna. Nonne scriptum est hoc in libro justorum? Stetit itaque sol in medio cœli, et non festinavit occumbere spatio unius diei. Non fuit ante, et postea tam longa dies, obedientiæ Domino voci hominis, et pugnante pro Israel. Reversusque est Josue cum omni Israel in castra Galgæse. » (*Ex eodem.*) Volumus ergo, si possumus, ostendere quomodo Dominus noster Jesus protelaverit lucem, et majorem fecerit diem, vel pro salute hominum, vel pro interitu contrariarum virtutum. Ex quo advenit Salvator, finis erat mundi; jam denique ipse dicebat: « Pœnitentiam agite, appropinquavit regnum cœlorum (*Matth. iii.*). » Et tenuit et repressit diem consummationis, et adesse prohibuit. Videns enim Deus Pater salutem gentium per ipsum solum posse constare, dicit ad eum: « Pete a me, et dabo tibi gentes hæreditatem tuam, et possessionem tuam terminos terræ (*Psal. ii.*). » Donec ergo paterna pollitatio compleatur Ecclesiæ, et diversis nationibus crescat, atque introcat tota gentium multitudo, tunc demum omnis Israel salvetur: dies producitur, et differtur occasus; nec unquam sol occubuit, sed semper oritur, dum creditum cordibus sol justitiae lumen veritatis infundit. Cum vero repleta fuerit mensura creditum, et deterior jam ac decolor ætas ultimæ generationis advenerit, cum increscente iniqitate refrigescet charitas multorum, et per pauci remanserint in quibus fides inveniatur, tunc jam breviabuntur dies. Idem igitur atque ipse Dominus novit et extendere diem cum salutis est tempus, et breviare diem, et producitur nobis spatium lucis, sicut in die honeste ambulemus et opera lucis operemur. Sed et illud videamus quid sit quinque reges fugisse, et hos in speluncam confugisse. Sæpe diximus duplēcē esse Christianorum pugnam: perfectis quidem et talibus qualis erat Paulus apostolus qui dicit: « Non erat eis pugna adversus carnem et sanguinem, sed adversus principatus et potestates, adversus mundi hujus rectores tenebrarum, et spiritualia nequitiae in cœlestibus (*Eph. vi.*). » Inferioribus vero et nondum perfectis, pugna adhuc adversus carnem et sanguinem geritur, his qui adhuc carnalibus vitiis et fragilitatibus impugnantur, quod etiam in hoc loco indicari puto. Etenim Gabaonitis dictum esse a quinque regibus diximus bellum, quorum figuram dixi esse in his qui imperfecti sunt. Iste ergo a quinque regibus impugnantur. Quinque

A autem reges quinque sensus corporeos indicant: visum, auditum, gustum, tactum, odoratum; per aliquem etenim horum unumquemque necesse est decidere in peccatum. Quinque sensus quinque illis regibus comparantur, qui Gabaonitas, id est, carnales homines, impugnant.

(*Ibid.*) « Fugerunt enim quinque reges, et se absconderunt in spelunca urbis Macea. Nuntiatumque est Josue quod inventi essent quinque reges latentes in spelunca Macea. Qui præcepit sociis, et ait: « Volve saxa ingentia ad os speluncæ, et ponite viros industrios qui clausos custodiant, et cetera. Quod autem dicuntur in speluncæ loco confugisse, potest hoc fortasse indicari, quia spelunca locus est in profundum terræ defossus. Igitur

B etiam isti quos supra exposuimus sensus, cum se terrenis actibus in corpore positi demerserint, et nihil ad opus Dei, sed totum ad ministerium corporis egerint, in speluncas confugisse dicuntur. Scendum tamen est quod ista ipsa regna, quorum nunc reges vincuntur ab Jesu et confugiunt ad speluncas, postmodum in sortem veniunt sanctorum, et pars Domini appellantur, sicut regnum Jerusalem, vel Achis, vel Ebron. In quo hoc arbitror indicari quod etiam isti quinque sensus quos supra exposuimus, in corpore positi, cum per Jesum fuerint devicti, ita ut infidelitas ab eis et incredulitas depellatur, et commoriantur peccato, in eo quod desinunt a ministerio, peccatis ipsis postmodum ministris utitur anima ad operandam justitiam Dei. Ita fit

C ut Jerusalem, in qua prius rex nequam regnabat et pessimus, postmodum in ea regnet David potens manu, et pacificus Salomon. Assident etenim ipsis etiam, quos supra diximus, corporalibus sensibus, hominum malignæ virtutes, quæ eos ad malas concupiscentias et foeda ministeria animæ præbendo sollicitent: quas malignas virtutes si fides Christi superaverit, et in ligno crucis ejus fuerint suspensi, ut de ipsis triumphet in ligno; et in ligno crucis suæ interemptis his, regnoque depulsis, tunc efficitur anima in parte Dei, tunc Jerusalem regnum Dei efficitur, et templum in ea Domino construitur. An nou hoc de semetipso sentiebat ille qui dicebat, « quia eramus et nos aliquando insensati, increduli, errantes, et servientes desideriis et voluptatibus variis?

D (*Tit. iii.*) » Non enim aliud est hoc quod Jerusalem aliquando sub rege fuisse Adonibezeth scribitur, vel aliae civitates sub aliis; sed interim Jesus interficit inimicos, non eruditatem docens per hoc, sicut hæretici putant, sed futura in his quæ gerunt sacramenta designans: ut cum interimeret Jesus eos reges qui regnum peccati tenent in nobis, possimus illum implere quod dixit Apostolus: « Sicut exhibuimus membra nostra servire iniiquitati ad iniiquitatem, ita nunc exhibeamus membra nostra servire justitiae ad justificationem (*Rom. vi.*). » Quid ergo est quod ab eis hoc loco velut credule culpatur? Hoc, inquit, scriptum est: Ponite pedes vestros super collum eorum, et interficite eos, namque hoc non

crudelitas, scilicet humanitas et benignitas invenitur. A Utinam enim tu talis essemus qui poneres pedes tuos super serpentes et scorpiones, et super omnem virtutem inimici, et conculcares leonem et draconem, et basiliscum regulum qui aliquando regnauit in te, et nutritivit in te regnum peccati: ut, illis omnibus interemptis qui in te regnabant opere peccati, solus in te regnet Jesus Dominus noster.

## CAPUT IV.

*De pugna Josue contra urbem Macedam, et contra Lemnem, et contra Asedoth, quas percussit in ore gladii.*

(Ibid.) « Eodem die Macedan quoque cepit Josue, et percussit in ore gladii, regemque illius interfecit, et omnes habitatores ejus. Non dimisit in ea saltem parvas reliquias, » etc. Bella quae per Jesum geruntur, et regum atque hostium strages, celestium rerum umbræ typusque esse dicenda sunt, eorum duntaxat bellorum quando noster Dominus Jesus cum suo exercitu et magistratibus, id est, credentium populis atque eorum ducibus, contra diaulum et ejus angelos præliatur. Ipse enim est qui in Paulo et in Eplesiis pugnabat adversus principatus et potestates, et rectores tenebrarum harum, adversus spiritualia nequitiae in cœlestibus (*Eph. vi*). Et vide, ingrate hæretice, quomodo ex integro veteribus nova concordant. Promissum est veteribus regnum terræ sanctæ, terræ fluentis lac et mel, quæ terra tunc a peccatoribus et pessimis incolis ac regibus tenebatur. Venit in istam terram Jesus cum exercitu Domini et Israeliticis ducibus, expugnat omnes, intermit et obtinet, et ob victoriae meritum accipit eorum regna quos vicit. Tibi per Evangelia non promittuntur regna cœlorum. Sed haec regna non sunt vacua et inania: habent habitatores suos peccatores et nequam spiritus, refugas angelos; ibi habitant illi adversus quos te apostolica tuba personans Paulus cohortatur ad prælium; et sicut ibi dicebat Jesus quia bellum vobis erit adversus Amorrhæos et Pherezæos, et Hevæos, et Jebusæos, similiter hoc etiam tibi Paulus denuntiat, dicens: Non erit vobis pugna adversus carnem et sanguinem, id est, non sic pugnabimus sicut pugnaverunt antiqui, nec in terris nobis adversus homines habenda sunt prælia, sed adversus principatus, adversus potestates, D adversus hujus mundi rectores tenebrarum harum (*Eph. vi*). Jam utique intelligis in quibus locis hujusmodi sunt tibi movenda certamina; aut si non tibi sufficit intellectus, nisi etiam loca ipsa manifesta tibi voce signentur, audi in consequentibus; adversus spiritualia nequitiae, inquit, in cœlestibus. Audisti qui sint qui tibi bello de cœlestibus expellendi sunt, ut tu possis loca illa et regna cœlorum hæreditatis sorte suscipere. Sed et Dominus in Evangelio nonne evidenter hoc designat, cum dicit: A diebus Joannis regnum cœlorum vim patitur, et vim facientes diripiunt illud (Ibid.). « Transivit cum omni Israel de Maceda in Lebna, et pugnabat contra eam, quam tradidit Dominus cum rege suo in manu

A « Israel: percusseruntque urbem in ore gladii, et omnes habitatores ejus, et non dimiserunt in ea alias reliquias: feceruntque regi Lebna sicut secesserant regi Jericho. De Lebna transivit cum omni Israel in Lachis, et exercitu per gyrum disposito oppugnabat eam, » etc. Utinam digni essemus quibus Dominus Jesus sapientia sua aulam panderet, et introduceret nos intra thesauros sapientiae et scientiae suæ, et eas de quibus nunc pedentem conamur, tanquam per speculum et in ænigmate, aliqua ex parte contueri et inspicere figuram, plenius nobis reserare, et perfectius dignaretur aperire. Videres quomodo nobis claresceret, cuius potissimum ex spiritualibus hostibus his qui nunc impugnant Israel, spiritalem figuram tenuit ipse princeps de Maceda, B et ille de Lachis, et ille de Lebna, aut cujus intra memet ipsum vitii vel erroris quibus anima implicatur, formam tenent singuli quique horum quos Jesus duce interficit populus Dei: hi videlicet qui audiunt mandata ejus, et præceptum custodiunt, quibus ipse tribuit facultatem calcandi super serpentes et scorpiones, et super omnem potestatem inimici. Oremus ergo ut et nostri pedes tales sint, tam speciosi, tam validi, qui possint calcare cervices inimicorum, qui possint ita calcare caput serpentis, ut calcaneum nostrum mordere non possit. Qui enim pugnat sub Jesu duce adversus contrarias potestates, debet etiam illud promereri quod de prioribus bellatoribus scribitur: « Et reversus est, inquit, universus populus ad Jesum incolumis, et non mutavit quisque de filiis Israel in lingua sua. » Vides ergo quia qui sub Jesu militant incolumes debent redire de prælio, nec unquam debent ex jaculis maligni ignitis vulnera accipere, non in corde polluti, non in cogitatione maculari, non per iram, non per cupiditatem, non per aliam quamlibet occasionem locum demoniacis vulneribus dare. Quod autem addidit quia nullus mutavit in lingua sua, hoc mihi videtur ostendit quia de victoria se nemo jactavit, nemo virtuti sua, quia superavit, ascribit: sed scientes quia Jesus est qui victoriam tribuit, ipsi in lingua non mutunt. Quod bene intelligens apostolus Paulus dicebat: Non ego autem, sed gratia Dei quæ in me est (*I Cor. xv*). Puta autem quia ad hoc respiciat illud Domini mandatum quo ait (*Luc. xvii*): Cum autem feceritis haec omnia, dicite quia servi inutiles sumus, quod debuimus facere fecimus; et in hoc enim simili modo rerum prospere gestarum prohibere videtur jactanciam. Sed Marcion, ac Valentinus, et Basilides, certique cum ipsis, dum haec nolunt, sicut sancto Spiritu dignum est, intelligere, declinaverunt a fide, et inseruerunt se impietatibus multis, alium Dominum legis, et alium mundi creatorem ac judicem proferentes; velut per haec quæ scripta sunt crudellem quod calcare hostium cervices jubentur, atque in ligno suspendere reges terræ illius quam violenter invadunt. Atque utinam Dominus meus Jesus Filius Dei istud concedat, et jubeat, pedibus meis conculcare spiritum fornicationis, et calcare super cervi-

ces spiritus iracundiae et furoris, calcare avaritiae demonium, calcare jactantiam, conterere pedibus superbiae spiritum : et cum haec fecero, operis gesti summam non mihi sed cruci ejus appendere ! sequens Paulum dicentem, quia per ipsum mihi mundus crucifixus est (*Gal. vi.*) ; et ea quæ superius memoravimus, quod ait, Non ego autem, sed gratia Dei, quæ in me est (*I Cor. xv.*) ; quod si ita facere meruero, beatus ero. Et dicitur etiam mihi quod dicebat antiquis Jesus (*Deut. xxxi.*) : Viriliter agite, et conformamini a facie eorum, quia Dominus Deus tradidit vobis omnes inimicos vestros in manus. (*Ibid.*) » Perennissit itaque Josue omnem terram montanam, et meridianam, atque campestrem, et Asedoth cum regibus suis. Non dimisit in eis ullam reliquias, sed omne quod spirare poterat interfecit, sicut præcepit ei Dominus Deus Israel, » et reliqua. Dominus meus Jesus Christus, bellator adversus virtutes contrarias ; et ejecit eas de civitatibus quas possidebant, id est, de animabus nostris ; et interfecit reges qui regnabant in animabus nostris, ne ultra regnet in nobis peccatum : ut posteaquam interemerit regem peccati de civitate animæ nostræ, fiat anima nostra civitas Dei, et regnet in ea Deus, et dicatur ad nos quia regnum Dei intra vos est (*Luc. xvii.*). Est ergo opus summae misericordiae hoc quod hæretici crudelitatis accusant, quod Dominus Jesus adumbratum prius a filio Nave per singulas quasque civitates, nunc in veritate per singulas quasque animas erendentium complet ; ut quæ possidebant a malis et pessimis regibus, secundum principem aeris mundi hujus spiritus, qui nunc operatur in filiis dissidentiæ, expulsis his et peremptis, facere eas dignetur habitaculum Dei et Spiritus sancti templum, ut membra quæ servierant sub rege iniquo iniquitati ad immunditiam, nunc serviant justitiæ ad sanctificationem. Sic ergo intellige quod interfecit regem Jericho, et regem Ahi, et regem Lebna, et regem Lachis, et regem Hebron, ut isti omnes qui ante sub regibus pessimis peccati legem colebant, nunc sub Dei legibus agant. Sed et de ipsis interpretationibus nominum si curiosius ac diligenter perscrutemur, inveniatur significantia nominum nunc ad malii regni, nunc etiam ad boni intelligentiam posse conferri. Ut puta Lebna candor interpretatur : candor autem diverse intelligitur, est enim candor lepræ, et est candor lucis. Possibile ergo est etiam nominis hujus interpretationem utriusque stratus differentias indicare, ut candorem quidem lepræ habuerit Lebna sub regibus malis ; quo destructio atque subverso, ad Israeliticum regnum pervenit Lebna, et candorem lucis accipit, qui candor in Scripturis et laudabilis et culpabilis ponitur. Et iterum Lachis interpretatur iter. Iter autem et laudabile et culpabile in Scripturis habetur, quod difficile non est probare, sicut dixit in psalmo : « Et iter impiorum peribit (*Psal. ii.*) ». Et alibi e contrario : « Iter rectum facite pedibus vestris (*Isa. lvii.*, 44). » Potest ergo intelligi etiam quod hic iter impiorum fuerit primo civitas Lachis ;

A quo destructo atque subverso, postmodum Israelitis regnantibus ad iter perduta sit rectum. Similiter autem et Hebron, quam interpretari dicitur conjunctionem vel conjugium. Conjunctione vero animæ nostræ fuit primo cum malo viro, et marito pessimo diabolo : quo destructo et extincto, liberata est anima a lege prioris et pessimi viri, et conjuncta est viro bono et legitimo, illi de quo dicit apostolus Paulus : « Statui autem vos uni viro virginem castam exhibere Christo (*II Cor. i.*) ». Sic etiam nominum ipsorum intelligentia ad genuinum humc uniuscunusque civitatis consonat statum. Ego puto quod sic melius est intelligi bella Israelitica, et quod sic præliari Jesus putetur, et destruere urbes ac regna subvertere. Sic enim et illud dictum religiosius et cle-  
B mentius apparebit, quod dicitur ita subvertisse et vastasse singulas quasque urbes, ut nihil in eis relinqueretur quod spiraret, neque qui salvus fieret, neque qui effugeret. Utinam enim Dominus de animabus credentibus sibi, et quas suo vindicat regno, et de mea ipsis anima ita ejiciat et extinguat omnia priora mala, ut nullus in me malitia sensus ultra respiret, nullus concupiscentia alienus male in me salvetur affectus, nullus supersit qui effugiat sermo malus de ore meo. Sic enim potero, Jesu duce, purgatus ab omnibus prioribus malis, effici in civitatibus filiorum Israel, de quibus scriptum est : « Adificabuntur civitates Judæ, et habitabunt in eis (*Psal. lxviii.*) ». Etenim nunc uniuscunusque nostrum animam Jesus destruit et adificat. Et sicut dicebamus tunc cum super Jeremiam dissereremus, qui acceperat verba in os suum, quibus subverteret, adificaret, evelleret, et plantaret : ita etiam nunc in his quæ habemus in manibus intelligendum polo, non secundum hæreticos vel secundum Judæos, sed sicut ibi ad Jeremiam dictum est : « Ecce constituite hodie super gentes et regna, eradicare, et subvertere, et perditum dare, et post haec adificare, et plantare (*Jer. i.*) ; » ita et de his quæ per Jesum scribuntur gesta credendum est, imo potius de his quæ per nostrum Dominum Jesum etiam nunc geruntur in nobis. Primum namque opus verbi Dei est eradicare præcedentia mala, spinas ac tribulos vitiorum. Dum enim istæ male radices occupatam detinent terram, non potest semina bona et saucta suscipere. D Necessarium ergo et primum hoc opus verbi Dei est plantas eradicare peccati, et omnem plantam quam non plantavit Pater coelestis, evellere ignique consumere. Secundi jam operis est plantare. Quid est quod plantat Deus ? Moyses dicit, quia « plantavit Deus paradisum (*Gen. ii.*) ». Sed et nunc plantat Deus, et quotidie plantat in animabus credentium. In anima enim de qua excidit iram, mansuetudinem plantat ; et de qua excidit superbiam, plantat humilitatem ; de qua eradicat lasciviam, pudicitiam plantat ; de qua extirpat ignorantiam, inserit scientiam. Non tibi videtur talis debere esse plantatio quam plantat Deus, magis quam insensibilium terrenorumque lignorum ! Est item in primis opus verbi Dei

destruere aedificia diaboli quae in anima construxit humana. Ille etenim turres superbie in unoquoque nostrum et muros elationis estruxit; haec sermo Dei subvertit et subruit; ut merito secundum Apostolum effici mereamur Dei cultura, Dei aedificatio super fundatum apostolorum et prophetarum positi, ipso summo angulari lapide Jesu Christo, ex quo junctura aedificii crescat in templum Dei in Spiritu sancto, et ita deum effici mereamur in hereditate terrae sanctae in parte Israelitica, existentis omnibus et pereemptis hostibus nostris; ita ut non relinquantur ex eis qui respiret in nobis, sed solus respiret in nobis spiritus Christi per opera et sermones, et scientiam spiritalem, secundum doctrinam Jesu Christi Domini nostri.

## CAPUT V.

*De Jabin rege Asor et ceteris regibus qui convenerunt in unum ut pugnarent contra Israel, quos percussat Josue in ore gladii, et subnervavit equos eorum, currusque combussit igni.*

(Cap. xi.) Quæ cum audisset Jabin rex Asor, misit ad Johad regem Madon, et ad regem Simeron, atque ad regem Asaph, ad reges quoque aquilonis qui habitabant in montanis, et in planicie contra meridiem Cineroth. In campestribus quoque, et in regionibus Dor juxta mare; Chananaeumque ab oriente et occidente, et Amorrhæum, atque Hethæum, ac Pherezæum, et Jebuzæum in montanis; Hevæum quoque qui habitabat ad radices Hermon in terra Maspera. Egressique omnes cum turmis suis, populus multus nimis, sicut arena quæ est in littore maris: equi quoque et currus immensæ multitudinis. Conveneruntque omnes reges isti in unum ad aquas Merom, ut pugnarent contra Israel. Dixitque Dominus ad Josue: Ne timeas eos: cras enim hac eadem hora ego tradam istos omnes vulnerandos in conspectu Israel. Equos eorum subnervabis, et currus igne combures, &c. Alia autem editio hunc locum ita habet: Ut autem audiuit, inquit, Jabin rex Assur, misit ad Jobac regem Amorrhæorum, et ad regem Simeron et ad regem Bazæ, et ad reges qui erant circa Sidonem magnam, et per montana; et in Arabia quæ est contra Genereth, et ad campos, et in Fanendor, et ad Chananeos qui erant in maritimis ab oriente, et ad Amorræos qui erant in maritimis, et ad Cethæos, et Pherezæos, et ad Jebuseos qui erant in maritimis, in montanis, et ad Hevæos qui erant sub deserto Mosoma. Et exierunt ipsi et reges eorum cum ipsis, sicut est arena maris in multitudine, et equi et quadrigæ multæ nimis. Et convenerunt omnes reges isti, et coierunt in unum ad aquam maram pugnare contra Israel. Dixit autem Dominus ad Jesum: Non verearis faciem illorum, quia crastina die ad hanc horam ego tradam eos sauciatos ante faciem Israel. Equos eorum subnervabis, et currus eorum igni exures. Et venit Jesus et omnis populis bellatorum cum eo super ipsos ad aquam maram, et subito irruit super eos

A in monte: et tradidit eos Dominus in manus Israel, et cadentes eos persecuti sunt usque ad Sideroneum magnam, et usque in Masseseth ad aquam maram, et usque ad campos Massæ contra orientem; et trucidaverunt eos, usquequo non supererset ex eis qui evaderet. Et fecit eis Jesus sicut præceperat ei Dominus. Equos eorum subnervavit, et currus eorum exussit igni. Et conversus est Jesus in ipso tempore, et occupavit Assur, et regem ejus interfecit gladio. Vides quanta adversus Jesum et Israeliticum populum contrariarum virtutum et pessimorum dæmonum concitentur bella. Isti omnes dæmones ante adventum Domini et Salvatoris nostri, quieti et securi humanas animas possidentes, in earum membris mentibusque regnabant.

B Sed ubi in terris apparuit gratia et misericordia Salvatoris nostri Dei, docens nos ut pie et sancte in hoc mundo, et segregati ab omni peccati contagione, vivamus; et libertatem suam atque imaginem Dei, in qua ex initio creata est, anima unaquaque recipiat: ista de causa ab illis ini quis veteribus possessoribus eorum, pugnæ exoriuntur et prælia. Et si op primantur primi, multo plures exsurgent postmodum, atque in unum coeunt et conspirant in malum, qui semper dissident a bono. Et si secundo victi fuerint, iterum tertio aliae virtutes nequiores exsurgent; et si fortassis quanto magis augetur populus Dei, et multo plus crescit et multiplicatur, tanto illi plures ad oppugnandum conspirant. Sed tentemus, prout Deus dederit, discutere singulos quosque adversi exercitus reges, et pro significantiis nominum uniuscunque etiam opus quod geru malitia contemplari. Primus omnium, qui et auctor belli hujus nominatus est, congregans cæsternos et ad coniurationem sceletis invitans, Jabin nominatur, qui erat rex Assur: ipse est enim qui etiam dicitur cæsteros convocasse. Jabin autem interpretatur sensus sive prudentia. Quis est autem iste sensus sive prudentia, nisi ille quem dixit Isaïas propheta sensum magnum? ait enim: Et inducam super te sensum magna principem Assyriorum, qui dixit: Mea virtute faciam, et sapientia sensus mei auferam fines gentium, et virtutem eorum deprædabor (Isa. x). Iste ergo est qui ibi quidem dicitur sensus magnus, rex Assyriorum. D Hic autem Jabin sensus et prudentia. Etenim serpens fuisse in paradi so scribitur prudenter omnium bestiarum que erant super terram. Sed et villicus iniquitatis prudenter fecisse dicitur illa que fecit (Luc. xvi). Hic igitur Jabin rex est Assur. Interpretatur Assur aula: est ergo omnis terra aula hujus regis, qui totius terræ velut aula unius obtinet principatum, qui est diabolus. Vis autem videre quoniam aula ipsius est terra? In Evangelii scriptum est (Luc. xi), quia fortis in aula sua securus dormit, usquequo veniat fortior, qui et ipsum alliget et quæ possedit auferat. Est ergo rex aula princeps hujus mundi. Iste mittit ad Jobac; ipse est enim qui mittit ad omnes gentes et invitat ad prælium, mittit ad regem Marom. Jobac autem interpretatur inimicitie,

**Marom autem amaritudines.** Mittit ergo diabolus ad A aliam virtutem inimicam, ex angelis sine dubio re-fugis, quæ virtus amaritudinum rex est : quo auctore scilicet et operain dante omnes in hoc mundo amari-tudines et asperitates quæ miseris mortalibus infliguntur eveniunt. Sunt enim diversa genera peccati : neque enim amarius aliquid potest esse peccato, etiamsi quedam dulcia videantur in primis, sicut Salomon scribit; sed « in novissimis, inquit, amarius felle quod dulce in initii videbatur, et acutius acie gladii (Prov. v). » Justitiae vero natura contraria est. In initii videtur felle amarior, in novissimis vero melle dulcior invenitur, cum virtutis fructus attulerit. Misit ergo diabolus ad Jobac inimicum amaritudinis regem. Mittit etiam ad regem Sinneron, qui interpretatur exauditio : sed duplex videtur esse exauditio; aliquando quidem in bonam partem, cum exaudit hominem Deus, secundum quod et Simeon unus ex patriarchis nomen accepit, quandoquidem exaudierat Deus precem matris ejus; dicitur autem e contrario exauditio, quando quis exaudit præceptum diaboli. Solet enim dicere diabolus : « Si procidens adoraveris me, tibi dabo hæc omnia (Matth. iv). » Sed tu si Jesum sequeris, dicas ei : Dominum Deum meum adorabo, et illi soli serviam (Ibid., x). Audient autem illum qui sunt ex parte ipsius, sicut et nunc fecit iste Simeron, illum audiens venit ad pugnam contra Jesum. Mittit autem ad regem Zife. Zife autem interpretatur quomodo fluit? velut admirantis sermone, quia eo revera mirandum est quomodo fluunt omnia quæ sunt hujus mundi carnalia, et quomodo fluxa sunt et caduca quæ apud infideles homines permanentia deputantur et perpetua. Qui autem rerum considerat rationem, et vitæ hujus quæ putantur bona contuetur quomodo semper mutentur et transeant, iste dicit, Quomodo fluit! Vocat autem contra filios Israël diabolus, etiam eos qui circa Sidonem magnum sunt\*. Ego quidem cum in locis Sidonis aliquoties demoratus sim, nunquam comperi duas esse Sidonas, unam magnam, et aliam parvam, quantum ad terrenum pertinet locum. Sed si ad interpretationem dominis redeant, quod significat venatricem vel venatores, video quod adversariarum virtutum, in quibus multæ sunt differentiæ, quidam sint venatores in parvis, et quidam venatores in magnis; id est quod alii per parva peccata animas, alii per magna decipiunt; verbi gratia, cum in voluptatibus sacculi et carnis deliciis anima decipiatur, in parvo capta dicenda est; cum vero providentiam negat, aut dæmones quasi Dominum colit, hæc in magno putanda est esse decepta. Et ideo nunc mittit ad Sidonem magnam, qui quasi ad venationem coqueniant contra filios Israel. Mittit et ad montana. Montana intelligenda sunt omnis sensus qui extollit et erigit adversus scientiam Dei. Mittit et in Arabiā. Interpretatur autem Arabia insidiae. Invitat ergo virtutes insidiatrices, quæ humanas animas non

B vi et ex apertis impugnationibus, sed improvisis in-sidiis callidisque decipient, forte quales sunt et illi de quibus Propheta dicit : Insidiatur in occulto sic ut leo in cubili suo; insidiatur ut rapiat pauperem (Psal. x). » Sed si quis talis est qualis Paulus, con-fidenter dicit : « Non enim ignoramus astutias ejus (1 Cor. ii). » Mittit et in Cenereth. Cenereth autem quasi lucernæ dicuntur; non lucernæ, sed quasi lu-cernæ. Aliud est lucerna, aliud quasi lucerna. Joannes lucerna erat ardens, quia erat angelus lucis. Quasi lucerna autem est ille qui transfigurat se in angelum lucis. Et si vis adhuc evidenter noscere differentias lucernarum et quasi lucernarum quæ in Cenereth sunt, audi Salvatorem dicentem ad disci-pulos suos : « Sint lumbi vestri præcincti, et lucer-nae vestræ ardentes (Luc. xii). » Sunt ergo eorum qui in Ecclesia fidem catholicam docent, et plebem Dei verbo veritatis illuminant, lucernæ ardentes; bi-vero qui haeretica dogmata ex Scripturæ sanctæ te-stimoniis falsis assertionibus docent, pro eo quod Scripturas legunt, violentur accendere lucernas, sed quia falsis assertionibus utuntur, non sunt lucernæ, sed quasi lucernæ. Misit etiam ad campos : necesse enim erat ut in societatem suam vocaret etiam eos qui in campis sunt et humilia sapiunt ac terrena. Misit et in Fenendor, qui interpretatur conversio, et conversio duplex intelligitur. Est enim conversio qua quis ad Dominum convertitur, vel a Deo est con-versus ad bona; est autem et alia conversio, qua rex Jabin, id est diabolus, ad se animas convertit, sicut et de Simeron supra exposuimus : qualis putanda est et illa conversio quæ Galatis acciderat, de qua dicebat Apostolus : « Currebatis bene, quis vos impedivit (Gal. v), » hoc est, convertit a cursu bono et itinere recto? Mittit et ad eos qui erant in mariti-mis locis, ad vicinos fluctuum Chananæos, qui interpretantur velut conmoti, id est, qui semper in motibus et fluctibus permoverent cuncta. Et ad mariti-mos Amorrhaeos. Amorrhaei interpretantur amare-scentes, qui sunt similes illis de quibus superius dis-seruimus. Talis igitur est catalogus totius militiæ invisibilium hostium qui congregantur per regem Jabin ut expugnent nos qui sequimur Jesum durem et Salvatorem nostrum. Sed quid dicit Dominus? D « Ne verearis, inquit, a facie eorum, quia crastina in hac hora tradam eos in manus tuas. » Video quod hodie non possumus omnes illos opprimere, nec cun-tos interficere; sed crastino perimentur, id est, post consummationem hujus saeculi. Tunc etenim omnis virtus contraria destruetur, et tunc penitus vincetur, cum videris his qui a sinistris sunt dici ; « Ite in ignem æternum, quem præparavit Deus dia-bolo et angelis ejus (Matth. xxv). » Tunc enim et nos, si vicerimus, et obtainere poterimus sequentes Jesu-ducem, percipiemus regnum quod præparavit Pater sanctis suis, et his qui manda ea ejus et justitias im-plererint.

\* Notanda hæc peregrinationis mentio, de qua nihil alias.

(Inr.) « Itaque percussit eos omnes Josue, ita ut nullas ex eis dimitteret reliquias. Fecit sicut praeceperat ei Dominus : equos eorum subnervavit, currusque combussit igni ; reversusque statim cepit Asor, et regem ejus percussit gladio. » Mandatum dicitur a Deo datum ad Jesum ut posteaquam expugnasset omnes hostes superius memoratos, nulli parceret, sed equos eorum subnervaret. Unde velut mandatum Domini implens Jesus, fecit sicut praecepit ei Dominus. In quo primo omnium dicimus ad eos qui volunt secundum litteram tantum haec intelligi, quia si quidem superfuisset aliquis ex hostibus, consequens videbatur equos subnervari, ne uteretur eis qui se convertit ad fugam. Nunc vero cum dicatur nullus relictus esse qui spiraret in hostibus, cur etiam equi subnervari jubarunt, qui utique usui et ministerio poterant esse victoribus ? Vis autem scire quia solent Israelitae hujus rei et utilitatis habere curram, et devictis hostibus, ad suos usus reservare jumenta ; in Numeris legimus scriptum : « Qui cum ex praecepto Dei processissent pugnare adversus Madianitas, devictis hostibus, aliquot millia asinorum de preda hostiuum reservarunt, suis usibus profuturos (*Num. xxxi*) ; nec omnino refertur ibi quia interfecerint asinos, hostibus superatis. Nos ergo Scripturam sanctam sibimetipsi conferentes, et spiritibus spiritualia comparantes, requiramus quid sit quod de asinis quidem non est scriptum quia subnervati sunt, nec Madianitarum spolia et animalia interempta dicuntur, sed profusso Israeliticis usibus. De istis autem qui non habebant asinos, sed equos, praecepit ipse Dominus et dicit : Equos eorum subnervatis, quod et Jesus, sicut a Domino mandabatur, explevit. Putamus haec accidisse fortuitu, ut equi hostiles interimerentur, et asini servarentur ? et in praeceptis Dei fortuita aliqua arbitramur incidere ? An dignis videtur ut putemus magis in his Scripturam mysticum aliquid indicare ? Denique et filii Israel nunquam equis usi fuisse referuntur ; et lex nihil de equis, sed de asinis mandat, ut pote animalibus quae ad humanos labores juvandos et onera eorum portanda videntur existere : equi vero magis ad hominum perditionem ; hoc enim est quod per eos in praeliis goritur, lascivi motus animal et superbæ cervicis accipitur. Sunt ergo asini frequenter in Scriptura et in typo gentium positi, sicut et Salvator ostendit super asinum sedens, nunquam autem equo sedens refertur. Sed et cum discipulos mittit ad solvendam asinam et pullum asinæ, dicens eis : « Si quis vos interrogaverit, dicite quia Dominus opus ea habet (*Matth. xxi*) ; et sedens super eam ingreditur Jerusalem, et nunquam equum sedens ingressus esse dicitur. Sed et propheta de ipso ita pronuntiaverat, quod sedens asino veniret ad Jerusalem, dicens : « Ecce rex tuus mansuetus, sedens super subjugale (*Zach. ix*). » Et pullum asinæ novellum, et exterminabit currus Ephrem, et equum ex Jerusalem. Vides ergo quia secundum prophetæ sententiam, qui super asinum sedet exterminavit

A currus Ephrem et equum ex Jerusalem : et ideo videtur mihi asini quidem, ut diximus, figuram servare eorum qui ex gentibus credunt, super quos se disse scribitur Dominus. Equi vero qui exterminantur, et currus, figuram tenere horum qui, in caelestibus positi, per lasciviam et superbiam deciderunt, quando vel ad filias hominum concupiscendas se meti ipsos incentores prebuerunt, et secuti sunt illum qui dixit : « Ponam super nubem sedem meam, et ero similis Altissimo (*Isa. xiv*). » Inde fortassis est quod et Prophetæ dicit : « Falsus est equus ad salutem (*Psal. xxxii*). » Et iterum dicit de his qui in daemonibus confidebant : « Hi in curribus et hi in equis, nos autem in nomine Domini Dei nostri invocabimus (*Psal. xix*). » Neque enim currus et equus Deo contulisset quantum ad invocandum exspectat ; sed utique hoc ostendit quia sicut nos invocamus Deum verum, ita et illi invocant currus et equos, id est, daemones, quos invocabant gentes ille quæ adversum Israel bellum gerabant.

(Inr.) « Asor enim antiquitus inter omnia regna haec principatum tenebat. Percussitque omnes animas quæ ibi morabantur. Non dimisit in eis nullas reliquias, sed usque ad internectionem universa vastavit, ipsamque urbem combussit incendio, et omnes per circuitum civitates, regesque earum cepit, et cetera. » Jabin vero rex fuit Assur, Assur autem aula interpretatur, sicut supra jam ostensum est. Haec est autem Assur quæ omnium horum regnum obtinere dicitur principatum : qui intelligitur princeps hujus mundi, regnans in aula, id est super terram, vel, quod magis est, in vitiis carnis ; sed et omnium illorum regum, quorum vim secundum nominum suorum interpretationem jam ante exposuimus, et qui ab Jesu dicuntur imperfecti. Quorum nos (si recte sub Jesu duce militamus) debemus in nobismetipsis abscidere vitia, et acceptio spirituali gladio, subnervare omnem equitatum istum pessimorum vitiorum ; sed et currus debemus incendere, id est, omnem a nobis arrogantiam et elationis spiritum resecare, et ultra non in equis, neque in armis, sed in nomine Domini nostri Dei invocemus. Quomodo autem in nobismetipsis complebitur et hoc quod dicitur : « Non dimittatur ullus qui respire ? » Videndum est qui sit qui ne respirare quidem per præceptum Domini jubetur. Verbi causa, si ira ascenderit in cor meum, potest fieri ut opera quidem iracundiae non impleam, vel metu deterritus, vel etiam futuri judicii timore cohibites ; sed non, inquit, hoc sufficit : agendum tibi potius est quatenus ne ipsa quidem commotio iracundiae locum habeat intra te ; si enim effervescit animus et conturbatdr, etiam si non compleverit opus, ipsa tamen perturbatio indecens est ei qui sub Jesu militat duce. Similiter et de concupiscentiae vitio, et de tristitia ceterisque omnium sentiendum est ; de quibus cunctis ita agendum est discipulo Jesu, ut nihil horum omnino in ejus corde respiret ; ne forte

si parvi cujuslibet vitii aut consuetudo aut cogitatio A reliquatur in corde, processu temporis convalescat, et paulatim vires latitando conquerat, atque ad ultimum revocet nos ad vomitum nostrum, et flant homines illius, cui hoc acciderit, novissima pejora prioribus.

(Ibid.) « Omnesque prædam istarum urbium ac juventa diviserunt sibi filii Israel, cunctis hominibus interfectis. » (Ex Augustino.) Propter hoc nullo modo putanda est ista crudelitas, quod nullum vivum in civitatibus sibi traditis dimittebat Jesus, quia Dominus hoc jussérat. Qui autem existimabant hinc Deum ipsum fuisse crudelem, et propter hoc Veteris Testamenti verum Deum fuisse auctorem nolunt credere, tam perverse de operibus Dei quam de peccatis hominum judicant, nescientes quid quisque pati dignus sit, et magnum putantes malum cum casura dejiciuntur, mortalesque moriuntur. (Ex Adamantio.) « Beatus qui tenebit, et allidet parvulos tuos ad petram (Psal. xxxvi). » Babylonis scilicet parvulos, qui nulli alii intelliguntur nisi cogitationes male, que cor nostrum confundunt et conturbant: hoc enim interpretatur Babylon. Quæ cogitationes cum parvulæ sunt et initia habent, tenendæ sunt et allidendæ ad petram, quæ est Christus, et ipso jubente jugulandæ, ut nihil in nobis resideat quod respiret.

(Ibid.) « Sicut præceperat Dominus Moysi servo suo, ita præcepit Moyses Josue, et ille universa complevit: non præteriit de universis mandatis, ne unum quidem verbum, quod jussérat Dominus Moysi, » et cætera. Illic Moyses sermo ipse legis appellatur, sicut et in Evangelio dicit: « Habent Moysen et prophetas, audiant illos (Luc. xvi). » Lex ergo præcepit nobis interficere omnes reges peccati qui nos provocant ad peccatum, sicut fecit Jesus, et non est transgressus quidquam ex omnibus quæ constituit ei Moyses. Diximus quidem, secundum priorem expositionis ordinem, quia quæcumque lex Dei, quæ nunc Moyses appellatur, constituit, implet Jesus in nobis; et ipse est qui intermit in nobis vitia, et nequissima peccati regna subvertit. Potest tamen etiam de ipso Domino et Salvatore nostro dici, quia omnia quæ præcepit Moyses in lege, fecit Jesus, et non est transgressus quidquam. Quoniam quidem dicit Apostolus, « quia cum venisset plenitudo temporum, misit Deus Filium suum factum ex muliere, factum sub lege (Gal. iv). » Si ergo factus est sub lege, cum lege etiam omnia quæ lex mandabat impletivit, ut nos redimeret a maledicto legis. Sed et ipse de se dicit: « Non veni solvere legem, sed adimplere (Matth. v). »

#### CAPUT VI.

*De eo quod Josue omnes reges Chanaan et civitates eorum pugnando cepit, absque Hevæum qui habitabat in Gabaon.*

(Ibid.) « Multo tempore pugnavit Josue contra reges istos. Non fuit civitas quæ se tradiceret filiis Israel, præter Hevæum qui habitabat in Gabaon; omnes bellando cepit. » Septuaginta: « Et non

erat civitas quæ non erat tradita filiis Israel. » (Ex Augustino.) Quæritur quomodo hoc verum sit, cum nec temporibus postea judicum, nec temporibus regum, omnes omnino illarum septem gentium civitates capere potuerint Hebrei. Sed aut sic intelligendum est quod ad nullam civitatem bellando accessit Jesus quam non ceperit; aut certe nulla non capta est, sed earum quæ in regionibus supra commemoratis fuerunt. Enumeratae sunt enim omnes regiones in quibus fuerunt civitates de quibus facta est ista conclusio: *Et omnes cepit in bello.* (Ex Adamantio.) Non dixit quia accepit Jesus aliquos in bello, et aliquos non accepit; sed omnes accepit, id est omnes cepit, et omnes permittit. Omnes etenim species peccati expurgavit Dominus Jesus, omnesque destruxit. Cuncti namque eramus insensati, increduli, errantes, servientes desiderii variis, in malitia et invidia agentes, odibiles et odientes invicem, et omne illud quodcunque est peccati genus quod invenitur in hominibus antequam credant. Bene ergo dicit quia omnes occidit Jesus qui exierunt ad bellum, nulla enim species peccati tanta est qua non sit superior Jesus, qui est Verbum et sapientia Dei. Omnia enim superat et vincit. An non ita credimus quia omne genus peccati cum ad salutare lavacrum venimus ausfert? Hoc enim et Apostolus designat, qui cum universa peccatorum genera dinumerasset, addit post omnia, et dicit: « Et hæc quidem aliquando fuistis, sed abluti estis, sed sanctificati estis in nomine Domini nostri Jesu Christi (I Cor. vi). » Hoc ergo modo omnes cepisse in prælio dicitur, et omnes peremisse.

(Ibid.) « Domini enim sententia fuerat ut indurarentur corda eorum, et pugnarent contra Israel, et caderent, et non mererentur ullam clementiam, ac perirent, sicut præceperat Dominus Moysi. » (Ex Augustino.) Secundum Septuaginta vero ita legitur: « Quia per Dominum factum est confortari cor eorum, ut obviam irent ad bellum ad Israel, et exterminarentur, ita ut non daretur eis misericordia, sed ut exterminarentur, sicut dixit Dominus ad Moysen. » Ita dictum est hoc per Dominum factum confortari cor eorum, hoc est, obdurari cor eorum, sicut de Pharaone: quod divino altoque iudicio juste fieri minime dubitandum est, cum deserit Deus et possidet inimicus. QuoJ sic accipiedunt est quenadmodum et ibi. SeI hic aliud movei, quomodo dictum sit, ad hoc eis confortatum esse cor, ut exsurerent in bellum adversus Israel, et ob hoc eis non præberent misericordiam, quasi præbenda esset si non bellarent; cum Deus præceperit nulli eorum esse parcendum: et ob hoc Gabaonitis perciperint, quia se de longinqua terra venisse singentes, eorum jurationem tenuerant. Sed quoniam quibusdam ultrò præbuerunt Israelitæ misericordiam, quauvis contra Dei mandatum, ad hoc dictum esse intelligendum est, istos ita bellasse ut non eis parceretur, nec ab eis ipsis Israelitæ, neglecto Dei mandato, ad misericordiam flecterentur. Quod qui-

dem duce Jesu, qui omnia diligenter divina præcepta servabat, non est credendum fieri potuisse. Verumtamen nec ipse istos tam cito delevisset, nisi conspirantissime contrairent, atque ita fieri posset ut eis ab illo minime debellatis, qui Dei præcepta implere curabat, remansissent ad illud tempus quando eis possent parcere post mortem Jesu, qui non tanta cura Dei mandata faciebant. Nam et adhuc codem vivente, quibusdam illi pepercerunt, tantummodo eos ditioni suæ subjungentes, quosdam vero nec vincere potuerunt. Verum hæc non illo duce facta sunt, sed cum jam senex vacaret a bello, tantummodo eis terras dividens; ut ipsi jam illo non bellante, divisas sibi terras partim jam hoste vacuas tenerent, partim pugnando caperent. Et quod vincere aliquos minime potuerunt, providentia divinæ fuisse, opportune Scripturarum certis apparebit locis. (*Ex Adamantio.*) Mystice autem per Dominum factum est ut invalesceret cor eorum, et occurserent in prælium contra Israel ut exterminarentur. Dum enim non veniunt inimicæ virtutes quæ peccata operantur in nobis, nec provocant nos ad peccandum, nec lassent ad dimicandum, interfici non possunt nec exterminari. Ideo ergo dicitur Deus permittere, imo et incitare propemodum, adversarias virtutes exire adversus nos in prælium, ut et nos victoriam capiamus, et illæ interitum consequantur. Unde mihi videtur esse infinitus quidam numerus contrariarum virtutum, pro eo quod per singulos pene homines sunt spiritus aliqui diversa in his peccatorum genera molientes; verbi causa, est aliquis fornicationis spiritus, est et iræspiritus, alias est avaritiae, alias vero superbiae: et si evenerit esse aliquem hominem qui his omnibus malis agitur, aut omnes hos spiritus, vel etiam plures in se habere inimicos putandus est: unde et per singulos plures esse credendi sunt spiritus, quia non singula singuli habent homines vitia, vel peccata committunt, sed plura ab unoquoque videntur admitti. Et iterum non est putandum quod unus fornicationis spiritus seducat eum qui (verbi causa) in Britannis fornicatur, et illum qui in India, vel in aliis locis; neque unum esse iræ spiritum qui diversis in locis diversos homines agitat: sed puto magis principem quidem fornicationis unum esse, innumeros vero esse qui in hoc ei officio parant, et per singulos quosque homines diversi spiritus: ub eo principe militantes, ad hujuscemodi eos peccata sollicitent. Similiter et iracundiae spiritum principem esse unum arbitror, innumeros vero esse sub ipso agentes, qui per singulos quosque homines hujuscemodi vitii peccata succendant. Similiter et avaritiae unum esse principem, sicut et superbiae et cæterorum malorum. Et ideo non unus principatus esse dicitur in contrariis virtutibus ab Apostolo sed plures, adversum quos sibi pugnam esse et nobis omnibus scribit (*Eph. vi*); et esse tamen omnium horum principem velut eminentiorem quemdam in requitia et in scelere celsiorem, qui totum mundum quem isti ad peccata singuli quique per peccatorum

A species pro parte sollicitent, solus velut omnium principum dux, et totius nefandæ militiae magister exagit. Cujus figuram cum de Jabin discuteremus, pro parvo intelligentia nostræ captu, in superioribus patescimus. Beatus ergo est qui indesinenter spiritalem machæram tenens, non auferat eam a cervicibus horum hostium de quibus superius memoravimus. Sicut et Jeremias propheta dicit: « Maledictus homo qui facit opera Dei negligenter (*Jer. xlviii*), » et auferat machæram suam a sanguine inimicorum. Hoc si secundum litteram intelligamus, necesse erit nos indesinenter sanguinem fundere: quod Judæi putantes, qui ex integro caro sunt et sanguis, crueles et implacabiles fiunt, dicentes maledictionem impositam esse his qui a sanguine effundendo cessaverint: et ideo pedes eorum veloces sunt ad effundendum sanguinem. Sed illis hujuscemodi intelligentia, quia caro et sanguis sunt, videatur; mihi autem præstet Deus nunquam negligenter opera Domini agere, nec auferre spiritalem gladium verbi Dei a sanguine contrariarum virtutum, et mortificare eas in unoquoque auditorum. Interficiuntur autem in nobis et ipsa daemonum genera, si his auditis eorum opera non agamus. Dicitur autem in sequentibus quia accepit Jesus omnem terram, sicut mandavit Dominus Moysi.

## CAPUT VII.

*De eo quod Josue cepit omnem terram, sicut locutus est Dominus ad Moysen, et tradidit eam in possessionem filiis Israel secundum partes et tribus, qui vix terra a præliis.*

(*Ibid.*) « Cepit ergo Josue omnem terram sicut locutus est Dominus ad Moysen, et tradiuit eam in possessionem filiis Israel secundum partes et tribus suas, qui vix terra a præliis suis. » Ille Jesus filius Nave non video quod ceperit terram. Quantum enim terre cepit qui Judæam tenuit solam? Noster autem Dominus Jesus, ipse cepit vere omnem terram in eo quod ex omni terra atque ex omnibus nationibus ad eum concurrit credentium multitudo. Additur etiam post hæc, posteaquam omnem terram cepit Jesus, et « requievit, » inquit, « terra a præliis. » Hoc quomodo vere videbitur dici de filio Nave, quia cessavit terra a bellis, que nunquam vere temporibus ejus cessavit a bellis? Sed hoc completur in solo Domino meo. Si enim consideres te, qui venisti ad Jesum, et per gratiam baptismi missionem consecutus es peccatorum, etiam in te non pugnat caro adversus spiritum, et spiritus adversus carnem, cessavit terra tua a bellis. Si Christum Jesum in corpore tuo circumferas, ita et cæstibus in te omnibus præliis efficeris pacificus, et filius Dei vocaberis. Sed hoc sicut posteaquam bella transieris, et adversarios viceris; tunc tibi dabitur requies, ut requiescas sub vita tua, quæ est Christus, et Spiritus sanctus, ut ita gratias referas Domino Patri omnipotenti in ipso Christo Jesu Domino nostro.

## CAPUT VIII.

*Numerus civitatum quas expugnabat Josue, et tradidit filii Israel in possessionem.*

(CAP. XII.) « Ili sunt reges terra quos percussit Josue, et filii Israel trans Jordanem ad occidentalem plagam, a Balgaath in campo Libani, usque ad montem cuius pars ascendit in Seir : tradidit que eam Josue in possessionem tribubus Israel : singulis partes suas, tam in montanis, quam in planis atque campestribus. In Asedoith, et solitudine, et meridie, Hethæus fuit, et Amorrhæus, Chananeus, et Pherezæus, Hevæus, et Jebusæus, et reliqua. Pugna Josue atque victoria ejus in alienigenis significat pugnam ac victoriam Domini nostri Jesu Christi, quam per sua membra, ipse caput Ecclesie, quotidie facit ac perficit. Septem ergo gentes quas filii Israel pugnando vicerant signilcant spiritales nequicias, contra quos populus Dei incessanter confligit; sicut earum nominibus bene expressum intelligi potest : interpretatur enim Hethæus formidans sive stupens, Gergesæus colonum ejiciens, Amorrhæus amarus, Chananeus negotiator aut quasi movens vel erubescens, Pherezæus separans sive disseminans, Hevæus ferus sive pessimus vel lapides colligens, Jebusæus calcatus. Et quid in Hethæo nisi metus et stupor diaboli, qui terrere semper studens servos Christi exprimitur? Agit enim malignus ut præsentium rerum damna et persecutionum molestiae militibus Christi terrori siant; quatenus ad luxus mundi et cupiditatem rerum præsentium facilius eos provocet atque seducat. Et quis in Gergeseo, nisi ille qui colonum paradisi per fraudem ejicit, ostenditur? Quis vero in Amorrhæo, nisi ille qui totus amarus est et indignatione plenisimus, designatur? Quid autem in Chananeo, nisi negotiator iniquissimus, qui per avaritiam lites et jurgia movet, innuitur? Et quis per Pherezæum, nisi ille qui per zelum malum separat a Deo, et ducit ad infernum, atque inter unanimos disseminat discordiam, insinuatur? In Hevæo quoque nullus melius quam ille qui ferus, durus et pessimus ubique est, figuratur. Jebusæus quoque nomine suo proterviam diaboli significat, qui per superbiam propriam se exaltat, sed per humilitatem servorum Christi contenitor, calcatur, atque opprimitur. Hujuscenodi ergo nequias quandiu in hoc mundo peregrinatur sancta Ecclesia, semper contrarias habet, sed spe victoriae contra eas pugnare nunquam cessat. Unde Israel sub Josue trans Jordanem dimicans ad occidentalem plagam, a Baalgath in campo Libani usque ad montem cuius pars ascendit in Seir, eos percutere describitur : quia plebs fidelium ubi congregatas contra se hostium turmas agnoverit, in planis et arduis, in prosperis et in adversis, ad victorie palmam venire semper satagit ; Baalgath enim congregatio eorum interpretatur. Possidentque tribus Israel singulæ partes suas, tam in montanis quam in planis atque campestribus, et Aseroth, et solitudine, cum sancti viri animas suas possidere

A per patientiam student, atque per arma justitiae a dextris et sinistris, per gloriam et ignobilitem, per infamiam et bonam famam, in eodem æquitatis statu permanere gaudent. Sed his breviter attactis, quid numerus civitatum quas filii Israel sub Josue præliando ceperint, typice designet, videamus. Triginta etenim ac duarum civitatum reges simul cum eo pugnando ceciderunt. Et quid per tricenarium numerum nisi sanctæ Trinitatis fides, cum observantia decalogi mandatorum designat? Et quid per binarium, nisi duo testamenta et duo precepta charitatis, in quibus tota lex pendet et prophetæ, demonstrantur? Belligerare ergo milites Christi sub ipso vero rege aliter non norunt, nisi per fidei virtutem et observantiam mandatorum Dei, sive laboris sui præmium percipere fideliter appetunt : quod in eodem numero adhuc designatum accipi potest ; nam tricenarius et binarius numerus quater octonarium tenet, et possessio autem vera non nisi octo beatitudinibus constat, quia adipiscitur ibi regnum coelorum. Sed ad hoc nemo perveniet, nisi secundum magisterium quatuor Evangeliorum per quadrigam virtutum illuc ascendere festinet. Civitates ergo quarum reges ibi superati esse leguntur triginta duce fuerunt : Jericho quæ interpretatur luna, Abi oculus vel sops, Jerusalem visio pacis, Ebron participatio tristitiae sive fortitudinis, Jerimoth timens mortem, vel altitudinem mortis, Lachis iter, vel sibimet vir, Eglon vitulus mœroris vel festivitatis eorum, Gazer præcilio vel divisio, Dabir loquens aut rursum timens, Gader maceria et sepces, Erma anathema ejus, Areth consurrexit descenditionis, Lempaa candor sive lateres, Odollam testimonium eorum, Maeeda exustio sive orientalis, Bethel domus Dei, Daphna malum ab arbore non a malitia, Afer fodit sive humus, Asechb continuit vel continentia, Saron principes tristitiae, Madon contradictio sive habitatio, Asor sagitta luminis, Semeron custos ejus vel nomen vidit, Achsaf medicamentum, Thanach respondens sive humilitas, Mageddo pomorum ejus sive coenaculum ejus, Ledes sanctitudo, Jachaneæ possedit populum, Ermeli damnatio vel contendens, Dor generatio, Galgal vota vel revelatio, Thersa complacitio. Sed si ista nomina secundum suam interpretationem ad spiritalem intellectum vertimus, vitiorum ibi sine dubio destructionem et virtutum proiectum inveniemus. Oportet ergo militem Christi primum cognoscere fragilitatem et mutabilitatem suam, quod significat Jericho, quæ interpretatur luna : deinde oculos mentis extollere ut contempletur coelestia, atque futura attendens, ad fontem vitae æternæ, quem qui biberit non sitiet in æternum, quatenus pertingat ad visionem pacis, quod signilcat Jerusalem. Deinde considerare eum oportet mala quæ gessit, et habere inde tristitiam salutarem, exercereque opera virtutum, sicut in Ebron nomine expressum est. Hincque timens mortem futuram atque altitudinem mortis perpetuae, quod Hierimith sonat, per Lachis intellectu assumat virtute

tem, et pergit iter justitiae, quod dicit ad vitam æternam. Inter hæc quoque compunctioni cordis operam det, dum cognoscit se in peregrinatione istius vite constitutum, et ad festivitatem future patriæ per Dei gratiam percipiendam toto nisu anhelet, quæ in Eglon vocabulo designata est. Per Gazer ergo significationem, præcidat carnis delectationem, ac dissipet hostium malignam suggestionem. Loquatur recta, quod Abir suo vocabulo notat, timeatque futuram discussionem superni judicis, quia omne verbum otiosum quod locuti fuerint homines super terram, redient rationem de eo in die judicii; muniaturque se fidei muro, sicut Gazer docet; et abdicet diabolo atque operibus ejus anathemate perpetuo, quod Erma admonet. Sicque post descensum viitorum, consurgat in arcem virtutum, hoc enim Areth sua nuncupatione hortatur; et per Lemnæ et Odollæ nomina, testimonii Scripturarum institutus, candorem lucis intendat æternæ. Per Macea quoque ortum lucis veræ induatur, et exurat hostium machinamenta atque consilia, ut in Bethel nostra, quod est sancta Dei Ecclesia, perpetuo manere possit; ibique, secundum Afer interpretationem, in carne sua laboret ut secundum Dafuæ intellectum fructus percipiat vita sempiternæ. Habeat continentiam, confundat principem tristitiae, hoc est, diabolum; contradicat ejus suasionibus, divino illustratus lumine. Hæc quoque quatuor nomina civita-

A tum, hoc est, Afech, Saron, Madon et Asor, suis interpretationibus omnia ita docent. Omni diligentia custodiat cor suum, quod Semeron innuit; et in Achsaph nomine diseat querere medicamentum sacrarum Scripturarum: atque per Thanah admonitus, ubique servet humilitatem; agnoscatque nomine Mageddo fructum virtutum, et norit contemplationis appetere sublimitatem: sicque ad sanctitatem veraciter perveniet, quod designat Tedes, et plurimus adesse et prodesse poterit, ut Lakauæ sua appellatione demonstrat. Contemnit mortem quia damnavit vitia, sicut Ermeli figuraliter ostendit: et in Dor nuncupatione generationis divinæ particeps existens, quia pacisci filii Dei vocabuntur. Per Galgal rotam præsentis vite superna revelatione transcurrans, in Thersa nomine in fine jam cognoscit se complacere Altissimo, cum transfertur de incolatu istius mundi ad regnum cœleste et ad visionem Dei perpetuam, juxta illud Psalmistæ quod ait: « Placebo coram Domino in lumine viventium (Psal. lv). Et iterum. « Placebo Domino in regione vivorum (Psal. cxiv). » Hæc ergo breviter annotavi, non exposui; ut sciat lector quæ sublimitas est sapientiae divinae in Scripturis sacris, et quod omnia quæ ibi reperiuntur ad ædificationem suam rite transferre potest, qui sanæ fidei oculo eam inspicere, diligenter meditari non neglexerit.

## LIBER TERTIUS.

### CAPUT PRIMUM.

*De senectute Josue et sermone Domini ad illum.*

« Josue vero senex proiectaque ætatis erat. »

Presbyteri vel seniores non eo nomine appellantur quod longævam duxerint vitam; sed pro maturitate sensus et gravitate venerandæ vitae hac appellatione decorantur, maxime cum additur ad presbyterum sermo iste qui sequitur: « Plenus dierum. » Si enim ævi prolixitate appellandus qui presbyter vel senior videtur, quem magis alium oportebat hoc nomine censeri, quam primum Adam, vel certe Mathusalem, aut Noe, qui utique pluribus quam cæteri annis in hoc mundo vixisse declarantur. Sed nunc videmus quod quidem ex illis nullus resertur a Scriptura presbyter vel senior appellari; sed is qui longe brevioris temporis vitam duxit, primus in Scripturis sanctis Abraham presbyter vel senior appellatur (Gen. xxiv). Dictum est etiam ad Moysen a Domino: « Elige tibi ab omni populo presbyteros, quos tu ipse nosti, qui probi sunt (Exod. iii). » Sed observa etiam tu, o auditor, in omni Scriptura, sicuti invenire potes appellationem hanc, « senior et plenus dierum, » positam super aliquem peccatorem. Nunc ergo sancti Spiritus vox est, pronuntiantis Jesum presbyterum vel seniorem proiectum in diebus: ita enim dixerat, inquit, Jesus presbyter vel senior, proiectus dierum: quod utique de

C peccatore dici non poterat, quia peccator non est proiectus dierum. Non enim se extendit in ea quæ in ante sunt, obliuiscens ea quæ retro sunt, sed semper retro convertitur, et ad vomitum suum reddit, et ideo non est aptus regno cœlorum. Qui autem semper ad priora extenditur, iste proiectus est in diebus suis.

« Et dixit Dominus ad eum: Senuisti et longævus es, et terra latissima derelicta est, quæ nequum est sorte divisa, » et cætera. Nescio ergo si in hoc loco illud potest videri; quia hoc dicebat Dominus ad Jesum pro ætate ejus senili, omnes videbant, omnes noverant. Et quæ sunt tam magna ista divina responsa, quæ homines disserunt, ut dicant homini seni, quia senex es, quod omnes videbant et omnes noverant. Sed mihi videtur magnum aliiquid testimonium a Domino per hoc dari Nave filio, cum ei dicatur, « quia proiectus dierum es. » Et quantum quidem proloqui nobis vel aperire divinis mysteriis fas est, ego arbitror quod sicut sol iste diem facit mundo huic, ita et Sol justitia facit aliquos dies spiritales, qui fulgore veritatis et lampade sapientiae illustrantur. Si quis ergo in præceptis Dei vitam hanc præsentem, quæ sicut Jacob dicebat, « paucorum et malorum dierum est (Gen. xlviij), » transegerit, et immaculatum se ab hoc mundo custodierit, atque omnes adversarios

et hostes suos subegerit, spiritalis ab istis paucis et malis diebus provelitur, et promovetur ad illos dies æternos et bonos æterni solis luce signatos. Talis ergo quodam ordine intelligendus est et Jesus ex divinis responsis provectus dierum pronuntiari. Verum quoniam instituimus quæ de Jesu dicuntur, etiam ad Dominum Salvatorem nostrum referri, quis ita presbyter et senior, proiectus dierum intelligitur, sicut ipse qui est principium, primogenitus omnis creaturæ? Et ideo fortasse ipse solus vere et integer presbyter dicitur, ante quem nemo est. Igitur etsi sunt qui dicuntur in Scripturis presbyteri, vel seniores, vel pontifices, tamen Dominus Jesus in pontificibus pontificum princeps; et sicut in pastoribus princeps pastorum est, ita et in presbyteris vel senioribus princeps presbyterorum putandus est, et in episcopis princeps episcoporum. Et omne quodcunque honorabile nomen est, primum in hoc et principem esse credentium et Salvatorem, quia ipse est omnium caput. Audi autem ad hæc responsum divinum quod dicit: « Tu proiectus es in diebus, et terra relicta est multa valde. » In superioribus dicebantur, sicut observavimus, quia cessavit terra ab illis, et quia omnem terram Jesus cepit; et hic modo scriptum est quia terra relicta est multa valde? Putasne contraria sibi contineant? hocne leviter suspicendum est? Sed redeamus ad intelligentiam spiritalem, et in ea nihil invenis esse contrarium. Intuere Domini et Salvatoris nostri primum quidem adventum, cum venit seminare semen suum in orbem terræ, quomodo cepit omnem terram solo seminis jactu, et quomodo adversariis potestates ex ea et angelos refugas qui gentilium mentes obsederant effugavit, et interim seminavit verbum atque Ecclesiæ propagavit: hæc est prima ejus totius terræ possessio. Sequere autem, o auditor, per subtiles lineas verbi, et ostendam tibi quomodo etiam secundo cepit terram hanc, quæ nunc dicitur ab Jesu multa esse derelicta terra. Audi de ea dicentem Paulum: « Oportet eum regnare donec ponat omnes inimicos suos scabellum pedum suorum (*Heb. x.*). » Hæc ergo est terra quæ nunc multa dicitur esse derelicta, donec omnes subdantur pedibus ejus, et per hæc in hæreditatem capiat universos. Et hæc est, inquit, terra quæ derelicta est, « Omnes fines Philistii, » et alia quamplurima quæ sequuntur. Multa adhuc supersunt, quantum ad nostra tempora spectat, quæ videmus nondum pedibus Jesu subjecta esse, quæ necesse est utique omnia obtinere. Neque enim finis esse poterit rerum, nisi prius fuerint cuncta subjecta. Sic enim et propheta dicit (*Zach. ix.*), quia omnes gentes servientes a finibus fluminum usque ad fines orbis terra in conspectu ejus. Procedunt Æthiopes de trans ripas fluminum: Æthiopes offerent sacrificia; unde constat quod in secundo adventu hanc terram multam, quæ superest, obtinebit Jesus. Sed beati sunt illi qui primo ejus adventu obtenti sunt; ipsi enim vere in gratia erunt, qui multis adversariis

A resistantibus, et multis hostibus impugnantibus, bello et armis hæreditatem terræ reprobationis accipiunt. Cum vero ex necessitate quis fuerit subiectus, tunc quando etiam novissimum inimicum destrui necesse est mortem, non erit jam in gratia his qui subjiciuntur.

(CAP. XIII.) Ad meridiem vero sunt Ilevæ, omnis terra Chanaan, et Maara Sidoniorum, usque Aeca et terminos Amorrhæi, ejusque confinia. Libani quoque regio contra orientem a Baalgath sub monte Hermon, donec ingrediatur Emath. Omnium qui habitant in monte, a Libano usque ad aquas Miserephod, universaque Sidonii. Ego sum qui delebo eos a facie filiorum Israel. Veniat ergo in partem hæreditatis Israel, sicut præcepisti tibi.

B Cum enumeraverit plurimas gentes, de Sidoniis solis dixit: « Et omnes Sidonios ega exterminabo a facie filiorum Israel. » Nominati sunt et Chanaæi, nominati sunt et hi qui sunt ex finibus Accaron et a sinistris partibus fluminum, et aliae quamplurimæ gentes; et de solis Sidoniis dixit Dominus quod eos eversurus sit. Sidonii autem dicuntur, sicut iam diximus, venatores. Qui intelliguntur isti mali venatores quos Dominus exterminat, nisi illæ virtutes contrarie de quibus dicit propheta, quia « paraverunt laqueos sub pedibus meis (*Psal. LVI.*), » quibus scilicet venientur et decipiunt animas peccantium? Istos ergo exterminat Dominus. Cum isti tales interierint venatores, cum jam nemo fuerit qui laqueos tendat et retia ut decipiatur animas in peccato, C tunc requiescat unusquisque sub vite sua et sub sicu sua.

## CAPUT II.

*De divisione terræ per singulas tribus Israel, et quod tribui Levi non dedit possessionem; sed sacrificia et victimæ Domini Dei Israel ipsa est hæreditas eorum.*

(IBID.) « Et nunc divide terram in possessionem novem tribubus, et dimidiae tribui Manasse, quia Ruben et Gad possederunt terram quam tradidit eis Moyses famulus Domini, trans Jordanem ad orientalem plagam, » et cætera. Lectum est quia Moyses dederit hæreditatem quibusdam; post hæc vero legitur quia et Jesus secundum præceptum Domini distribuit hæreditatem. Primus ergo Moyses distribuit hæreditatem, secundus autem Jesus. Nunc Moysis legem intellige. Hi ergo qui secundum legem vixerunt, primi acceperunt hæreditatem, sed ex terra reprobationis. Tunc deinde cum acceperint terram hæreditatis: non enim possident, neque dividunt, sed exspectant, usquequo eis per Jesum distribuatur in sortem. Nonne hoc evidenter est quod Apostolus dicit, ad Hebreos scribens de prioribus patribus, quos dicit fide placuisse Deo, et addidit dicens: « Hi autem omnes testimonium habentes per fidem, nondum consecuti sunt reprobationes, Deo pro nobis aliiquid melius providente, ut in ea sine nobis perfecti efficerentur? » (*Hebr. xi.*) Habet igitur reprobationem suam, et requieverunt,

et digni iudicati sunt per Moysen capere hæreditatem; verumtamen adhuc et ipsi pugnant, in certamine sunt pro his qui sub Jesu militant. Sed et requiris qui sunt qui pugnant, et quæ est pugna ista quam illi gerunt? Ego sic arbitror, quod omnes illi, qui dormierunt ante nos, patres pugnant nobiscum et adjuvent nos orationibus suis. Ista namque etiam quemdam de senioribus magistris audivi dicentem in eo loco in quo scriptum est in Numeris (*Cap. iv*) quia ablinget synagoga illa hanc synagogam sicut ablingit vitulus herbam viridem de canipo; dicebat enim: Quare hujusmodi similitudo sumpta est, nisi quia hoc intelligendum est in loco quod Synagoga Domini, quæ nos præcessit, in sanctis oret, et in lingua consuevit adversarias synagogas, id est, orationibus et precibus adversarios nostros absumet? Non ergo in armis pugnandum est nobis adversus hostes nostros invisibles, sed orationibus et verbis Domini, meditationibus et operibus ac sensibus rectis: sic enim armabantur et patres, fide et operibus vincentes; sic umbræ et exemplaria deserunt cœlestium hi qui legem suscipiant, quæ est illius veræ legis umbra; ita et exemplar et umbra consequenter sunt divisionis cœlestis hi qui in Iudea hæreditatem dividunt terræ. Erat ergo in cœlis veritas, umbra vero et exemplar veritatis in terris; et donec umbra hæc constabat in terris, erat Jerusalem terrestris, erat templum, erat altare, et erat visibilis cultus, erant pontifices et sacerdotes, constabant etiam civitates et vici Iudeæ, et omnia hæc quæ nunc in libro hoc descripta esse recitantur. Cum vero in adventu Salvatoris Dei nostri de cœlis descendentis, veritas de terra orta est, et justitia de cœlo prospexit, umbra et exemplaria ceciderunt; cecidit enim Jerusalem, cecidit templum, altare sublatum est, ut neque in monte Garizim, neque in Jerusalem sit locus ubi oportet adorare; sed veri adoratores qui adorant Patrem, in spiritu et veritate adorent. Sic ergo præsente veritate typus et umbra cessavit; et cum adesset templo illud, quod per Spiritum Dei et virtutem Altissimi in utero Virginis fabricatum est, dirutum est templum ex lapidibus fabricatum: aderat pontifex futurorum bonorum, cesserunt pontifices taurorum et hircorum; venit Agnus Dei qui tollit peccata mundi, destitutus agnus ex pecudibus assumptus, et nequidquam atque inaniter tot sœculis jugulatus. Refertur autem prima et secunda hæreditatis facta divisio: prima quidem per Moysen; secunda vero, quæ et potentior est, per Jesum facta describitur: et Moyses trans Jordanem tribui Ruben, et tribui Gad, et dimidiæ tribui Manasse, possessionem decernit; ceteri vero omnes per Jesum suscipiunt hæreditatem. Diximus jam prius quomodo per legem placuerunt Deo, præcedentes tempore eos qui per fidem Jesu ad promissa perveniunt, nondum ea quæ perfecta sunt consequuntur: expectantes eos qui posteriores, diverso quidem tempore, sed una fide placebunt, sicut Apostolus dixit: Utinam sine nobis perfectionem consequerentur (*I Cor. iv*).

(IBID.) « Tribui autem Levi non dedit possessio nem; sed sacrificia et victimæ Domini Dei Israel ipsa est ejus hæreditas, sicut locutus est illi, » etc. Levitis neque Moyses dedit hæreditatem neque Jesus. Quare quid aliquid sentiendum est, nisl quod sunt in Ecclesia Domini quidam qui virtute animi et meritorum gratia cœteros homines præcedunt, quibus ipse Dominus esse hæritas dicitur. Et si fas est audire in talibus, et arcani reconditi aliquid aperire, videamus ne forte illud sit quod sacerdotum et Levitarum figuram latenter ostendit, quia in omni populo, eorum dico qui salvantur, major sine dubio pars est et longe numerosior eorum qui simpliciter credentes, in timore Dei per opera bona, per honestos mores et actus probabiles Domino placent; pauci vero sunt et valde rari qui sapientiæ operam dantes, et mentem suam puram mundamque servantes, atque in omnibus præclaris virtutibus suas animas excolentes, cœteris similiploribus per doctrinæ gratiam illuminant iter quo graduntur et veniunt ad salutem. Hi fortassis sub Levitarum et sacerdotum nomine designantur, quorum hæritas ipse Dominus est, qui est sapientia, quam præ ceteris omnibus dilexisse perhibentur. Invenio tamen aliquam differentiam in his quæ Moyses distribuit et in his quæ Jesus. Moyses namque duabus et semis tribubus terram distribuens ultra Jordarem, non dedit Levitis habitaculi portionem quæ eos contingebat. Jesus autem dedit non solum his tribubus quas ipse dispensat, verum etiam illis quæ a Moyse trans Jordanem fuerant collocatæ. Habitacula etenim Levitis in singulis tribubus decernuntur, ut et permulto magnificentius mysterium nosceremus. Iste enim ordo Leviticus et sacerdotalis, qui Dei sapientiæ et scientiæ operam impedit, non potuit a Moyse sortem habitationis accipere, quia non erat Moyses veritatis, sed umbra exemplaris minister. Jesus vero Dominus noster, qui erat sapientia Dei, ipse habitacula sapientibus præbet. Non enim potuit dicere Moyses, « Vade, vende omnia quæ habes, et da pauperibus, et habebis thesaurum in cœlis; et veni, sequare me (*Math. xix*). » Hoc est enī partem dare Levitis. Nec potuit dicere Moyses, quia « qui non renuntiaverit omnibus quæ possidet, non potest meus esse discipulus (*Luc. xiv*). » Non enim potuit dicere Moyses: « Omnis enim qui non oderit patrem vel matrem, et fratres et sorores et filios, et insuper etiam animam suam, non potest esse meus discipulus (*Ibid. v. 26*). » Hoc Moyses facere non potuit, idcirco habitacula sacerdotum vel Levitarum dispensare non potuit. Beatus ergo est qui se exhibet talem, et in istis omnibus quæ præcipit Jesus invenitur esse perfectus; ut ab Iesu sortem cœlestis mansionis accipiat in futuro; de quo ipse Dominus ait: « Pater, volo ut ubi ego sum, et isti sint mecum (*Joan. xvii*). » Et « Sicut ego in te, et tu in me unum sumus, et isti in nobis unus sumus (*Ibid. v. 21*). » Quod si audiens perfectorum et eminentiorum hæreditatem Dominum dici, ignoras et.

ambigis quid illud sit quod sub hoc nomine designatur, audi quia Dominus sapientia est. Cui ergo dicitur hereditas esse Dominus, iste hereditatem sapientiae capit. Dominus justitia dicitur. Cui ergo Dominus hereditas est, iste hereditatem justitiae consequitur. Dominus pax est, Dominus redemptio est, Dominus salus est, et in Domino sunt thesauri sapientiae et scientiae absconditi: haec omnia in hereditatem percipiet cuius hereditas Dominus fuerit. Verumtamen et isti quibus sapientia Dei, et verbum Dei, et veritas et justitia esse hereditas dicitur, habitationem interim cum illis accipiunt quorum hereditas habetur in terris, ut ex ipsorum consilio bi qui per semetipsos nondum valent participes efficiantur sapientiae et scientiae Dei, et veritas ejus ac verbi; et ita etiam ad minimos quosque dispensatio divina pertendit, ut qui principaliter non possunt divinæ gratiae capaces existere, illuminari ex sanctorum consilio mereantur, et compleatur illud quod Apostolus dicit ad Corinthios de sanctis Jerosolymitis, « ut nostra quidem abundantia fiat ad illorum inopiam (II Cor. viii.) » ut et illorum abundantia fiat ad vestram inopiam. Ita ergo et nunc cohabitare jubentur Levitae et sacerdotes, qui non habent terram, ut percipiat ab Israelita sacerdos et Levita terrena quæ non habeat, et rursum Israelita percipiat a sacerdote et Levita cœlestia et divina quæ non habet. Lex enim Dei sacerdotibus commissa est et Levitis, ut huic soli operam tribuant, et verbo Dei absque ulla sollicitudine vacent. Sed iterum ut vacare possint, laicorum uti ministeriis debent: si enim laicus ea quæ necessaria sunt non præbuerit sacerdotibus et Levitis, occupati illi in talibus, id est, in corporalibus curis, minus legi Dei vacabunt. Illis autem non vacantibus neque operam dantibus legi Dei, tu periclitabis; obscurabitur enim lux scientiae quæ in illis est, te non ministrante oleum lucernæ, et culpa tua illud eveniet quod dixit Dominus, quia « cecus cæco ducatum præbens, ambo in soveam cadent (Matth. xv.) ». Sed et illud complebitur quod Dominus dixit: « Si enim lux quæ est in te tenebæ sunt, tenebæ ipsæ quantæ sunt? » (Matth. vi.) Ut ergo lux scientiae in sacerdotibus fulgeat, lucerna eorum sit semper accensa: tu imple officium, tu comple mandatum Dei erga obsequia sacerdotum. Quod si forte suscepisti a te quæ necessaria sunt, et sic non sequaris avaritiam, sed benedictionem merueris, illi neglexerint eruditioni operam dare, et verbo Dei vacare, et in lege Dei ineditari die ac nocte, ipsi videbunt quomodo pro animabus vestris reddant Domino rationem.

## CAPUT III.

*De eo quod novem tribus et dimidia acceperunt sortes suas per Eleazarum sacerdotem et Josue filium Nun, duabus tribubus et dimidia partes suas accipientibus per Moysen ultra Jordanem.*

(Cap. xiv.) « Hoc est quod possederunt filii Israël in terra Chanaan, quam dederunt eis Eleazar sacerdos, et Josue filius Nun, et principes familia-

A rum, per tribus Israel sorte omnia dividentes, sicut præcepérat Dominus in manu Moysi novem tribubus, et dimidiæ tribui. Dualis enim tribus et dimidiæ dederat Moyses trans Jordanem possessionem: absque Levitis, qui nihil acceperunt inter fratres suos, sed in eorum successerant locum, » etc. Discamus ex lege quam necessarie scripta sit terre divisio, quæ primo tempore per Moysen, secundo per Jesum facta est: non ut utrumque servenus, sed ut rationem utriusque dicentes, illam solam teneamus quæ ab Iesu nobis Dominino nostro traditur. Igitur illam terram quæ trans Jordani Moyses distribuit, hanc his quæ est in terra sancta et terra bona distribuit Jesus princeps tribum Israel. Vides ergo quia cum ab eo cuperit vera illa hereditas terra sanctæ, id est, a Salvatore distribui, assumetur etiam principes veri et spirituales Israel. Quos autem putamus esse principes tribuum neutrarum, vel Ecclesie principes, nisi sanctos apostolos, ad quos dicit Salvator, « quia sedebitis et vos super duodecim thronos, judicantes duodecim tribus Israel (Matth. xix.) ». Assumitur tamen ad divisionem etiam sacerdos, qui est arcarius et mysticus sermo Dei: sic enim dicit, quia « cum venerit Jesus, et Eleazar simul ad dividendam terram ». Et videamus quis est qui primus accepit hereditatem ab Iesu. « Caleb », inquit, « filius Jephone. » Illic enim petiit et accepit primus ceteris, quibusdam ratioibus et verbis quæ descripta sunt: quæ verba etiam nos possunt instruere ad salutem. B Et primus omnium Caleb interpretari dicitur, quasi cor. Quis ergo quasi cor, nisi ls qui in omnibus intellectui operam tribuit? Quia non aliud aliquid membrum corporis Ecclesie esse dicitur, nisi illud quod est nobis præclarus cor, id est, qui omnia cum ratione et providentia gerit, et ita cuncta dispensat, quasi non sit aliud nisi cor. Interpretatur autem et Jephone pater eius conversio. Hic ergo Caleb filius est conversionis. Qui nisi is qui ad Dominum conversus talem ex se fructum proferet, et cor suum generaret. Est ergo omnis qui divinis sensibus vacat, et prudenter cuncta ac rationaliter agit, Caleb. Hic primo quidem eruditus a Moyse, secundo vero a Jesu cui assistebat, dicens: « Tu nosti verbum quod locutus est Dominus ad Moysen hominem Dei; » tu scis verbum quod locutus est. Quis enim alias potest nosse verbum quod locutus est Dominus ad Meysen, nisi solus Jesus? Nemo sic intellexit legem sicut docuit Jesus: ipse enim omnia docuit et aperuit, ipse revelavit Paulo, « quia lex spiritualis est (Rom. vii.) ».

## CAPUT IV.

*De locutione Caleb ad Josue pro terra Ebron, quam sibi postulavii dari.*

(ibid.) « Locutusque est ad eum Caleb filius Jephone, Cenezæus: Nostri quid locutus sit Dominus ad Moysen hominem Dei, de me et te in Cadesbarne. Quadraginta annorum eram quando me misit Moyses famulus Domini de Cadesbarne, ut consi-

derarem terram, nuntiavique ei quod verum videbatur mihi. Fratres autem mei qui ascendebant mecum, dissolverunt cor populi : et nihil minus ego secutus sum Dominum Deum meum. Juravitque Moyses in die illo, dicens : Terram quam calcavit pes tuus, erit possessio tua, et filiorum tuorum in perpetuum, et reliqua. De me, inquit, et de te locutus est Moyses : de te quidem, hoc est quod dixit Dominus quia si credetis Moysi, crederetis utique et mihi, de me enim ille scripsit (*Joan. v.*) ; de me vero quid dixit, hoc est de Caleb, qui cor est? Certum est quia de corde scripsit Moyses, qui omnia prudenter sapienterque conscripsit. Ait ergo : Hodie valeo sicut valebam. Tunc sanctus quippe similiter valet in presentibus, et in praeteritis, et in novissimis, et in veteribus, et in Evangelii, et in lege. Hoc est ergo quod dicit valere se hodie sub Jesu sicut tunc sub Moyse, quia in utriusque Testamenti mysteriis cor vigilans valet. Sed videamus etiam petitionem ejus quam poscit ab Jesu Caleb filius Jeffone : « Petu te, » inquit, « montem hunc, » sicut dicit Dominus : In die illa. Nihil humile vel dejectum sanctus requirit, nihil quod in demersis convallibus jacet, sed montem querit excelsum, et montem in quo civitates magnae et munitae. Et ex hoc haec poscebat, quia noverat helligerare, sicut scriptum est : « Civitates munitas occupabit sapiens, et destruet munitionem in qua confidebant impii (*Prov. xxi.*). Putas cum haec diceret Salomon hoc nos volebat docere quia sapiens caperet civitates et munitiones destrueret ex lapidibus constructis? An illud potius indicat quod civitates et muri sunt impiorum dogmata, et syllogismi philosophorum, quibus astruunt impia quæque et divinæ legis contraria que apud paganos vel barbaros observantur? Sed illa his deputanda sunt, et civitates munitas esse alque in montibus collocatas, quæ haeretici assertionibus velut in altis montibus colligantur. Istas ergo civitates sapiens quisque verbum veritatis prædicans destruit, et urbes mendaces veritatis ariete subvertit; sicut et Paulus dicebat, « cogitationes destruentes, et omnem altitudinem quæ extollit se adversum scientiam Dei (*II Cor. x.*), ita etiam nunc sapientissimus hic Caleb assistit ante Jesum, et promittit se valere ad bellum, et promittit esse ad prælium. Et ideo depositi permitti sibi vel dispensari facultatem, ut congregiatur cum dialecticis sæculi, cum his qui pro veris falsa confirmant; ut eos confutet, et superet, et subvertat omnia quæ illi falsis assertionibus construxerunt. Ideo denique videns alacritatem ejus Jesus, benedixit, inquit, eum, scilicet quod talia depositat et audiat. Sed et tu si vis dare operam studiis, et legem prudenter meditari, et effici cor in lege Dei, potes istas magnificas et munitas urbes, id est, assertiones subverttere falsitatis, ut et tu merearis benedici ab Iesu et accipere Hebron. Interpretatur autem Hebron conjunctio vel conjugium : per quod potest fortasse illud ostendi quod spelunca duplex comparata

A ab Abraham patriarcha ea est in qua conjugia patrum et reliquæ eorum jacent, id est, Abraham cum Sara, Isaac cum Rebecca, Jacob cum Lia. Meruit ergo Caleb patrum reliquias in hereditatem suscipere, sine dubio quia per sapientiam quæ in eo erat qui vigebat, et sub Moyse et sub Jesu intellexerat conjunctionis ipsius rationem, et prospexerat quid esset causæ quod cum Abraham sola Sara jaceret, ubi neque Agar, neque Cethura ei meruissest adjungi : vel quid esset causæ quod cum Jacob sola Lia jacere videretur, et neque Rachel quæ amplius fuerat dilecta, neque aliqua ex concubinis, in sepulcro ei fuerat copulata. Ipse ergo in memoris patrum hereditatem capit prudeus et sapiens Caleb, ipsi Jesus Enachitarum gentium metropolim tribuit B Hebron, et efficitur ei sors usque in hodiernum diem. Nomen Hebron antea vocabatur Cariatharbe : Adam maximus ibi in terra Enachim situs est, et terra cessavit a preliis. Cariatharbe ergo civitas quatuor interpretatur : et licet corrupte in Graecis codicibus Arhoe scribatur, tamen in Hebreis legititur Arbe, id est quatuor : ex eo quod ibi tres patriarchæ, Abraham, Isaac et Jacob, sepulti sunt, et Adam magnus, sicut in hoc libro, hoc est, in Jesu Nave scriptum est; licet eum quidam conditum in loco Calvariae suspicentur. Haec autem eadem Chebron olim metropolis Philistinorum, et habitaculum gigantium, regnumque postea David in tribu Juda civitas sacerdotalis et fugitivorum, distat ad meridianam plagam ab Elia milliaribus circiter vinti duobus; et quereus Abraham, quæ et Mambre, usque ad Constantii regis imperium monstrabatur, et mausoleum ejus in praesertiarum cernitur. Cumque a nostris ibidem ecclesia jam exstructa sit in circuitu, a cunctis gentibus Terebinthi locus superstitione colitur, eo quod sub ea Abraham angelos quondam hospitio suscepit. Haec ergo primum Arbe, postea a Chebron, uno filiorum Caleb, sortita vocabulum est. Lege Verba dierum.

## CAPUT V.

*De sorte filiorum Juda : et quod Caleb delerit ex Hebron tres filios Zenach, Sesai, et Achiman et Tholmai.*

(Cap. xv.) Igitur sors filiorum Juda per cognationes suas ista fuit : a termino Edom desertum Sin contra meridiem, et usque ad extremam partem australis plagæ, etc. (Ex Augustino.) Consuetudo est Scriptura quatuor adeo partes orbis terræ, quas agrum et plagas nominant, appellare; et in distributione flatum tribus Iudeæ duas tantummodo nominantur, et duæ reticentur. Hinc enim scriptum est : Et facti sunt fines tribus filiorum Juda secundum plebes eorum, a finibus Idumææ, a deserto Sina ad occidentem; et cum descripti essent fines ad occidentem, tum deinde et ab oriente; omne, inquit, mare salsum. Et alias duas partes reticuit, id est, septentrionis vel meridiani. Vide ergo, si non repleta sunt mysteriis, licet singula vel sentire vel explicare nequeamus. Tamen prout

**Dominus præbere dignatur, et nos capere valemus, A** discentere singula quæque tentabimus. Facti sunt, inquit, fines Juda secundum plebes eorum, a finibus Idumææ, a deserto Sina, ad occidentem. Igitur fines Judeæ proximi sunt finibus Idumææ. Idumæa vero, sicut jam diximus sc̄epe, interpretatur terrena. Post terrena ergo statim consequuntur fines Judeæ, sed a deserto, inquit, Sina : interpretatur autem Sina, tentationes. Post tentationes ergo consequuntur fines hæreditatis Judeæ. Occidens et oriens non minantur, et vicina loca ea quæ supra diximus imo confinia ; sed et vallis Ægypti vicina occidentalibus partibus designatur, quæ est a deserto ad occidentem ; ab oriente vero cinguntur fines mari salso. Post hoc a collibus, inquit, qui tenduntur ad occidentem ; et inde ascenditur ab occidente usque Barne, et sic pertenditur ad occidentem Cades. Et hi sunt fines eorum ab Africo ; et inde perrexit usque ad vallem Ægypti. Vides quonodo in occidentis partibus, et Africum, et Ægyptum nominat, et occasum ? sine dubio, ut hæc omnia sciatur unusquisque evadenda esse et transeunda, ut ita demum possit ad tribum regiam pervenire, de qua dicit Apostolus : Certum est quod de Juda ortus est Dominus noster Jesus Christus (*Hebr. viii*). A finibus est Idumæa desertum Sina. Paulio ante diximus de deserto Sina quod tentationes significat ; et ideo necesse est nos transire eremum temptationum, ut sic possimus pervenire in hæreditatem filiorum Judeæ ; sed ascendere nos oportet ad ascensum collium Acrabin, quod interpretatur scorpionis. Transeundi nobis sunt et calcandi scorpiones illi sine dubio, de quibus Salvator dicit : « Ecce dedi vobis potestatem calcandi super serpentes et scorpiones (*Luc. x*). » Qui ergo vult et desiderat ingredi hæreditatem tribus Judeæ, oportet eum ascendere in ascensiones istas, et calcare atque evadere scorpiones qui obsistunt : unde arbitror quod istud iter agendi sunt, quia Ezechieli propheta dicebat Dominus : « Fili hominis, in medio scorpionum tu ambulas (*Ezech. xi*). » Et sunt, inquit, fines usque ad Cades. Cades interpretatur sanctum vel sanctificatio. Fines ergo Judeæ usque ad sanctificationem perveniunt. Sed videamus etiam quæ sunt fines ex partibus orientis, non quod nunc locorum catalogum facere velimus, sed ut D mys'eriorum quæ per hæc significantur contueamur imagines. Dieitur ergo, ab oriente fines Judeæ esse mare salsum ; et post hoc in parte ejus nominatur fons solis, et civitas, et in hæc eadem tribu esse etiam civitas litterarum. Oportet igitur omnem qui vult introire in partem filiorum Judeæ, transire prius mare salsum, et vite scilicet et mundi hujus turbines superare, et evadere omnia quæ in hoc mundo, pro incerto usu et lubrico, marinis fluctibus comparantur, ut possit ad Judeæ terram pervenire et fontem solis accedere. Quis est autem fons solis, vel civitas solis ? Illius sine dubio de quo scriptum est : « Vobis autem timentibus nomen meum orietur sol justitiae (*Malach. iv*). » Hujus ergo solis, si prius

A evaseris mare salsum, fontem invenies in terra Judeæ. Quem fontem ? illum profecto de quo dicebat Jesus : « Qui biberit de aqua quam ego dabo ei, sicut in eo fons aquæ salientis in vitam æternam (*Joan. iv*). » Hujus igitur solis cum tales qualem diximus invenieris fontem, invenies etiam civitatem ejus : Est enim, inquit, ibi et civitas solis. Dicitur esse in Ægypto civitas solis ; sed ista civitas solis que in Ægypto est, hujus solis nomen accepit quem Pater celestis oriri jubet super bonos et malos ; illa vero civitas que in Judæa est, sanctorum tantummodo efficitur, quia civitas Dei est : et fons ille, de quo superius diximus, fluvius effectus levigat civitatem Dei. Sed et tu si ex omni parte munitus sis, et continentiae muro circumlatus, si patientiæ et magnanimitatis turribus circumdatus es, etiam tu efficeris civitas Dei ; si vero ad hæc omnia adjecceris tibi lumen scientie, sicut Isaías (« illuminate vobis lumen scientie »), et sol in te justitiae radiaverit, efficeris etiam et tu civitas solis, vel civitatem solis sorte hæreditatis accipies : sed et si te tradideris legi Dei, ut in ipsa mediteris die ac nocte, et non recedat liber legis de manu tua, sicut dicitur ad Jesum ; et si memor sis precepti Salvatoris, in quo dicit : « Scrutamini Scripturas (*Joan. v*) ; » si ergo talibus studiis te mancipaveris, et eruditioenem diuinæ legis vel legendō vel audiendo obtinueris, tuae portionis efficitur civitas litterarum. Et hæc quidem nos pro possibilitate sensus nostri, vel etiam pro auditus vestri capacitate, discussi. summa vera scientia, et profundior horum intelligentia apud illos erit qui veram hæreditatem veri et unigeniti Filii Dei, quæ re promissa est his qui cum perfecte dilexerint, consequi merebuntur.

(IBID.) « Caleb vero filio Jeffone dedit partem in medio filiorum Juda, sicut præceperat ei Dominus, Chariath Arbe, patris Enach, ipsa est Ebron : « delevitque ex ea Caleb tres filios Enach, Sesai et Eman, et Tholmai de stirpe Enach ; atque inde concèndens venit ad habitatores Dabir, quæ prius vocabatur Chariath Sepher, id est civitas litterarum. » Primo ergo discutiamus quare metropolim accepit Caleb, et illam quæ prima inter cæteras omnes in terra reprobmissionis metropolis nominatur. Et metropolis Enach interpretatur humilitas inanis, vel responsio inanis. Accepit ergo Caleb metropolim humilitatis inanis. Duas esse humilitates certum est, unam laudabilem, de qua dicit Salvator : « Discite a me quia mitis sum et humili corde, et invenietis requiem animabus vestris (*Matth. xi*) ; » et de hac humilitate dictum est, quia « omnis qui se humiliaverit, exaltabitur (*Luc. xiv*) ; » et iterum : « Humiliatimi sub potentissima manu Domini (*I Petr. v*). » Est enim et alia humilitas culpabilis peccatorum, sicut illa quam de illicito concubitu dicit Scriptura quod de Amon scriptum est, quia humiliavit Thamar sororem suam (*II Reg. xiii*). Est ergo humilitas inanis. Capit metropolim vel excidit Caleb, et interemit tres filios Enach, qui erant filii inanis

humilitatis. Illis interfectis ipso habuit civitatem, et fecit quæ in consequentibus scripta sunt. Qui autem sunt filii inanis humilitatis quos exterminavit Caleb? Primus Susi, qui interpretatur extra me, hoc est, extra sanctum: filius inanis humilitatis quem exterminavit. Caleb, imo extra Dominum est. Et alias Ahiman, qui interpretatur frater meus extra consilium, et frater sine consilio: omnes enim fratres qui de humilitate inani nascuntur, certum est quia extra consilium sunt. Tertius Tholmai, quod interpretatur præcipitum vel suspensio: quod designat nihil in eo stabilitatis, sed vaga omnia et in præceps ruentia. Istos ergo tres filios Enach exterminavit et interfecit Caleb, et post istos ascendit etiam in Dabir. Nomen erat Dabir prius civitas litterarum. Dabir interpretatur loqua, sed nomen Dabir erat prius civitas litterarum. Ita civitatem litterarum intelligo omne Veteris Instrumenti testamentum, et hanc ipsam quam nunc disserere conamus Scripturam intelligamus esse civitatem litterarum; quæ postmodum efficitur Dabir, quod est loqua: hæc est enim quæ prius in litteris erat, et secundum litteram intelligebatur, modo in Ecclesiis, revelante Domino, loqua effecta est, loquentibus de ea et disserentibus primo apostolis, et remonstribus de ea spiritalem loquelandam. Sed et singuli quoque doctores Ecclesiarum litteram legis, loquelandam et disputationem suam illam evangelicam fecerunt. Qui sunt autem tres filii Enach quos Caleb, in cuius persona virtutem legis descripseramus, intermit? Inanis humilitas accipienda est illa, quam omnes saeculi poetæ vel philosophi divinitatem senserunt, quia et humilia et Deo indigna sunt quæ senserunt. Quid est tam humile inaniter quam ligna et lapides deos vel astruere vel putare? Hujus ergo inanis humilitatis primus filius est qui dicitur extra me, hoc est, primus sensus eorum et extra veritatem, et extra Dominum est. Secundus vero Ahiman, id est, frater sine consilio; certum est quia et iste frater sit illius erroris qui sine consilio agitur. Quid enim tam sine consilio quam relinquere Dominum, qui nos fecit esse, et sequi deos quos fecimus? Tertius erroris sensus est Tholmai, quod est præcipitum vel suspensio: novissima namque hujus erroris ostenduntur in præcipitum et profundum inferni. Hos ergo gentilitatis sensus tanquam filios Enach vetusti erroris abscidit lex, quæ etiam secundum litteram Dominum verum et creatorem omnium prædicat.

#### CAPUT VI.

*De eo quod dixit Caleb: Qui percusserit Chariath-Sepher et ceperit, dabo illi Axam filiam meam uxorem; et cepit eam Othoniel filius Cenez, frater Caleb junior. Et de eo quod postularit Axa filia Caleb patrem suum ut daret sibi terram irriguam.*

(Ibid.) *¶ Dixitque Caleb: Qui percusserit Cariath-Sepher et ceperit eam, dabo illi Axam filiam meam in uxorem. Cepitque eam Othoniel filius Cenez, frater Caleb junior: de.¶ Dixitque ei Axam filiam suam uxerem. Qui cum pergerent simul, susas-*

A vir ejus ut peteret a patre suo agrum. Suspiravitque ut sedebat in asino. Cui Caleb, Quid habes, inquit? At illa respondit: Da mihi benedictionem: terram australem et arenem dedisti mihi, junge et irriguam. Dedit itaque ei Caleb irriguam superius et inferius, etc. Othoniel autem interpretatur responsio Dei. Responsio Dei diei potest is cui respondet Dominus, hoc est, cui revelat secreta et pandit arcana. Iste ergo est qui potest accipere civitatem litterarum Veteris Instrumenti, et excidere litteram occidentem, frater Caleb junior. Ego autem sum frater Caleb de Ecclesia junior, qui excisa ac diruta legis littera, sensum in ea spiritalem requiro. Excido autem litteram, cum jam non secundum litteram azyma manduco, neque passcha cum Judæis observo, neque sabbatum secundum litteram curo. Promissum namque est mihi quia si excidero civitatem litterarum, accepturus sim filiam fratris mei majoris. Eram namque prius filius Cenez, qui interpretatur spacio. Quis enim erat ita spretus sicut nos gentes, alienati a conversatione Israel, spem non habentes, et sine Deo in hoc mundo eramus? Nam prior ille frater meus, cujus nunc filiam accipio, pro eo quod excidi civitatem litterarum, ille filius Jesse fuit, qui interpretatur conversio. Dat mihi ergo filiam suam, scientiam sive intelligentiam mihi juniori fratri dat lex, secundum quod scriptum est: *¶ Auferetur a vobis regnum Dei, et dabitur genti facienti fructum ejus (Matth. xxi.).* Scindendum tamen est aliud esse legem, cui nunc personam dedimus Caleb, aliud litteram Veteris Testamenti, quam civitatem figuraliter diximus litterarum. Accepta ergo littera alia ejus, ego frater ejus junior abduco eam de domo patris sui: quæ cum veniret mecum sedens super asinum, illum sine dubio quem solverant discipuli Salvatoris, dicit ad patrem suum: Da mihi benedictionem, pater; et accepit Gonethlam inferiorem et Gonethlam superiorem: quod evidentius jam Apostolus dicit: *¶ Pollicitationem habens vitæ quæ nunc est et futuræ (1 Tim. iv.).* Et Salvator promittit ut hi qui verbi sui perfectionem sequuntur, accipient centuplum in hoc sæculo, et vitam æternam in futuro. Hoc est ergo accepisse in benedictione Gonethlam inferiorem et Gonethlam superiorem: quam benedictionem oremus ut et nos consequi mereamur. (Ex Gregorio.) Juxta tropologiam vero, Axa super asinum sedet, cum irrationalibus carnis sue motibus anima prasidet, quæ suspirans a patre terram irriguam petit, quia a creatore nostro cum magno gemitu querenda est lacrymarum gratia. Sunt namque nonnulli qui jam in dono percepérunt libere pro justitia loqui, oppressos tueri, indigentibus possessa tribuere, ardorem fidei habere: sed adhuc gratiam lacrymarum non habent. Hi nimirum terram australem et arenem habent, sed et adhuc irrigua indigent: quia in bonis operibus positi, quibus magni atque ferventes sunt, oportet nimirum ut aut timore supplicii, aut amore regni coelestis, mala

etiam quæ ante perpetraverent deplorent. Et licet in multis speciebus compunctione dividatur, quando singulæ quæque a penitentibus culpe planguntur; unde ex voce quoque penitentium Jeremias ait: « Divisiones aquarum deduxit oculus meus (*Thren.* iii); » principaliter tamen compunctionum genera duo sunt: quia Deum sicut anima, prius timore compungitur, post amore. Prius enim sese in laeternis afflit, quia dum malorum suorum recelit, pro his perpetui supplicia eterna pertimescit. At vero omni longa miseroris anxietudine fuerit formido consumpta, quedam jam de presumptione venie securitas nascitur, et in amore coelestium gaudiorum animas inflammatur: et qui prius flebat ne duceretur ad supplicium, postmodum flere amarissime incipit quia differat a regno. Contemplatur etenim mens qui sunt illi chori angelorum, quæ societas sanctorum spirituumque majestas interna visionis Dei: et amplius plangit quia bonis perennibus deest, quam prius cum mala eterna metuebat; sicutque fit ut perfecta compunctione formidinis tradat animo compunctionem dilectionis: quod bene in hac sacra veracique historia figurata narratione describitur. Quia ergo, ut dixi, duo sunt compunctionis genera, dicit ei pater suis irriguum superius et irriguum inferius. Irriguum quippe superius accipit anima cum sese in laeternis coelestis regni desiderio affligit; irriguum vero inferius accipit, cum inferni supplicia flendo pertimescit. Et quidem prius inferius, ac post irriguum superius datur: sed quia compunctionis amoris dignitate preminet, necesse fuit ut prius irriguum superius, et post irriguum inferius commemorare debuisset.

## CAPUT VII.

*Quod Jebusacum habitatorem Jerusalem non potuerunt filii Juda delere, habitavitque cum eis; et quod non interfecerunt filii Ephraim Chananeum qui habitat in Gazer.*

(*Ibid.*) « Jebusacum autem habitatorem Jerusalem non potuerunt filii Juda debellare. Habitavitque Jebusacum cum filiis Juda in Jerusalem usque in presentem diem, » et cetera. (*Ex Adamantio.*) Filii Juda volebant disperdere vel intermixere Jebusacos de Jerusalem, et non potuerunt, propter quod habitaverunt Jebusaci cum Aliis Juda in Jerusalem usque in hodiernum diem. Volumus, a littera iucipientes, requirere ab his qui putant haec secundum litteram stare posse, quid est hoc quod dicit, usque in hodiernum diem? Quod verbum Scriptura pro eo ponit ut eternitatem saeculi per hoc significet; sicut dicit: « Nolite recessere a Domino in hodiernum diem (*Jos. xxii*); » hoc est, donec saeculum stat. Ostatum ergo miti quomodo Jebusaci, donec saeculum stat, habitent cum filiis Juda in Jerusalem, quippe cum ne ipsi quidem filii Juda habitent Jerusalem. Ieo ergo nec istud verum esse poterit quod Jebusaci cum Judais habitent in ea. Sed nos intelligamus haec spiritualiter assumentes Evangelii parabolam, quæ dicit de zizanis: « Sicutque utraque crescere; ne

A forte volentes eradicare zizania, eradicetis simul cum ipsis et triticum (*Matth. xiii*). » Sicut ergo in Evangelio permittuntur zizania simul cum tritico coalescere, eodem modo etiam qui hic in Jerusalem, id est, in Ecclesia sunt Jebusaci, isti qui ignobilem et degenerem vitam ducunt, qui fide et actibus et omni conversatione perversi sunt. Neque possibile est ita ut neque impius in ea, nec quisquam peccator residere videatur; sed sint in ea omnes sancti et beati, et in quibus nulla prorsus peccati macula deprehenditur. Sed sicut dicitur de zizanis: « No forte eradicantes zizania, eradicetis simul eam eis et triticum, » ita etiam super his dici potest in quibus vel dubia vel occulta peccata sunt. Neque enim dicimus de his qui manifeste et evidenter criminosi sunt, et non de Ecclesia expelluntur. Audi ergo Scripturam dicentem quia non potuerunt filii Juda disperdere Jebusacos, sed habitaverunt cum ipsis usque in hodiernum diem. Unde precor vos qui fidèles estis, ut ita vitam vestram et conversationem servetis, ne in aliquo vel ipsis scandalum patiamini, vel alios scandalum faciatis; sed sit vobis summi studii summaque cautela, ut ne quis in hanc sanctam conversationem vestram pollutus introeat, ne quis Jebusacus inhabitet vobiscum. Vides enim quia dicit Scriptura quod non potuerunt filii Juda ejicere Jebusacos de Jerusalem. Jebusaci interpretantur conculatio. Ergo quia non possumus ejicere omnes istos qui nos conculant, eos statim quos possumus, querum peccata manifesta sunt (abi enim peccatum evidens non est, ejicere de Ecclesia neminem possumus): « ne forte eradicantes zizania, eradicemus simul etiam cum illis triticum. » Movet me tamen quod dixit, quia non potuerunt ejicere Jebusacos, id est eos qui interpretantur conculatio; et ideo videamus qui sunt in Ecclesia conculant. Illi sine dubio, de quibus Dominus dicebat in Evangelio: « Nolite mittere sanctum canibus, neque margaritas vestras ante porcos, ne forte conculcent eas pedibus suis, et conversi disrumpant vos (*Matth. vii*). » Iste sunt ergo Jebusaci qui indigne audiunt verbum Dei; et cum audierint, neque ut insatiales discedunt, neque permanent fidèles; sed percepta mysteriorum notitia, et fidei nostræ secretioribus perscrutatis, conversi disrumpunt nos, et contradictionibus suis corda nostra disrumpunt, conculant verbi Domini margaritas, et ornamenta fidei maculantes. De istis ergo dicitur quia non potuerunt filii Juda ejicere Jebusacum de Jerusalem usque in hodiernum diem.

(*Cap. xvi.*) « Et non interfecerunt filii Ephraim Chananeum qui habitabat in Gazer; et habitavit Chananeus in Ephraim usque in hodiernum diem. » Ephraim interpretatur fructificatio. Qui ergo fructificat et crescit in fide, non potest exterminare Chananeum semen pessimum, semen maledictum, semen semper mobile, semper incertum: hoc enim interpretatur Chananeus. Et certum est quia cum eo qui fructificat et crescit, semper habitat Chananeus;

nunquam enim tentatio, nunquam motus cessant ab eo. Sed tu si vere fructificas in Deo, et vides talem aliquem inquietum, turbidum, mobilem, scito quia Chananaeus est; et non potes ejicere eum de Ecclesia, quia non potuerunt filii Ephraim disperdere Chananaeum. Illud observa quod Apostolus monet dicens: « Subtrahite vos ab omni fratre inquiete ambulante (*II Thess. iii.*) ». Sed quoniam Salomon (*Prov. xxii.*) suadet haec quae legimus, describi in corde tripliciter, etiam aliud, praeter illa quae diximus, quod cordi meo occurrerit, ad aures vestras proferam: Et vos facite quod scriptum est, ut uno dicente, ceteri examinent (*I Cor. xiv.*). Me ergo dicente quod sentio, vos discernite et examineate si rectum est, aut minus rectum. De Jerusalem frequenter diximus quia visio pacis interpretatur. Si ergo in corde nostro Jerusalem ædificata est, hoc est, visio pacis in corde nostro fundata est, et spiritum, qui est pax nostra, semper intueamur et servemus in corde; si quidem ita fixi et stabiles sumus in hac visione pacis, ut nunquam prorsus ulla cogitatio mala et alienus peccati consilium ascendat in corde nostro. Si hoc ita fieri posset, poteramus dicere quia in Jerusalem sumus, et nullus alias habitat nobiscum nisi illi qui sancti sunt. Nunc vero si ad grandem provectum veniamus, et summis nosmet-ipsos studiis excolamus, tamen non puto cuiquam tantum in corde puritatis evenire, ut nunquam adversæ cogitationis contagione maculetur. Certum est habitare Jebuseos cum filiis Juda in Jerusalem: non tamen diximus haec ut negligamus, quantum fieri potest, ejicere eos, sed satis agendum nobis et tentandum quotidie ejicere eos de Jerusalem. Sed, sicut scriptum est, non possumus simul omnes ejicere. Hoc idem autem in his qui fructificant sentiendum est, quia Ephraim filii nominati sunt, qui et ipsi Chananaeos, vagas et lubricas cogitationes, semper debent ejicere de animabus suis. Potest autem Deus Jebuseos et Chananaeos a filiis Ephraim projicere. Ipsum ergo Dominum deprecemur, ut ejiciens a nobis malas cogitationes, bonas inserat et dignas in Jerusalem civitati coeleste, in quibus nihil pollutam inveniatur aut sordidum quod nos in die judicii ex conscientiae cogitationibus arguat, sed inveniatur in nobis puritas cordis.

(*Ibid.*) « Habitavitque Chananaeus in medio Ephraim usque in diem hanc tributarius, » et cetera. Secundum aliam autem editionem ita legitur: « Et non perdidit Ephraim Chananaeum qui habitabat in Gazer: et habitabat Chananaeus in Ephraim usque in diem istum: donec ascendit Pharaon rex Ægypti, et cepit civitatem, et incepit eam in igne: et Chananaeos, et Pherezeos, et qui habitabant in Gazer, transpunxit, et dedit eam Pharaon in dotem filiae suæ. » (*Ex Augustino.*) Quod de Pharaone dictum est, miror si propheticæ dictum intelligere debeamus, cum haec historia illis temporibus conscripta credatur, quibus erant gesta illa recentia. Quid autem magnum eligi potuit

A quod prophetice diceretur, cum præterita narrantur, taceanturque futura majora et maxime necessaria? Proinde potius existimandum est Septuaginta Interpretes, qui auctoritate prophetica ex ipsa mirabilis consensione interpretati esse perhibentur, haec addidisse; non tanquam futura pronuntiantes, sed quia tempore illo ipsi erant, quo facta esse meminerant, et in libro Regnorum legerant, regum temporibus hoc factum esse (*III Reg. ix.*). Quod ideo credibilis nobis visum est, quoniam inspicimus interpretationem quae est ex Hebreo, et hoc ibi non invenimus: sicut nec illud quod dictum est de Jericho quod qui eam reparasset, incurreret maledictum quod dixerat Jesus. Sic enim scriptum est: « Et adjuravit Jesus in die illa: Maledictus homo qui resuscitat et ædificabit civitatem illam. In primogenito suo fundabit eam, et in novissimo suo imponet portas ejus. » Hucusque invenitur in interpretatione ex Hebreo. Illud autem quod sequitur: « Et ita fecit Oza, qui ex Bethel in Abiron primogenito suo fundavit eam; et in Segub novissimo imposuit portas ejus (*III Reg. xvi.*) ; » hoc illic non legitur. Unde apparet a Septuaginta interpositum, qui factum esse neverant. (*Ex Adamantio.*) Chananei tertio dicti sunt esse in filiis Ephraim. Si enim diligentius observemus quomodo tertio dicuntur esse Chananei cum filiis Ephraim, et Domino præstante poterimus investigare ordinem dictionum quid ex hoc in primo, quid in secundo, quid in tertio factum refertur. Puto quod non erimus increduli, quia vere haec, non ut sola nobis rerum gestarum narratio traderetur, scripta sunt, sed sacramentis divinis Deoque dignis repleta. Primo ergo dictum est quia non perdidit Ephraim Chananeum qui habitabat in Gazer, sed habitabat Chananaeus in Ephraim usque in hodiernum diem, et factus erat sub tributo servus. Ascendit quoque rex Ægypti Pharaon, et accepit civitatem, et incendit eam igni, et Pherezeos qui habitabant in Gazer trucidavit, et dedit eam in dotem filiae suæ. Secundo: Et factum est, inquit, quoniam invaluerunt filii Israel, et fecerunt Chananeos subjectos, exterminatione autem non exterminaverunt eos. Tertio, quando contradixerunt viri de tribu Ephraim Jesu, volentes secundum numerositatem suam, quia plurcs erant, et validiores etiam accipere sortem: et jubentur ascendere in salutem, et sibi ipsis ampliorem locum facere. Ut possint latiora spatia occupare, jubentur exterminare Chananeum. Videamus ergo quid sibi videatur de Chananeis tripartita narratio. Primo Chananeus nobiscum quidem est, et sub tributo est; non est tamen obediens nobis, neque servus. Secundo etiam servus efficitur, et obediens. Chananeum hic carnem nostram accipiamus, vel ea quae carnis sunt: haec primo nobiscum est, hoc est animæ, adjuncta, sed noua est ei obediens, nisi tantum quod tributa dispensat; et ministerium quidem exhibet agendi aliquid vel inovendi; concupiscit tamen adversus spiritum, et non est obediens animæ, sed suis desideriis cedit.

Si vero jam aliquantum profecerimus, efficitur nobis caro servus, et obediens ac parens animæ nostræ profectus, cum sibi carnem et obedire et servire fecerit. Tertius vero est quod perfectum est; si enim jani veniamus ad perfectum, etiam exterminandus a nobis dicitur Chananæus, et morti tradendus. Quomodo autem in nostra carne completur, audi Apostolum dicentem: « Mortificate autem membra vestra quæ sunt super terram, fornicationem et immunditiam (*Col. iii.*), » et cætera quæ sequuntur. Et iterum dicit: « Qui autem Christi sunt, carnem suam crucifixerunt cum peccatis et concupiscentiis suis (*Gal. v.*). » Sic ergo tertio, hoc est, cum ad perfectionem venimus, et membra nostra mortificamus ac mortem Christi in corpore nostro circumferimus, exterminamus a nobis Chananæos. Sed et illud non otiose prætereundum est quod dicitur Pharaon mississe et accepisse Gazer civitatem, in qua Chananæus habitat cum Ephraim, et dedisse eam in dotem filiæ suæ. Gazer autem interpretatur constructio. Si ergo corpus et anima una atque eadem constructione habitent, id est, conjunctæ sibi invicem et sociæ, ita ut et anima carnaliter vivat, et non festinet anima velocius sibi obedientem et subditam facere carnem, vereadum est ne forte véniat Pharaon ex Ægypto, et captivam ducat infelicem animam, ita ut eam tradat felice suæ in dotem. Si enim consideres illud quod dixit apostolus Paulus (*Rom. vii. 23*), exsurgere aliam legem in membris nostris, et captivos ducere nos in legem peccati, invenies quomodo ille Pharaon, qui est auctor et rex peccati, animam quæ carnaliter vivit in dotem conscripsit.

### CAPUT VIII.

*Sermones filiorum Joseph ad Josue, et responsio ejus ad eos.*

(CAP. XVII.) « Locutique sunt filii Joseph ad Josue atque dixerunt: Quare dedisti mihi possessionem sortis et funiculi unius, cum sim tantæ multitudinis, et benedixerit mihi Dominus. Ad quos Josue ait: Si populus multus es, ascende in silvam, et succide tibi spatia in terra Pherezæi et Raphaim, quia angusta est tibi possessio montis Ephraim, et reliqua. Filii vero Joseph quæstionem movent de hæreditate majore; sortem requirunt, dicentes ad Jesum: Quare nobis dedisti in hæreditate sortem et pedaturam unam? Ego autem populus multus, et Dominus me benedixit. Si ergo et nos populus multus sumus, et benedixit nos Dominus, audiamus ab Iesu: Populus multus, ascende in saltum, et munda tibi ipsi, et para tibi locum in terra, et purga Pherezæos et Raphaim. Necesse est nos ejicere Pherezæos. Invenimus autem Pherezæos interpretari fructificationem. Sed sicut saepè jam diximus de aliis omnibus, et in hoc duplex est interpretatio. Est enim fructificatio bona et fructificatio mala, sicut in Evangelii designatur, « quia arbor bona bonos fructus facit (*Matth. vii.*)». Oportet ergo nos expellere quidquid non bene fructificat, et abscidere fructus

A peccati, et purgare fructus justitiae. Sed et Raphaim, inquit, expelle, vel potius expugna de te. Raphaim invenimus interpretatum resolutæ matres. Est et in anima nostra virtus quedam quæ parit sensum, et velut mater est eorum sensum vel intellectum qui procedunt ex nobis, secundum quod dicitur in sacramento de anima quasi de muliere: Salva erit autem per filiorum generationem, si permanserit in fide et veritate (*I Tim. ii.*). Ista ergo mater, hoc est, ista virtus, animæ illi in qua fortis et valida ac robusta generatio generat sensus validos et potentes, et qui superari a contradicente in te non possunt. In aliis autem virtus ista resoluta est et remissa, quæ indicatur ex sensibus, cum languidi quidam referuntur et inepti, et nihil in se fortitudinis continent. Hoc ergo significatur sub nomine Raphaim: et hujuscemodi de nobis matres remissas esse, quæ sensus ineruditos et inutiles pariunt. Et bene servavit spiritalis intelligentiae proprietatem, nec est (dixit) exterminandum bellicum Chananæum. Sed quid respondit illi Jesus? Si populus multus es, et virtutem habes, non erit tibi sors una, quia saltus est tibi, et mundabis eum. Vides quia ad nostram spiritalem intelligentiam dicitur, ut et mundanus silvam quæ inutilis est, et excidentes inutiles atque infructuosas ex nobis arbores, faciantur ibi novalia, quæ semper innovemus, et ex quibus fructum capiamus tricesimum, et sexagesimum et centesimum. An non eadem nobis et Evangelii sermo denuntiat dicens: « Ecce securis ad radices arborum apposita est. Omnis ergo arbor quæ non facit fructum bonum, excidetur et in ignem mittetur? » (*Matth. iii.*) Hæc prioribus nostris Nave filius præcepit Jesus de infructuosis arboribus excidendi; hæc nobis Dominus Jesus in Evangelii mandata describit. Et quomodo non verum est quod umbra præcessit, et veritas subjecta est? Hoc autem quod addidit dicens: « His si emundaveris, inquit, silvam, et erit tibi cum exterminaveris Chananæos. » Diximus jam superius quomodo nobiscum positus Chananæus primo tributa dependit, secundo obediens efficitur ac subjectus, tertio vero in membrorum nostrorum mortificatione etiam exterminari dicitur. Quæ si recte intelligimus, et donaverit nobis Dominus per gratiam suam hæc ita intelligere, sit aliquid operæ pretii hæc de secretis et absconditis in publicum produxisse, et venisse ad agnitionem nostram quæ servabatur obiecta, et conemur, secundum hæc quæ diximus, Chananæum qui nobiscum est, citius subjecere nobis et obedientem facere: quia si dimittimus eum et negligimus, veniet Pharaon rex Ægypti, et incipiet locum nostrum in dotem filiæ sua dare, et captivos nos tradere legi peccati. Sed absit hoc ab Israëlitica nobilitate, ut serviat filiæ Pharaonis Israëlita; quem jam Deus eduxit de terra Ægypti, iterum serviat illi, qui in mari Rubro submersus est, Pharaoni. Observemus ergo, sicut et hic dicit Jesus, ut prævaleamus nos contra Chananæos; ne si forte super nos illi invaluerint, et obli-

B dinis continent. Hoc ergo significatur sub nomine Raphaim: et hujuscemodi de nobis matres remissas esse, quæ sensus ineruditos et inutiles pariunt. Et bene servavit spiritalis intelligentiae proprietatem, nec est (dixit) exterminandum bellicum Chananæum. Sed quid respondit illi Jesus? Si populus multus es, et virtutem habes, non erit tibi sors una, quia saltus est tibi, et mundabis eum. Vides quia ad nostram spiritalem intelligentiam dicitur, ut et mundanus silvam quæ inutilis est, et excidentes inutiles atque infructuosas ex nobis arbores, faciantur ibi novalia, quæ semper innovemus, et ex quibus fructum capiamus tricesimum, et sexagesimum et centesimum. An non eadem nobis et Evangelii sermo denuntiat dicens: « Ecce securis ad radices arborum apposita est. Omnis ergo arbor quæ non facit fructum bonum, excidetur et in ignem mittetur? » (*Matth. iii.*) Hæc prioribus nostris Nave filius præcepit Jesus de infructuosis arboribus excidendi; hæc nobis Dominus Jesus in Evangelii mandata describit. Et quomodo non verum est quod umbra præcessit, et veritas subjecta est? Hoc autem quod addidit dicens: « His si emundaveris, inquit, silvam, et erit tibi cum exterminaveris Chananæos. » Diximus jam superius quomodo nobiscum positus Chananæus primo tributa dependit, secundo obediens efficitur ac subjectus, tertio vero in membrorum nostrorum mortificatione etiam exterminari dicitur. Quæ si recte intelligimus, et donaverit nobis Dominus per gratiam suam hæc ita intelligere, sit aliquid operæ pretii hæc de secretis et absconditis in publicum produxisse, et venisse ad agnitionem nostram quæ servabatur obiecta, et conemur, secundum hæc quæ diximus, Chananæum qui nobiscum est, citius subjecere nobis et obedientem facere: quia si dimittimus eum et negligimus, veniet Pharaon rex Ægypti, et incipiet locum nostrum in dotem filiæ sua dare, et captivos nos tradere legi peccati. Sed absit hoc ab Israëlitica nobilitate, ut serviat filiæ Pharaonis Israëlita; quem jam Deus eduxit de terra Ægypti, iterum serviat illi, qui in mari Rubro submersus est, Pharaoni. Observemus ergo, sicut et hic dicit Jesus, ut prævaleamus nos contra Chananæos; ne si forte super nos illi invaluerint, et obli-

nuerint nos, de Israelitis Chananeos faciant nos, si-  
cut et ille effectus est quæ superaverat carnis ille-  
cebra, cai dicitur a propheta Daniel : « Semen Chana-  
nean et non Juda, species seduxit te (Dan. xvi). » Non ergo eveniat nobis andire, « semen Chanaan, » quia maledictus Chanaan puer servus est fratribus suis.

## CAPUT IX.

*De eo quod Josue misit milios ad metiendam terram Chanaan et describendum eum juxta numerum uniuscujusque multitudinis : quam ipse divisit in septem partes, et tradidit filiis Israël in possessionem singulis secundum sortes suas.*

(CAP. xviii.) « Congregati sunt omnes filii Israël in Silo, ibique fixerunt tabernaculum testimonii, et fuit eis terra subiecta. Remanserunt autem filiorum Israël septem tribus, quæ needum accepérant possessiones suas; ad quos Josue ait : Usquequo marcelis in ignavia, et non intratis ad possidendum terram quam Dominus Deus patrum vestrorum dedit vobis ? Elegite de singulis tribus tenuis viros, ut mittam eos, et pergant, atque circumeat terram, et describam eam juxta humerum uniuscujusque multitudinis, referantque ad me quod descripserint. Dividite vobis terram in septem partes. Juda sit in terminis suis ab australi plaga, et domus Joseph ab Aquilone : medium inter eos terram in septem partes describite. Huc venietis ad me, ut coram Domino Deo vestro mittam vobis hic sortem, quia non est inter vos pars Levitarum : sed sacerdotium Domini est eorum haereditas. Gad autem, et Ruben, et dimidia tribus Manasse jam accepérunt possessiones suas trans Jordanem ad orientalem plagam, quas dedit eis Moyses famulus Domini, et reliqua. In constudine quidem hominum, cum aliquid sorte dividitur, fortuit videtur sors illa ad illum, vel alia ad aliud edere. In Scriptura autem sacra non ita est : et aliquoties quærebam apud memetipsum si de re tanta ac tali patres sancti sortibus judicium commisissent. Quod si esset apud sanctos ita gestum, jam de aliis hominibus vel gentibus nihil mirum videres, si nihil haberetur eximium in his quæ a sanctis dicuntur sorte divisa. Sed videamus si forte in Scripturis aliiquid inveniamus esse positum quod nobis quid virtutis contineatur in sortibus manifestet. Incipiamus ergo a Levitico, ubi scriptum est : « Et accipient, inquit, duas sortes, sors una Domino, et sors una apopompæ, » hoc est, transmissori : « et super quemcunque venerit sors apopompæ, accipient hircum illum, abducent in locum eremi vivum, et dimittent illum in dimissionem suam : alium vero hircum immolabunt Domino (Levit. xvi), » et reliqua quæ ibi sunt, quæ utique sciunt qui legunt. Et iterum ibi Meyses divisit sorte tribui Ruben, et tribui Gad, et dimidia tribui Manasse quæ poposcerant trans Jordanem, accipere terram illam quam poposcerant filii Israël. Dedit autem ipse Jesus, secundum præceptum Domini, Caleb filio Jephone, et tribui Iuda sortem. Dedit autem Ephraim et illi quæ

A supererat tribui Manasse, et post hæc congregavit in ecclesia filios Israël et dixit : Mittam sortem, et proferam in conspectu Domini, si prius describentes terram, et tuleritis mihi descriptionem ejus. Et ita post hæc sortibus missis haereditas populo Dei distribuitur ; et agitur sors ista, non fortuitu, sed secundum hoc quod prædestinatum est a Deo. Denique tribus Benjamin primam ibi accepit sortem ubi erat Jerusalem, post hæc tribus Simeon secunda, post hæc Issachar, deinde Zabulon, deinde Aser, post hæc etiam Nephthalim, deinde Dan; in quibus nevisissime veniunt tres illæ tribus quæ ex concubinis descederant Jacob. Quæ ergo ratio sortium apud memetipsum requirebam, ut ex multis testimoniis Scripturarum quod latebat agnoscarem. Invenieam sanc*t*is in Scripturis etiam gentiles homines usos eae sortibus. Hinc cum navigaret Jonas, et tempestas urgeset; aiunt namque illi qui navigabant : « Mittamus sortem, et sciamus cujus causa hæc tanta malitia (Jonas 1), » quasi sors testum valeret ut prodere posset cuius causa periodum navigantibus immiceret. Quamvis gentiles essent et alieni a cognitione Dei, non tamen hac opinione falluntur, sed quod verum erat prodidit eis sors super Jonam. Quæreas ergo de his invenio et Salomonem in Proverbiis dicentem : Contradictiones colibet sors, et interpotentes definit (Prov. xviii), » veluti cessare ostendens contradictiones ubi mittitur sors. Sed cum hæc in Veteri Testamento non pauca referri de sortibus inveniorem, converti me etiam ad Novum Testamentum, ut videarem si forte vel ibi contemnuntur sortes, aut num ibi quidem earum usus alibi dicitur; et invenio quod aliquando cum decesset numero apostolorum unus, et esset necessarium in locum Jude alium subrogari, convenientes apostoli (qui utique multo sapientiores erant quam hi qui nunc episcopos, vel presbyteros, vel diaconos ordinant) et elegerunt duos, et statuerunt in medio, nec tamen de his sibimetipsis judicium permiserunt, ut illum facerent quem ipsi voluisserint ; « sed orantes, inquit, miserunt sortem, » ut ex illis duobus quos statuerant in conspectu Dei, id est, Joseph qui vocabatur Barnabas, qui cognominatus est Justus, et Mathiam. « Cecidit, inquit, sors super Mathiam, et annumeratus est cum Christi apostolis (Act. 1). » Præcedente namque ratione, non jam casu sed prudentia sors divinum judicium deferebat. Sed adhuc quærebam in Novo Testamento si sors in Christo vel in Ecclesia nominatur, vel in rebus mysticis quæ ad animam pertinere videantur. Invenio Paulum ad Ephesios scribentem, dicere de Christo : « In qua, inquit, sorte vocati sumus, prædestinati secundum propositum ejus qui omnia operatur secundum consilium voluntatis ejus, ut simus in laudem glorie ejus qui ante speravimus in Christo (Eph. 1); » sed ad Colossenses hæc scribentem : « Gratias agentes Deo Patri, qui idoneos nos fecit in partem sortis sanctorum in lumine (Col. 1). » Tam multis ex Scripturis sanctis de commemoratione sortium testimoniis congregatis, quo ex multorum loco-

rum consideratione virtutem rei possimus diligentius apprehendere, mihi quidem ex his omnibus vel evidens adhuc sensus ad liquidum patere non potuit, vel etiam de re tanta enuntiandi et proferendi animi metus insedit. Illud autem, in quantum res patitur, contigisse sufficiet, quod nobis ab apostolis sors dicta designat; quia ubi fide integra ac oratione praemissa sors dicitur, ea quae Dei voluntas continet in occulto sors hominibus declarat in manifesto. Secundum interiorem vero intellectum, sicut Paulus videtur indicare cum dicit: « In parte sortis sanctorum in lumine, et sorte vocatis in Christo, » videntur est ne forte non solum hominibus sed et in supernis virtutibus sors agitur; et praesideat aliqua virtus huic officio, quae verbi causa Iesu filio Nave nunc sorte haereditatem distribuendi, non aliquam gratiam, sed secundum hoc quod scit placere Deo, ducatum praebeat sortis, et illi quidem faciat evenire quae prima sunt, quem scit apud Dominum primum locum tenere, ut hoc quod in occultis apud Denm habetur, sortis gubernatione etiam hominibus demonstretur: alium vero facere secundi loci, et alium tertii. Quod non solum in terris arbitror, verum etiam in coelestibus; et hujusmodi sorte quae apud Domini meritorum contemplatione distinguitur, etiam illo tempore habeatur; cum dividerit Excelsas gentes, et disseminaverit filios Adam (*Deut. xxxii*), et constituerit filios gentium secundum numerum angelorum Dei; et facta est portio Domini Jacob, funiculus haereditatis ejus Israel. Vides ergo et hic partem et funiculum Domini Israel dicit esse sortem. Nunc ergo fortuito arbitrandum venisse sortem illi quidem angelo gentem illam suscipere, verbi gratia Aegyptiorum: alii autem angelo, Idumaeorum, Moabitarum; et alii Indiana vel unquamque nationem earum quae sunt super terram. Sed et ibi etiamsi secundum numerum angelorum Dei dicantur sorte gentes istae divise, tamen illa sors, sicut in hominibus diximus, quia Dei judicium quod in occulto est sors pandit in publico, ita etiam ibi fuisse credendum est, ut pro merito et virtute unusquisque angelus etiam et illam gentem in divisionem suscipere. Et quid dico de magnis et de generalibus rebus, cum ne per singulos quidem nostrum, absque hujusmodi sorte quae Dei judicio dispensatur, evenire dicendum est? Verbi causa, ut alias quidem nostrum talem vel talem vitam novitate sortitur; vel certo illud quod erga homines geri ex Scripturis sanctis sepe docuimus, quod et boni angeli adsint hominibus, et contrarii; quod utique fortuito et absque judicio sit ille angelus illius animae, verbi causa, et Petri custos fortuito sit, et alias Pauli, vel alias unius infantis de Ecclesia, de quorum angelis dicit Dominus « quia semper vident faciem Patris, qui in coelis est (*Act. xii*); » de quibus utique dubitandum non est quod judicio Dei, qui vel illorum dignitate vel nostrae animae aliquid perspicit, et qualitatem uniuscujusque nostrum et custodium sortitur, sorte quadam mystica Christi dispensatione di-

A recta. Ego autem, in quantum ad opinionem meam spectat, puto audenter dicendum etiam de his virtutibus quae mundi hujus ministeria suscepereunt, quod non fortuit vel casu illa virtus vel illa terrae laboribus et germinationibus prosit, illa fortius fluminum fluenta subsicenter exhibeat, alia imbrum, alia ventorum, alia marinis, alia autem terrestribus animalibus singulis quibusque a terra gignentibus praesit: et esse in his singulis sacramenta ineffabilia divina dispensatio, ut ordini suo cuncta et competenti per unamquamque virtutem dirimantur officio. Sic enim et Apostolus dicit: « Nonne omnes ministratorii sunt spiritus, in ministerium missi proper eos qui haereditatem capiunt salutis? » (*Hebr. i.*) Ad horum igitur imitationem credendum est etiam his Scripturarum auctoritate referre sortes, et duci per Jesum haereditatem, et per unamquamque tribum divina dispensatione decerni; et per ineffabilem providentiam Dei a presentibus in his sortibus adumbrari, futurae haereditatis portio expleatur. Quoniam quidem lex umbram dicitur habere futurorum bonorum, et sicut dicit Apostolus de his qui ad Dominum Jesum Christum venerunt, quia « accessistis ad Sion montem, et civitatem Dei viventis Jerusalem coelestem (*Hebr. xii*). » Est aliqua in coelis civitas quae dicitur Jerusalem et mons Sion. Non est utique hoc sine causa quod Benjamin in sorte sua accepit Jerusalem et montem Sion. Quia coelestis illius Jerusalem ratio sine dubio hoc exigebat, ut jam aliqua Benjamin dari deberet Jerusalem terrestris, quae illius coelestis figuram servat ac formam. Similiter autem de Benjamin dicendum est quod certa aliqua ratione in Iudea sorteni decernitur, vel Hebron, vel aliae singulæ civitates singulis quibusque tribubus conscribuntur, nisi quia illa coelestia loca in quibus Jerusalem et Sion memoratur esse, sine dubio et cetera quae his vel vicina vel conjuncta sunt loca, hoc in se causa et ratione continebant in coelis quod sorte distribuendo figurabatur in terris. Hinc ergo est quod dispensavit divina sapientia nomina quædam locorum scribi in Scripturis, quae mysticam quamdam interpretationem contineant, per quae indicatur vobis qui haec cernitis, quibusque rationibus, et non casu vel fortuitu fieri dispensentur. Si enim est putandum quod fortuitu acciderit, verbi causa, ut ille angelus Michael vocaretur, alias vero Raphael; et, ut ad humana descendam, sicut non fortuitu, ut ille patriarcha Abraham vocaretur, et ille Isaac, et alius Israel; sed ne in feminis quidem casu accidit, sed certe divina ratione, ut illa Sara vocaretur ex Sarai, et ille Israel ex Jacob vel certe Abraham. Et ut certum est quod unusquisque angelorum vel hominum ex his quae sibi injunguntur officiis et actibus etiam nomina sortiuntur, ita consequens est etiam loca quædam esse coelestia et civitates, sicut coelestis dicitur Jerusalem et Sion; esse etiam alias quarum typum et imaginem istae quae in terris sunt continent, quae nunc in hac Scriptura mystice nobis per-

Jesum Nave filium designantur. De ipsis puto civitatibus dictum : « Edificabuntur civitates Judee, et habitabunt ibi, et haereditabunt eam ( *Psalm. lxxviii.* ). » De ipsis etiam Dominus et Salvator dicit, « quia multæ mansiones sunt apud Patrem meum ( *Joan. xiv.* ); » et de ipsis credendum est civitatibus servilli qui bene negotiatuſ fuerit Dominum dicere : « Habe potestatem supra decem civitates ( *Luc. xix.* ), » et alii supra quinque. Haec de divisione sortium terræ Judee proferre ad vos, in quantum fas fuit, ausi sumus Scriptura provocante, quæ Jerusalæ dicit cœlestem, et montem Sion, et similiter cetera quæ scripta sunt esse in cœlis, quæ nobis occasionem dederunt sentire de his omnibus quæ mysteria in his cœlestia describuntur.

(Isid.) « Et Amorrhæus permansit ut habitaret in Elon, et in Salumin : et gravata est manus Ephraim super eos : et facti sunt illis tributarii. » (Ex Augustino.) Illoc jam contra Domini præceptum flebat, et adhuc vivebat Jesus, sed dux eorum in illis præliis jam pro senectute non erat. Propter hoc dictum est, a Domino factum est ut confortaretur cor illorum, qui simul conspiraverunt ire in bellum contra Jesum, ne ista illis misericordia præberetur, etiam contra Dei præceptum, si remansissent non expugnati, et senescente Jesu, sive defuncto, relinquenter expugnandi filii Israel qui eis contra præceptum Domini possent parcere, quod ille non faceret. ( Ex Adamantio. ) Amorrhæus interpretatur amarus vel amaritudo. Habitantes ergo in Elon, quæ interpretatur pax, pacifici permanent, et habitant amaritudines in arietantibus et pacificeis. Arietantes sunt hi qui, in agone positi, expugnare diabolicas tèdes et destruere conantur; pacifici vero, qui in carnalibus concupiscentiis superati pacem animæ egerint : in utrisque tamen perseverare contendit contraria virtus amaritudinis et persistere; in quo tale aliquo intelligere possimus, quia dicit, permanet Amorrhæus in ipsis. Verbi gratia, si inimica virtutis dæmonis ex amaritudine turma veniens obsideat alicujus corpus, perturbat et hebetat ruentes, adhibentur autem multæ orationes aut multa jejunia, multæ exorcistarum bonæ manus impositions. Sed adhibita sibi ex Dei nominis invocatione tormenta manuſ pati quam discedere ab homine quem impudenter obſidet et nequiter: ita etiam hic intelligentum est in istis qui dicuntur Amorrhæi, qui permanent et persistunt habitare in Elon et in Salumin. Et ut vere ostenderet Scriptura quia perferentes poenas et flagella persistunt, dicit: Et gravis facta est manus Ephraim super Amorrhæos. Quibus autem gravis efficitur manus Ephraim super Amorrhæos, vel exorcistarum ut diximus, manus impositione imposta, gravari dicitur super immundos spiritus manus Ephraim vel boni actus, vel bona opera gravantia afflignant dæmonum genus, contrariasque virtutes. Quanto enim nos meliora gerimus, et quantum in optimis conversamur, tanto illis hæc molesta efficiuntur et gravia. Gratum vero illis est et accep-

A tum, et voluntatem eorum quo summo lo exhibet qui intra bebetudinem et flagitiis vivit. Qui vero in bonis actibus manuum suarum gravaverit super eos, etiamsi penitus eos expellere non potuerit, certe tributarios eos facit et subjectos.

#### CAPUT X.

*De eo quod dederunt filii Israel possessionem Josue filio Nun in medio sui, juxta præceptum Domini.*

(Cap. xix.) « Dederunt filii Israel possessionem Josue filio Nun in medio sui, juxta præceptum Domini, urbem quam postulavit Thammath Saraa in monte Ephraim, et ædificavit civitatem, habitavitque in ea, » et reliqua. ( Ex Adamantio. ) Quantam mansuetudinem et humilitatem beati Jesu, qui dignus erat ferre nomen Jesu Domini et Salvatoris

B nostri, declarat; ait enim: Dederunt enim, inquit, filii Israel sortem Jesu filio Nave in semetipsis præcepto Domini: dederunt civitatem quam petivit Thammath Saraa, quæ est in monte Ephraim; et ædificavit civitatem, et habitavit in ea. Ipse est qui dedit haereditatem omnibus filiis Juda, qui dedit Ephraim et dimidia tribui Manasse; ipse dedit magnifico illi Caleph filio Jephone haereditatem; ipse misit ternos per singulas tribus, qui universam terram peragrarent atque describerent, et ostenderent sibi; ipse misit omnibus sortes, et se in novissimis reservavit. Quare putas voluit omnium esse novissimus? Sine dubio ut esset omnium primus. Et nec ipse sibi haereditatis sortem presumpsit, sed a populo accepit; et illi dat populus hereditatem, a quo ipse acceperat; sic enim scriptum est: Et dederunt filii Israel sortem Jesu filio Nave. Sed figurâliter contingebant illis quæ nobis proponuntur ad formam, ut et nos servemus præceptum illud quod et iste opere implevit, quod dicitur: « Quanto magnus es, tanto humilia te magis apud Dominum, et inveneries gratiam ( Eccli. iii. ). » Et iterum scriptum est: Si te ducem ordinaverint, ne extollaris, sed esto inter eos quasi unus ex ipsis ( Eccli. xxxii. ). Vide ergo quomodo duxerat populum, ipse qui eos introduxerat in terram sanctam, in terram re-promissionis: ipse erat successor Moysi, et non ipse sumere permisit sortem terræ, sed exspectat ut accipiat portiunculam. Dignus Jesus hoc nomine ædificat locum ipsum quem accepit, et construit eum, ut vere dignum faciat munere Dei et haereditate divina. Sed quoniam ad Dominum et Salvatorem nostrum ea quæ de Jesu scribuntur referre consuevimus, fortassis etiam noster omnis hic populus dat aliquam portionem meo Domino Jesu, et velut locum quemdam habitationi ejus tribuit. Sed ne injuriosum videatur esse quod dicitur, requiramus quomodo ei damus nos servi habitationis locum. Ego si possum bonus fieri, dabo locum Filio Dei in me; et acceptum a me locum in anima mea Dominus Jesus ædificat, et facit in eo muros inexpugnabiles et turres excelsas, ut ædificet in me mansionem, si mererer, dignam se et Patre: et ita adorinet animam meam, ut capacem eam suæ sa-

pientiae et totius sanctitatis efficiat : in tantum ut A etiam faciat secum intrare, et in ea facere mansio- nem, et coenare etiam apud talem animam cibos quos iste donaverit. Videamus ergo quis est iste lo- cus in quo caput habitare Jesus : In monte, inquit, Ephraim, hoc est, in monte fructifero. Qui putas sunt in nobis montes fructiferi in quibus habitat Jesus? In illis profecto in quibus sunt fructus Spiritus sancti, gaudium, pax, patientia, charitas (Gal. v.), et ceteri in quibus sunt montes fructiferi qui fructus Spiritus afferunt, et mente ac spe excelsi sunt. Et licet pauci esse tales possint, tamen si vel pauci fuerint, in ipsis habitans Dominus Jesus, qui est lux vera omnium, emitte radios suos lucis suae, etiam super reliquos omnes, quos nondum sub ha- bitaculo principaliter induxit. Nunc ergo videamus quae sunt machærae petrinæ quibus circumcidit Jesus filios Israel. Sed oretis pro nobis ut sermo noster vivens sit et efficax, et acutior super omnem machæram, prestabit et nobis Jesus Dominus ut verbum Dei quod loquimur ad vos circumcidat omnem immunditiam, resecet impuritatem, excidat vitia de actoribus, et amputet omne quo vis mentis et efficacia naturalis obtegitur; et sic per verbum Dei, quod nunc machæra petrina dicitur, circumcidemini ab Iesu : et audietis quia hodie abstuli opprobrium Ægypti a vobis. Quid prodest exisse de Ægypto, et nobiscum opprobria Ægypti circumforre? Quid enim prodest ambulare per erenum? hoc est, quid nos adjuvat in baptismo sœculo renuntiasse, et morum nostrorum pristinas sordes ac vitiorum carnalium immunditias obtinere? Oportet ergo post egressio- nem Rubri maris, id est, post gratiam baptismi, au- ferri etiam a nobis carnalia veteris consuetudinis vitia per Jesum Christum Dominum nostrum, ut ita demum Ægyptiacis carere possimus opprobriis. Ponuntur ergo illæ ipse machæra et cultri lapidei, quibus secundo circumcidimur ab Iesu, in eodem loco quem petit Jesus et accipit; in loco quem pos- sidet in anima justi, in ipso recondit et machæras. Sæpe ostendimus macharam verbi Dei dictum, quo verbo absciduntur et expurgantur peccata de anima audientium. Hæc ergo virtus verbi divini reconditur in eo loco cui datur sermo scientiae et sermo sapientiae, ut opportuno tempore anima illa quæ per do- num Spiritus sancti repleta est verbo sapientiae et verbo scientiae, proferat machæras in Ecclesia, et circumcidat secundo eos qui secunda indigent cir- cumcisione. Quod autem dicit petrinæ machæras, hoc est, de saxo cultros, et non ferro artificis opere fabricatos, illico ostendit quod sermo Dei, qui cir- cumcidere auditorum cordibus immunditias potest, non est ex arte grammatica vel rhetorica veniens, neque doctorum malleis edomitus, aut studiorum cul- tibus elinatus, sed ex illa petra descendens que de monte sine manibus abscisa est, et orbem terræ complevit, et dona spiritalia credentibus tribuit.

B C D

*De urbibus fugitivorum, quæ constitutæ sunt ad de- fensionem eorum qui percusserint animam hominis nescientem et non sponte.*

(Cap. xx.) « Et locutus est Dominus ad Josue, di- cens : Loquere filii Israel, et dices : Separate ur- bes fugitivorum, de quibus locutus sum ad vos per manum Moysi, ut configuat ad eas quicunque ani- mam percusserit nescius : ut possit evadere iram proximi qui ultius est sanguinis, cum ad unam ha- rum confugerit civitatem. Stabitque ante portam civitatis, et loquetur senioribus urbis illius ea quæ se comprobent innocentem; sieque suscipient eum, et dabunt ei locum ad habitandum, et reliqua. Urbes refugii nullam melius quam sanctam Ecclesiam designare possum, ubi peccator per poenitentiam spem veniae percipit, et ubi innocens sa- lutis suæ firmam custodiām invenit. Sed quia lex distantiam facit inter eum qui voluntarie hominem interfecit, et eum qui non sponte homicidium commisit, mystice demonstrat quia si quis per invidiam aut odium murcone malitiae aliquem percusserit, et in mortem animas seduxerit, æternæ morti ipse obnoxius erit. Unde ipsa Veritas ait : Si quis scan- dalizaverit unum de pusillis istis qui in me credunt, expedit ei ut mola asinaria addatur collo ejus, et demergatur in profundum (Matth. xviii). » Et Joannes ait : Qui odit fratrem suum, homicida est; et scitis quia omnis homicida non habet vitam æter- nam in se manentem (I Joan. iii). » Hic talis ab al- tari Domini evelli jubetur, quia indignus sacramen- tis Dominicis a participatione sacri altaris merito removetur, nec revocari ad veniam nisi per condi- gnam poenitentiā ullo modo meretur. Qui autem non voto malitiæ, sed per incuriam aut ignoran- tiā aliquem læserit, habet refugii Ecclesiam, vide- licet catholicā, ubi se angustia poenitentiæ coarctans, per omne tempus præsentis vitæ bonis operi- bus studium impendens maneat. Et si spem suam in morte pontificis summi, redemptoris videlicet sui posuerit, hac sine dubio in æternum salvabitur.

(Ibid.) « Decreveruntque Cades in Galilea montis Nephthalim, et Sichem in monte Ephraim, et Chariatharbe, ipsa est Hebron, in monte Juda; et trans Jordanem contra orientalem plagam Jeri- cho, statuerunt Bosor, quæ sita est in campestri solitudine de tribu Ruben, et Ramoth in Galaad de tribu Gad, et Gaulon in Basan de tribu Ma- nasse. Hæc civitates constitutæ sunt cunctis filiis Israel et advenis qui habitabant inter eos, ut fu- geret ad eas qui animam nescius percussisset, et non moreretur in manu proximi, effusum sanguinem vindicare cupientis, donec staret ante popu- lum expositorus causam suam. » (Ex Bachiorio) Ecce habes sex refugii civitates, quas, si placet, in- gredere; ac si forte pro scientia peccatorum illas quæ sunt in terra reprobationis, hoc est in Ecclesia, intrare non audeas, est Bosor circa Jordanem in so- lidudine, quæ interpretatur angustia, id est, cellula

monasterii parva vel modica : et optime tibi conveniet, quod de sorte Ruben est, et ipse qui thorum patris sui maculavit illicite. Est et Ramoth de sorte Gad, quae interpretatur excelsa mors, vel visio mortis. Vere enim excelsa mors poenitentia esse dicenda est cum mortificatis membris deducatur homo ad excelsa celorum, unde fuerat ante delapsus. Sive juxta istam humilem mortem, qua generaliter omni carni imminet, illa ad comparationem ejus rationabiliter excelsa nominatur, quia multo nobilius est per poenitentiam mori quam communis hac morte dissolvi. Si autem visionem mortis sentire velinus, ita potest intelligi, quia cum sunus in poenitentia constituti, et ante oculos nobis ponimus inferni tormenta, videmus ipsam speciem mortis, de qua poenitentiae beneficio liberenuerunt. Donec memineris te in ancillæ filii civitate agere poenitentiam; quia omnis qui peccat servus est peccati, et formam servi accipiens, humilis te ipsum usque ad mortem. Est Gau-  
lon in finibus Manasse, quae interpretatur voluntate ; ut tu memineris tibi in cilicio et cinere esse volun-  
tandum ; et hoc in finibus Manasse, qui interpretatur oblivio, ut obliviscaris ea quae ante gessisti, et in priora te extendas. Hic ergo inhabita, ut per au-  
gustias mortis et voluntatis, iram persecutoris evadas, et spem salutis invenias. Tum deinde in his si aliquid utiliter egeris, etiam ad Cades in terra reprobationis quae est in Galilee, poteris pervenire : quae interpretatur sancta ; ut tu cum in tribulatione opus corruptionis abjeceris, etiam ad sanctam tibi Ecclesiam tribuatur accessus : ut in Neph-  
thalim sorte, qui dicitur vitis remissa, de sacra-  
mento Dominicæ sanguinis participare merearis. Sed nec Hebron tibi aditus clauditur, quae interpretatur conjunctio, sive conjugium. Revertetur enim anima tua ad virum suum, id est, ad spiritum Dei, a quo pro tempore peccatum suum fuerat viduata. Sicque etiam sextam civitatem Sichem, quam Joseph noster in hereditatem consequitur (propter quod ibi sepultus est) valebis intrare : quae interpretatur humerus, sive labor ; ut ostendas te per laborem poenitentiae ab errore tuo Christi humeris reportatum, et adjunctum nonaginta novem ovibus effectum cen-  
tesimum : quia ipsa Sibem ab alienigenis centum agnis scribitur comparata. Haec ergo civitates Levitis datae sunt, quia doctoribus sanctis commendata est Ecclesia. Et ideo senario numero comprehensæ, quia doctrinæ et morum perfectio bene convenit his qui magisterii locum tenent, ut habeant semper subiecti in prepositorum suorum conversatione atque doctrina unde proficere possint. Hinc ipse Dominus in Evangelio apostolis ait : « Vos estis lux mundi, et vos estis sal terræ. Estote perfecti sicut et Pa-  
ter vester celestis perfectus est. Sic luceat lux vestra coram hominibus, ut videant opera vestra bona, et glorificant Patrem vestrum qui in celis est (Matth. v.) » (Ex Isidoro.) Quod vero Levitæ non acceperunt hereditatem terræ, utique quia Jesus Dominus noster ipse est hereditas eorum, sicut

scriptum est : « Ego hereditas eorum, et possessio eis non dabitar in Israel (Num. xviii.) » Ego enim sum possessio eorum. Clericorum enim hereditas est possessio ob hoc se dici voluit Deus, quia ministri altaris ipsius effecti sunt et sors, propter quod et clerici sors interpretatur. Ergo Deum hereditate merito possidet qui, ut absque ullo impedimentoo deservire Deo valeat, pauper esse spiritu contendit ; ut congrue illud Psalmista dicere possit : « Domi-  
nus pars hereditatis meæ et calicis mei (Psal. xv.) » Quod vero habitacula Levitis ab Iesu per omnes tribus decernuntur, significatur ut hi qui in Ecclesia Dei scientie operam dantes, doctrinæ gratiam ad-  
ministrant, rursus ab omnibus quibus dispensant divina, terrena subsidia quae non habent recipientes, ut impletetur illud quod Apostolus præcepit, dicens : « Si nos vobis spiritualia seminamus, magnum est ut carnalia vestra metamus (I Cor. ix.) » Et merito isti in cunctis tribubus divisi dicuntur, quia dispensatione cunctorum vivunt.

## CAPUT XII.

*De filiis Leri qui postulaverunt ab Eleazaro sacerdote et de Josue filio Nun urbes ad habitandum, et suburbana earum ad alenda jumenta.*

(Cap. xxi.) « Accesseruntque principes familia-  
rum Levi ad Eleazar sacerdotem, et Josue filium  
Nun et duces cognationum per singulas tribus fi-  
liorum Israel : locutique sunt ad eos in Silo,  
terra Chanaan, atque dixerunt : Dominus præcepit  
per manum Moysi ut darentur nobis urbes ad ha-  
bitandum, et suburbana earum ad alenda jumenta.  
Dederuntque filii Israel de possessionibus suis,  
juxta imperium Domini, civitates et suburbana  
earum, et reliqua. (Ex Augustino.) Omnes filii  
Israel acceperunt sortes suas in terra, Levitis au-  
tem hereditas solus sufficit Deus. Verum quoniam  
accipiunt Levitæ primicias et decimas de fructibus a  
filii Israel per præceptum Dei, oportebat eos etiam  
de terra, ut ita dicam, et de habitaculo (hoc est  
enim ab omnibus) decimas accepisse. Et ideo ac-  
cedentes primarii viri qui erant de filiis Levi ad Elea-  
zar sacerdotem, et ad Jesum filium Nave, et ad  
principes tribuum filiorum Israel, in Scilon, in terra  
Chanaan dixerunt : « Dominus præcepit in manu  
Moysi dari nobis civitates ad habitandum, et suburbana  
earum animalibus nostris. » Oportebat ergo  
etiam de suburbanis et de civitatibus sortem fieri,  
ne forte indiscrete et fortuito inter Levitas cele-  
brata divisio videretur. Sicut ergo distributio sortis  
quae facta est in filiis Israel habuit rationem qua  
quis prima sorte dignus haberetur, qua et aliis secunda ; de qua ut potuimus jam ante tractavimus,  
sed et hi qui per Moysen ultra Jordanem, et ab Iesu  
in terra reprobationis accipiunt, ubi prima sors ce-  
cidit in Benjamin, et postmodum inter ceteros, in  
quibus fuit ultimus Dan ; ita necesse est esse ali-  
quam rationem etiam in ordine sacerdotalis et Le-  
vitice sortis, ut alii prima, alii secunda, alii vero  
tertia sors ducatur, per quas illa vel illa loca uni-

eiique decernuntur. Dicatur autem filii esse Levi, Gerson, et Caath, et Merari, et ostenditur primatum tenuisse in honore Caath, hoc est, qui filii Caath fuerunt ex Amram. Nam de eo Moyses, et Aaron, et Maria. Igittur de Caath pars quidem plebs effecta est sacerdotalis, quae est Aaron et filii ejus. Moyses autem aut in sacerdotali ordine, aut si quid etiam amplius a sacerdotali esse potest, habendus est. Alia vero est ratio de filiis ejus. Cæterum autem ex filiis Caath secundum tenuerunt in tribu Levi, si qui sunt ex Issachar, et Hebron, et Odiel. Tum deinde post hoc accipiunt partem propter Caath, e filiis Gerson tertio loco, novissimus vero omnium Merari. Hæc est autem differentia primi ordinis, secundi, et tertii, vel quarti, quam primo omnium observavimus in numeris: postea enim quam ordinatae fuerant duodecim tribus per quatuor orbis terræ partes circa arcam testamenti Domini excubias agere: et statutæ sunt tres quidem tribus ab oriente, et tres quidem ab Africo, et meridiano, tres autem ad mare quod est ad occidentem, tres vero ad aquilonem, qui est septentrio: ubi etiam isti per quatuor orbis terræ parties eodem ordine deputantur, et ab oriente quidem, ubi erat tribus Juda, quæ erat inter cæteros prima; Aaron atque filii ejus collocantur: Caath vero et reliqui qui erant filii arcam testamenti Domini levare in humeros et tubis canere statuantur; ita ut cum prima tuba cecinisset, moverent castra bi qui erant ab oriente; cum vero secunda cecinisset, hi qui erant a meridiano consurgerent; tertia ab occidente, quarta ab aquilone. Vides quantus ordo et quanta differentia in Scripturis et rerum consequentia describitur, quomodo nihil nisi cum moderatione et ordine geritur. Intuere diligentius, et in omni Scriptura hæc ita invenies ordinata. Sed si tibi difficile est per omnes libros vigilantem cordis orulum ducere, in hoc saltem loco diligentius quæ referuntur adverte. Prima, inquit, exit sors Caath, et facta est filii Aaron sacerdotibus qui erant in Levitis. Cui prima sors debuit exire, cui oportebat primatum dari, nisi Aaron primo pontifici, primo in vita meritis, primo in honoribus et virtute? Certum est apud nos nunc saltem quod non sit sors ita fortuita, sed adsit virtus superna, gubernans eam secundum divinæ providentiae judicium. Ubi ergo filii Aaron prima habitacula sors hæc justa decernit? In tribu, inquit, Juda, et tribu Simeon, et in tribu Benjamin, per sortem civitates duodecim. Vides quomodo in electis viris, et in electis tribubus habitacula dispensantur. Quos autem oportuit secundam sortem suscipere? Filios, inquit, Caath qui reliqui erant post filios Aaron. Et quas tribus ipsi accipiunt? In tribu, inquit, Ephraim, et in tribu Dan, et in dimidia tribu Manasse, civitates decem per sortem. Qui sunt autem tertii filii Gerson, et in quibus tribus sortiuntur? In Issachar, et Aser, et Nephthalim, et in dimidia tribu Manasse, quæ est in Paratide civitates duodecim. Qui sunt ultimi in Levitis? Filii, inquit, Merari isti novissimi, et in quibus

A accipiunt tribus videamus. Ex tribu, inquit, Ruben trans Jordanem, et de tribu Zabulon, qui et ipse ultimus est inter filios Iæ, accipiunt sortem civitates duodecim. Sed dum ea quæ magis observanda sunt in locis contigimus, de quibus etiamsi pandere profundiora non possumus, saltem summa quæque perstringere non pigebit, ut ex his unusquisque auditor occasionem capit intelligentiae altioris et mysticæ perquirendæ. Cum quatuor partes sint orbis terræ, Caath accipit sortem primas inter filios Levi a parte orientalis, cum illis tribubus quæ et ipsæ primatum omnium tenent. Vide ergo quomodo universa convenient. In quatuor orbis partibus certum est orientalem plagam nobiliorem videri. Et quæ nobilior omnium reliquarum Judæ tribus habeatur, et filii Aaron sacerdotes primam dicunt in primis e tribus orbis partibus sortem cum Gerson et Merari, qui erant primi inter filios Levi. Si ergo tres filii Levi accipiunt orientem; occidentem vero ubi erat Ruben et Simeon et Gad, sortitur secunda sorte Gad et tribus Simeonis. Meraris vero primum sortitur Ruben, et iterum Merari tertium in numeris ab oriente accepit Zabulon, ut justitia servetur in sorte quæ secundum Deum ducitur, et credentiam mentes ad mysterium futuri sæculi dirigat contuenda. Post hæc eorum qui ad mare erant, id est Ephraim, et Benjamin, Manasse. Gad cum suscepisset secunda sorte tribum Benjamin, cæteri ex familia ejus sortiti sunt Ephraim. Post hæc eos qui erant ex dimidia tribu Manasse, qui fuit in terra Gerson; et iterum ipse Gerson sortitur aliam dimidiâ tribum Manasse. Sed quia oportebat eos qui erant ab aquilone aliquid sacerdotalis gratiæ consequi, ne penitus nudati donis cælestibus videantur, in his ergo quorum novissimus ordo erat in aquilone, id est, in Dan, Nephthalim, Aser, rursum Gad non quidem inter sacerdotes, sed inter cæteros primam accipit sortem in Dan; secundam vero Gerson in Aser, et tertii, id est Gerson, in Nephthalim. Quis potest ascendere hæc omnia et comprehendere? Quis nieminisse saltem et observare ordinem mysteriorum valet? quod secundum litteram solam difficile textus narrationis explicari potest, et permisso vel locorum vel personarum quæ in historia continetur evolvi. Quid dicimus de his sacramentis quæ per hoc describuntur, et in quibus distributiones futuræ hæreditatis adumbrantur, et per quæ sanctæ terræ, quam manusueti hæreditate suscipient, divisio celebrabitur? Quis castrorum sedes diversas explicet? Quomodo hæc in resurrectione per singulos quosque sanctorum sacerdotali vel Levitico ordine babenda sit distributione, ut, quemadmodum dicit Apostolus, in resurrectione non confuse agantur omnia, sed veniat unusquisque in suo ordine? Initium Christus, deinde hi qui sunt Christi, qui in adventu ejus speraverunt, cum tradiderit regnum Deo et Patri, et cum subjecerit ei omnem principatum et potestatem; ubi sine dubio tales distributiones et ordines ac tubarum significaciones erunt. Quod autem, exceptis sex urb-

bus fugitivorum, alias quadraginta duas urbes Le-  
vitæ accipiunt, indubitanter ipsa prædictio sancto-  
rum signatur. Ipsi enim possident doctrinam quæ  
constat legis Decalogo, et quadrisido Evangelii nu-  
mero, quasi decies quaternas urbes habentes. Qui-  
bus etiam duæ adjiciuntur, quia nimis rurum cuncta  
quæ prædicant morali ac mystico sensu aun-  
tiant.

## CAPUT XIII.

*De eo quod omnis terra Chanaan data est a' Domino Israel in possessionem; et possederunt illam cum pace.*

(IBID.) « Deditque Dominus Israeli omnem terram quam traditurum se patribus eorum juraverat, et possederunt illam, atque habitaverunt in ea. Data- que est ab eo pax in omnes per circuitum natio- nes : nullusque eis hostium resistere ausus est, sed cuncti in eorum ditionem redacti sunt. Ne unum quidem verbum quod illis se præstaturum esse promiserat, irritum fuit, sed rebus expleta sunt omnia. » (Ex Augustino.) Merito queritur, cum Israel non solum usque ad diem mortis Jesu, verum etiam postea non eradicaverit gentes quæ terram repromissionis tenebant, quamvis ex parte illis debellatis in eadem promissa hæreditate consisterent; quomodo intelligendum sit quod dictum est : Et dedit Dominus Israel omnem terram quam juraverat dare patribus eorum, et hæreditaverunt eam, et habitaverunt in ea : et requiem dedit illis Dominus in circuitu, sicut juraverat patribus eorum ; non restitut quisquam ante faciem illorum ab omnibus inimicis eorum : omnes inimicos eorum tradidit Dominus in manus eorum ; non decidit ex omnibus verbis bonis quæ locutus est Dominus filii Israel, omnia advenerunt. Diligenter ergo universa consideranda sunt, et primum videndum quod gentium terra pro- missa sit Israelitis. Septem quidem gentes assidue videntur commemorari, sicut in Exodo legitur : « Et dixit Dominus ad Moysen : Vade, ascende hinc tu et populus tuus, quos eduxisti de terra Ægypti, in ter- ram quam juravi Abraham, et Isaac, et Jacob, dicens : Semini vestro dabo eam, et simul mittam ante faciem tuam angelum meum : et ejiciet Amorrhæum, et Cethæum, et Pherezæum, et Gergezæum, et Hevæum, et Jebuseum, et Chananæum (Exod. xxxiii). » Harum ergo septem gentium terram videtur Deus patribus promisisse. Scriptum est etiam in Deuteronomio multo expressius : « Si autem accesseris ad civi- tem expugnare eam, et evocaveris eam cum pace, siquidem pacifica responderint tibi, et aperuerint tibi, omnis populus qui inventi fuerint in civitate, erunt tibi tributarii et obedientes. Si autem non obe- dierint tibi, et fecerint ad te bellum, circumsedebis eam, et tradet eam Dominus in manus tuas : et inter- ficies omne masculinum ejus in nece gladii, præter mulieres. Et supellectilem, et omnia pecora, et omnia quæ fuerint in civitate, et omnia utensilia præda- veris tibi : et edes omnem prædationem inimicorum tuorum, quam Dominus Deus tuus dabit tibi. Sic facies

A omnibus civitatibus quæ longe sunt a te valde, quæ non sunt a civitatibus gentium istarum. Ecce autem ex civitatibus istis, quas Dominus Deus tuus dat tibi hæreditare terram eorum, non vivificabis omnem vivum, sed anathematizabis eos, Cethæum, Amor- rhæum, et Chananæum, et Pherezæum, et Jebu- sæum, et Hevæum, et Gergezæum, quemadmodum mandavit tibi Dominus Deus tuus (Deut. xx). » Et hic istarum septem gentium terram promissam in hæ- reditate, quam debellatis usque internacionem eisdem gentibus Israelitæ possiderent, manifestum est. Cæteras vero quæ longinquius extra istas gentes in- venientur, voluit fieri tributariorum eorum, si non re- sisterent; si autem resisterent, etiam ipsas intersici et in perditionem dari, exceptis pecoribus et quæ

B in prædam possent venire. Item alio loco in Deute- ronomio ita legitur. « Et erit cum inducerit te Do- minus Deus tuus in terram in quam transibitis hæ- reditare eam, et abstulerit gentes magnas et multas a conspectu tuo ; Cethæum et Gergezæum, et Anor- rhæum, et Pherezæum, et Chananæum, et Hevæum, et Jebusæum, septem gentes magnas et multas, et fortiores vobis : et tradet eas Dominus Deus tuus in manus tuas, et percuties eos, et exterminio extermi- nabitis eos. Non dispones ad eos testamentum, ne- que misereberis eorum, neque matrimonio jungamini cum eis. Filiam tuam non dabis filio ejus, et filiam ejus nou sumes filio tuo, etc. (Deut. vii). » Proinde his atque aliis Scripturarum locis sepe ostenditur harum septem gentium terras ita accepisse in hære-

C ditatem filios Israel, ut non cum eis qui easdem ter- ras tenebant, sed pro eis illic habitarent. Verumta- men in Genesi non istæ tantum septem gentes, sed undecim promittuntur semini Abrahæ. Sie enim le- gitur : « In die illa dispositus Dominus Deus testa- mentum ad Abram, dicens : Semini tuo dabo ter- ram hanc, a flumine Ægypti usque ad fluvium magnum Euphraten ; Cenæos et Cenezæos, et Chel- monæos, et Cethæos, et Pherezæos, et Rafam, et Amorrhæos, et Chananæos, et Hevæos, et Gerge- zæos, et Jebusæos (Gen. xv). » Que ita solvitur que- stio, ut intelligamus hanc præcessisse prophetiam,

D quod in eo fines regum fuerat porrecturus et dilata- turus Salomon, de quo ita scriptum est : « Et omne propositum Salomonis quod destinaverat ædificare in Jerusalem, et Libano, et in omni terra possessionis suæ ; omnis populus qui derelictus est a Cethæo et Amorrhæo, et Pherezæo, et Hevæo, et Jebusæo, qui non erant ex Israel, id est, ex filiis eorum qui resi- dui erant cum eis in terra, quos nou consummaverant filii Israel. Et subjugavit eos Salomon in tribu- tum usque in diem hanc (III Reg. ix). » Ecce resi- duia populorum debellandorum atque omnia ex Dei præcepto perdendorum subjugavit Salomon in tribu- tum, quos utique secundum præceptum Dei perdere debuit; sed tamen subjugati tanquam tributariorum possessi sunt. Paulo post autem ita legitur : « Et erat dominans in omnibus regionibus, a fluuiis

Ægypti ad fines Philisthiim, et usque ad fines

pti (III Reg. iv). » Ecce ubi impletum est quod in A Genesi (cap. xv) Deus ad Abraham loquens promittit tempore prædixerat : « a flumine » quippe hic intelligitur, ab Euphrate; magnum enim flumen in illis locis, etiam proprio nomine non addito, potest intelligi. Neque enim de Jordane hoc accipi potest, cum et citra Jordanem et ultra Jordanem jam terras Israelitæ obtinuerant, ante regnum Salomonis. Ergo a flumine Euphrate ex partibus orientis, usque ad fines Ægypti, quæ pars illis erat ab occidente, regnum Salomonis Scriptura Regnorum dixit suisse porrectum. Tunc ergo amplius subjugatum est, quam septem illæ gentes tenebant; ac per hoc tunc in servitatem redactæ sunt, non septem, sed undecim gentes. Quod enim in Regnorum libris scriptum est, « usque ad fines Ægypti, » « a flumine, » cum Scriptura ab oriente usque ad occidentem quantum porrectum esset regnum, vellet ostendere; hoc idem in Genesi cum ab occidente usque ad orientem præfimiretur, dictum est : « A flumine Ægypti usque ad flumen magnum Euphratem (Gen. xv). » Flumen quippe Ægypti, qui finis est distaminans regnum Israel ab Ægypto, non est Nilus, sed alius est non magnus fluvius, qui fluit per Rhinocoraram civitatem, unde jam ad orientem versus incipit terra promissionis. Sic ergo fuerat constitutum filii Israel, ut septem gentium terras, exterminatis et perditis illis gentibus, ipsi inhaberent; aliis autem regnarent subditis atque tributarioris, usque ad flumen Euphratem. Et quamvis in hoc Deo non obtemperassent, quia et ex illis quas exterminare deberent, obedientes aliquos fecerant, Deus C tamen temporibus Salomonis fidem suæ promissionis implevit. Nunc itaque in libro Jesu Nave quod considerare suscepimus, quomodo erit verum : « Et dedit Deus Israel omnem terram quam juraverat dare patribus eorum, et hæreditaverunt eam? » Quomodo adhuc vivente Jesu omnem terram dedit, cum etiam reliquias illarum septem gentium nondum superavissent? Nam quod sequitur : « Et hæreditaverunt eam, » verum est; quia ibi erant, ibique conseruentur. Deinde quod adjungit : « Et requiem dedit Dominus illis in circuitu, sicut juraverat Dominus patribus eorum, » verum est; quia vivo adhuc Jesu non eis quidem cedebant reliquias illarum gentium, sed nulla earum eos in terris ubi conseruerant bello lacescere audebat. Ideo dictum est et quod deinde adjungitur : Non restitit quisquam ante faciem illorum ab omnibus inimicis eorum. Quod vero sequitur : « Sed omnes inimicos eorum tradidit Dominus illis in manus eorum, » hos intelligi voluit inimicos qui obviam ire in bellum ausi sunt. Deinde quod dicit : « Non decidit ex omnibus verbis bonis quæ locutus est Dominus filii Israel, omnia advenerunt; » ita vult intelligi, quia cum jam illi contra præceptum Domini fecissent, quibusdam parcendo ex illis septem gentibus, et eos obedientes faciendo, adhuc tamen inter eos salvi erant. Ideo cum dixisset : « Ex omnibus verbis, » addit « bonis, » quia nondum advenierant maledicta contemptoribus et transgressoribus

## PATROL. CVIII.

A constituta. Restat ergo ut hoc quod ait : « Dedit Dominus Israel omnem terram quam juraverat dare patribus eorum, » secundum hoc intelligatur, quia etsi adhuc erant ex illis gentibus reliquie contendæ et exterminandæ, vel ex aliis usque ad flumen Euphratem, aut subjungandæ si non resisterent, aut perdendæ si resisterent, tamen in usum eorum reliquæ sunt in quibus exercerentur; ne carnalibus affectibus et cupiditatibus infirmi, repentinam tanquam rerum temporalium prosperitatem modeste ac salubriter sustinere non possent, sed elati citius interirent, quod opportune alio loco demonstrabitur. Omnis ergo illis terra data est, quia et illa pars quæ nondum data fuerat in possessionem, jam data fuerat in quamdam exercitationis utilitatem. Quod ait : Non resistit quisquam ante faciem illorum ab omnibus inimicis eorum, quæreri potest quomodo verum sit, cum de tribu Dan superius scriptum sit quod eos hostes eorum non permisérunt descendere in vallem, et prævaluerint eis in montibus. Sed quod diximus cum duodecim filios Jacob Scriptura in Mesopotamia natos commemorasset, ubi non fuerat natus Benjamin; hoc etiam hic intelligendum est, quia pro universo populo undecim tribus deputatae sunt, ea regula quæ aliis Scripturarum locis nobis satis innotuit. Causa autem si quæritur cur hæc tribus in ea sorte quæ illi obvenit non obtinuerit sufficietes terras, et ab eis a quibus tenebantur afflita sit, in Dei quidem secreto consilio esse credendum est. Verumtamen cum Jacob filios suos benediceret, talia dixit de isto Dan, ut de ipsa tribu existimetur ex surrectorus Antichristus (Gen. xl ix). Unde nunc plura dicere non suscipimus, cum etiam sic solvi possit hec quæstio, quia non restitit quisquam ante faciem illorum ab omnibus inimicis eorum, cum simul sub unius ducis imperio bellum gererent, antequam singulis tribibus sua defendenda dividerentur loca.

## CAPUT XIV.

*De eo quod Rubenitas et Gadditas, et dimidiā tribum Manasse dimisit Josue in possessiones suis cum pace.*

(Cap. xxii.) « Eodem tempore vocavit Josue Rubenitas, et Gadditas, et dimidiā tribum Manasse, D dixitque ad eos : Fecistis omnia quæ vobis præcepit Moyses famulus Domini : mihi quoque in omnibus obedistis, nec reliquistis fratres vestros longo tempore usque in præsentem diem, custodientes imperium Domini Dei vestri. Quia igitur dedit Dominus Deus vester fratribus vestris quietem et pacem sicut pollicitus est, revertimini, et ite in tabernacula vestra, et in terram possessoris quam tradidit vobis Moyses famulus Domini, trans Jordanem, etc. » (Ex Adamantio.) Post hæc Jesus convocat filios Ruben, et filios Gad, et dimidiā tribum Manasse, qui secum militaverant ad hostes Israeliticos superandos, et dimitti eos ire in hæreditatem suam, datis his etiam quibusdam muneribus, sicut scriptum est. In quo videtur illud in-

dicare mysterium, quod cum plenitudo gentium introiret, et quæ re promissa sunt eis a Domino Jesu ricerperent illi qui per Moysen eruditæ et instructi fuerant, et qui nobis in certamine positis auxilia orationibus et precibus detulerant; et quia nondum re promissiones consecuti sunt, exspectantes ut etiam nostra vocatio compleatur, sicut dicit Apostolus, nunc demum perfectionem quæ eis dilata fuerat consequantur, cum muneribus quæ accipiunt ab Jesu, ut unusquisque habitet in pace, omni bello atque omni impugnatione cessante. Post hæc lectum nobis est quia filii Ruben, et filii Gad, et dimidia tribus Manasse, qui erant trans Jordanem, ædificarent aram ingentem; filii vero Israel reliqui, ignorantes quare hæc ara fuisse constructa, mittunt Phinees filium Eleazar, filii Aaron sacerdotis, cum decem viris de singulis tribubus electis, ut si forte tanquam descendentes a Deo hoc fecissent, velut apostolæ effecti, et contra mandatum Dei gerentes, expugnarentur a reliquis filiis Israel; sin aliter, ut noscerent causam. Illi vero satisfaciunt de ara et dicunt: Scimus quia altare verum est, Jesus apud vos habitat; nos autem fecimus altare hoc ad similitudinem illius altaris quod apud vos constructum est, ut apud nos figura et imago veri altaris habeatur, ne forte crastino, inquit, placeat vobis dicere quia Jordanis finitus est inter nos et vos et ipse decernit, et ideo non habetis portionem in altari nostro. Hæc illis responsa miserunt. Sed videamus quid facti hujus continent sacramentum. Prior populus circumcisio nis in Ruben, qui fuerat primogenitus, designatur; sed et in Gad, qui et ipse primogenitus est ex Zelta; et Manasse nibilominus primogenitus. Quod autem dico primogenitus, secundum tempus loquor. Hæc ergo dicuntur, ne inter nos et illos qui ante adventum Christi fuerant justi, divisio aliqua ac separatio videretur; sed ut ostenderetur, etiamsi ante adventum Christi fuerant, fratres tamen nostros esse. Licet enim habuerint altare tunc ante adventum Salvatoris, sciebant tamen et sentiebant quia non esset illud altare verum, sed quia forma et figura futuri veri illius. Noverant hæc, quia vere hostiae et quæ possent auferre peccata, non illi altari offerebantur quod habebat primogenitus populus, sed in isto ubi Jesus erat. Hic cœlestes hostiae, hic vera sacrificia consummantur. Fit ergo unus grex, et unus pastor, illi priores justi, et qui nunc sunt Christiani. Volo autem ad horum probationem memoriam facere etiam historiæ cujusdam, si tamen Dominus donare dignetur ut explanationem ipsius spiritalem invenire possumus. Cadebat aliquando populus in deserto et moriebatur (*Num. xvi*). Venit Aaron pontifex, et stetit in medio eorum qui moriebantur et eorum qui vivebant, ne ultra vastatio mortis proficeret etiam inter ceteros. Venit verus pontifex meus et Dominus, et intercessit medius inter morientes et vivos, id est, inter eos qui ex Judæis suam presentiam suscepserunt, et inter eos qui non solum non suscepserunt, sed semetipsos magis quam illum occiderunt,

A dicentes: « Sanguis illius super nos, et super filios nostros (*Matth. xxvii*); » unde et « omnis sanguis justus qui effusus est super terram, a sanguine Abel justi usque ad sanguinem Zacharie, quem interfecerunt inter templum et altare (*Matth. xxiii*), » requireretur a generatione illa quæ dixit: « Sanguis ejus super nos et super filios nostros. » Sunt ergo isti pars populi, qui neque azyma, neque dies festos competenter agunt, sed conversi sunt dies festi eorum in luctum, et cantica eorum in lamentationem. Non potuerunt diem festum celebrare in loco quem elegit Dominus Deus. Et nos quidem non diximus ad illos, quia non erit vobis pars in hoc altari, vel in haereditate Domini, sed ipsi sponte sua altare verum et cœlestem pontificem refutarunt, et eo usque infelicitates eis sunt, ut et imaginem perderent, et non susciperent veritatem. Et ideo dicitur ad eos: « Ecce relinquetur vobis domus vestra deserta (*Matth. xxiii*). » Translata est enim ad gentes gratia Spiritus sancti, translatæ sunt ad gentes solemnitates, et pontifex, non imaginarius, sed verus, secundum ordinem Melchisedech electus; et necesse est eum veras hostias, id est, et spirituales offerre apud nos ubi ædificatur ecclesia et templum Dei a lapidibus vivis, quæ est Ecclesia Dei viventis, et ubi est verus Israel.

## CAPUT XV.

*Sermones Josue ad populum, et commemoratio præceptorum Domini et beneficiorum ejus, quæ collata sunt eis abundantissime ab ipso.*

(*Cap. xxxii.*) « En ego hodie ingrediar viam universæ terræ, et toto corde et toto animo cognoscetis quod de omnibus verbis quæ Dominus præstaturum se nobis esse pollicitus est, unum non præterierit incassum, » et reliqua. (*Ea Augustino.*) Quod dicit Jesus de sua propinquante morte: Ego autem recurro viam, sicut et omnes qui sunt super terram, in ea interpretatione, quæ est ex Hebreo, invenimus, « ingredior viam. » Ita ergo accipendum est quod Septuaginta dixerunt, « recurro, » sicut dictum est homini, » donec revertaris in terram unde sumptus es (*Gen. iii*); ut secundum corpus dictum intelligatur. Secundum animam vero si voluerimus ita accipere, quemadmodum in Ecclesiaste positam est, « Et spiritus revertetur ad Deum qui dedit eum (*Ecli. xi*); » non arbitror de omnibus posse dici, sed de his qui sic vixerint ut ad Dominum redire mereantur, tanquam ad auctorem a quo creati sunt. Neque enim hoc et de illis recte intelligi potest, de quibus dicitur: « Spiritus ambulans, et non revertens (*Psal. lxxvii*). » Iste autem vir sanctus Jesus Nave, si non addidisset, sicut et omnes qui sunt super terram, nulla esset quæstio: neque enim aliud de illo crederemus quam quod eum dignum esse legimus. Cum vero additum est, sicut et omnes qui sunt super terram, mirum si hoc quod Latinus interpres, « recurro, » posuit, non magis « percurro, » vel « excurro » dicendum est, si hoc potest dici quod Græcus habet ἀποτίξω, vnuas enim

percurrunt, vel excurrunt hujus viam, cum ad ejus finem pervenerint. Sed quia hoc verbum positum est ubi parentes Rebeccæ dicunt ad servum Abrahæ : « Ecce Rebecca; accipiens, recurre: et sit uxor domini tui: » ideo et hic ita hoc verbum interpretatum est.

(CAP. XXIV.) « Hæc dicit Dominus Deus Israel: « Trans flumen habitaverunt patres vestri ab initio, « Thare pater Abraham et Nachor; servieruntque diis alienis. Tuli ergo patrem vestrum Abraham de Mesopotamia finibus, et adduxi eum in terram Chanaan, » etc. Quod Septuaginta interpretes habent: « Et assumpsi patrem vestrum Abramam de trans flumen, et deduxi eum in omnem terram. » Interpretatio quæ est ex Hebreo, habet: « Et induxi eum in terram Chanaan. » Mirum ergo si Septuaginta pro terra Chanaan, » omnem terram ponere voluerunt; nisi intuentes prophetiam, ut magis ex præmissione Dei tanquam factum accipiatur, quod certissime futurum in Christo et in Ecclesia prænuntiabatur: quod est verum semen Abrahæ, nou in filiis carnis, sed in filiis præmissionis

(IBID.) « Transistisque Jordanem, et venistis ad Jericho, pugnaveruntque contra vos viri civitatis ejus, » et reliqua. Et bellaverunt adversus vos qui habitabant Jericho: quæri potest quomodo id verum sit, cum clausis portis se murorum ambitu tantummodo tuerentur. Sed recte dictum est, quia et claudere adversum hostem portas, ad bellum pertinet, non enim miserunt legatos qui poscerent pacem. Unde si dictum esset: Pugnaverunt adversum vos, falsum esset, neque enim bellum continuas pugnas habet, sed aliquando crebras, aliquando raras, aliquando nullas. Bellum est tamen quando est quodammodo armata dissensio.

(IBID.) « Misique ante vos crabrones, et ejeci eos de locis suis, duosque reges Amorrhæorum, non in gladio et arcu tuo: dedique vobis terram in qua non laborasti, et urbes quas non ædificasti, ut habitaretis in eis, vineas et oliveta quæ non plantasti, » et reliqua. Quid est quod inter cetera quæ Jesus Nave erga Israelitas Dominum fecisse commemorat, dicit: Misit ante vos vespas et ejecit eas a facie vestra; quod etiam in libro Sapientiae legitur (cap. XII), nec tamen uspiam factum esse in his quæ gesta sunt inventur? An forte translato verbo vespas intelligi voluit acerrimos timoris aculeos, quibus quodammodo volantibus rumoribus pungebantur, ut fugerent, aut aereos spiritus occultos, quod in psalmo dicit, « per angelos malignos (Psal. LXXVII). » Nisi forte quis dicat, non omnia quæ facta sunt esse conscripta; et hoc quoque visibiliter factum, ut veras vespas velit intelligi.

(IBID.) « Eligite hodie quod placet cui servire potissimum beatissimis; utrum diis quibus servierunt patres vestri in Mesopotamia, au diis Amorrhæorum, in quorum terra habitatis. Ego autem et domus mea serviemus Domino. Responditque po-

A pulus, et ait ad Josue: Absit a nobis ut relinquamus Dominum, et serviamus diis alienis. Dominus Deus noster ipse eduxit nos, et patres nostros de terra Ægypti, de domo servitutis, fecitque videntibus nobis signa ingentiæ, et custodivit nos in omnibus via per quam ambulavimus, et in cunctis populis per quos transivimus: et ejecit universas gentes, Amorrhæum habitatorem terræ quam nos intravimus. Serviemus igitur Domino, quia ipse est Deus noster. Dixitque Josue ad populum: Non poteritis servire Domino: Deus enim sanctus et fortis æmulator est, nec ignoscet sceleribus vestris atque peccatis. Si dimiseritis Dominum et servieritis diis alienis, convertet se, et affliget vos atque subvertet, etc. » Quid est quod dixit Jesus ad populum: Non poteritis servire Domino, quia Deus sanctus est? An quia illius sanctitati perfecta servitatem quodammodo contemporari humanæ fragilitati impossibile est? Quo auditio, isti non solum ejus eligere servitatem, sed etiam de adjutorio ejus et misericordia præsumere debuerunt; quam ille intellexit qui dixit in psalmo: « Ne intres in judicium cum seruo tuo, quia non justificabitur in conspectu tuo omnis vivens (Psal. cxlii). » Isti autem de se potius præsumere delegerunt, quod Deo possent sine ulla offensione servire, ut jam tunc inciperent quod de illis expressit Apostolus: « Ignorantes enim Dei justitiam, et suam volentes constituere, justitiae Dei non sunt subjecti (Rom. x). » Ita eis jam lex subintrabat, ut abundaret delictum, et postea superabundaret gratia per Dominum Christum, qui finis est legis ad justitiam omni credenti. (IBID.) « Testes, inquit, vos estis, quia ipsi vobis elegeritis Dominum ut serviatis ei. Responderuntque, Testes. Nunc ergo, ait, auferte deos alienos de medio vestri, et inclinate corda vestra ad Dominum Deum Israel, » et reliqua. Quid est quod ait idem Jesus loquens ad populum, Et nunc circum auferte deos alienos qui sunt in vobis, et dirigite corda vestra ad Dominum Deum Israel? Non enim credendi sunt adhuc habuisse apud se aliqua gentium simulacra, cum superioris eorum obedientiam prædicaverit: aut vero si haberent, post tantas legis comminationes, illa eos prospera sequerentur, cum sic in eos vindicatum sit, quod unus eorum de anathemate furtum fecerit. Denique Jacob dixit hoc eis qui cum illo exierant de Mesopotamia, ubi sic idola colebantur, ut et Rachel paterna suraretur (Gen. XXXI). Sed post illam admonitionem Jacob, dederunt quæ habebant: unde apparuit hoc eis ita dictum esse, quia sciebat eos habere ille qui dixerat. Nunc vero post hanc admonitionem Jesu Nave nullus tale aliiquid protulit. Nec tamen putandum est hoc illum inaniter præcepisse: non enim ait: Et nunc auferte deos alienos si qui sunt in vobis; sed omnino tanquam sciens esse, « qui sunt, » inquit, « in vobis. » Proinde propheta sanctus in cordibus eorum esse cernebat cogitationes de Deo, alienas a Deo, et ipsas admonebat auferri. Quisquis enim talem cogitat Deum qualis pop-

C

D

est Deus, alienum Deum utique et falsum in cogitatione portat. Quis est autem qui sic cogitet Deum quemadmodum ille est? Ac per hoc relinquetur fidelibus quandiu peregrinatur a Domino, auferre a corde suo irruentia vana phantasmata, quae se cogitantibus ingerunt, velut talis aut talis sit Deus, qualis utique non est, et dirigere cor ad illum fideliter; ut quemadmodum et quantum nobis expedire novit, h[oc]pse se insinuet per Spiritum suum, donec assumatur omne mendacium; unde dictum est: « Omnis homo mendax (Psal. cxv). » Et transacta non solum impia falsitate, verum etiam ipso speculo et ænigmate, facie ad faciem cognoscamus, sicut et cogniti sumus; quemadmodum Apostolus dicit: « Videmus nunc per speculum in ænigmate, tunc autem facie ad faciem; nunc scio ex parte, tunc autem cognoscam sicut et cognitus sum (I Cor. xiii.). »

#### CAPUT XVI

*De eo quod percussit Josue fædus coram Domino in Sichem, scripsitque omnia verba fæderis in volumine legis Dei et posuit super lapidem grandem et subter querum quæ erat in sanctuario Domini.*

(IBID.) « Percussit igitur Josue in die illo fædus; proposuit populo præcepta atque judicia in Sichem: scripsitque omnia verba hæc in volumine legis Dei: et tulit lapidem pergrandem, posuitque eum subter querum quæ erat in sanctuario Dei, et dixit ad omnem populum: En lapis iste erit vobis in testimonium, quod audierit omnia verba Domini quæ locutus est vobis, ne forte postea negare velitis, et mentiri Domino Deo vestro. » Et disposuit Jesus testamentum ad populum in illo die, et dedit illi legem et judicium in Silo, coram tabernaculo Domini Dei Israel; et scripsit verba hæc in libro legis Dei: et accepit lapidem magnum, et statuit illum Jesus sub terebintho ante Dominum. Et dixit Jesus ad populum: Ecce lapis iste erit vobis in testimonium, quia hic audivit omnia quæ dicta sunt a Domino, quæcumque locutus est ad vos hodie: et hic erit vobis in testimonium in novissimis diebus, cum mentiti fueritis Domino Deo vestro. Hæc verba qui non in superficie tantum audiunt, sed aliquanto altius perscrutantur, nequaquam tantum virum tam insipientem putare debent, ut verba Dei quæ locutus est populo, inanimem lapidem audisse crediderit: qui etiamsi ab artifice in hominis similitudinem effigiatu[rum] esset, inter illos utique deputaretur, de quibus in psalmo canitur: « Aures habent, et non audiunt (Psal. cxiii.). » Neque enim idola gentium aurum et argentum sola non audiunt, et si lapidea sint, audiunt. Sed per hunc lapidem profecto illum significavit qui fuit lapis offensionis non credentibus Judæis, et petra scandali; qui cum reprobaretur ab ædificantibus, factus est in caput anguli; quem præfiguravit et illa petra quæ potum sicuti populo ligno percussa profudit; de qua dicit Apostolus: « Bibebant autem de spirituali consequente eos petra, petra autem erat Christus (I Cor. x.). » Unde et cultellis petrinis populum circumcidit iste duxtor egregius:

A qui cultri petrini cum illo etiam sepulti sunt, ut profundum mysterium demonstrarent posteris profutrum. Sic ergo et istum lapidem, quanquam visibiliter statutum, spiritualiter detemus accipere in testimonium futurum Judæis infidelibus, hoc est, mentientibus, de quibus dicit psalmus: « Inimici Domini mentiti sunt ei (Psal. lxxx). » Neque enim frustra cum jam Dei famulus Moyses, vel potius per eum Deus disposuisset ad populum testamentum quod in arca erat, quæ dicta est arca testamenti, et in libris legis tanta sacramentorum et præceptorum multiplicitate conscriptis, tamen etiam hic dictum est, « Disposuit Jesus ad populum testamentum in die illa. » Repetitio quippe testamenti Novum Testamentum significat, quod significat et Deuteronomium, quod interpretatur secunda lex, quod significant et prioribus confractis tabula renovatæ. Multis enim modis significandum quod uno modo impleendum fuit. Jam vero quod sub terebintho statutus est lapis, hoc significat quod virga ad petram ut aqua proflueret, quia neque hic sine ligno statutus est lapis. Ideo autem subter, quia non fuisse in cruce exaltatus, nisi humilitate subjectus: vel quod illo tempore quod id faciebat Jesus Nave, adhuc obumbrandum mysterium fuit. Terebinthi lignum medicinali lacrymam exsudat, quæ arbor a Septuaginta interpretibus hoc loco posita est, quamvis secundum alios interpretes quercus legatur.

(IBID.) « Dimisitque populum singulos in possessionem suam. » Mirum est sane quod saltem in novissimis suis verbis, quibus populum allocutus est Josue homo Dei, nihil eos objurgavit, ex eo quod his gentibus pepercérunt quas Dominus usque ad interencionem cum anathemate perdendas esse præcepit. Sic enim est scriptum: « Et factum est, postquam invaluerunt filii Israel, et fecerunt Chananeos obedientes, exterminio autem eos non exterminaverunt (Jos. xvii.). » Nam primo eos id non potuisse Scriptura testata est; sed nunc posteaquam prævaluerunt, ita ut facerent obaudientes, quod non etiam exterminaverunt, utique contra præceptum Domini factum est, quod non est cuiquam factum cum Jesus exercitum duceret. Cur ergo non eos objurgavit allocutione novissima, quod in hoc Domini præcepta neglexerint? An forte quod prius dixit eos Scriptura non potuisse, utique antequam prævalerent, et iam cum prævaluissent timuisse credendi sunt, ne forte paratis obedire si parcere noluisserent, acrius eos adversum se ex ipsa desperatione pugnare compellerent, et eos superare non possent. Hunc ergo eis humanum timorem Dominus noluit imputare, eis appareat in eo quedam subdefectio fidei, quæ si fortis in eis esset, ea sequerentur quæ ipsum Jesum bellantem secuta sunt. Quia vero non in eis tanta fides fuit, etiam cum adversariis suis prævaluissent, pugnare cum eis usque ad interencionem eorum timore non ausi sunt. Quem timorem, ut dixi, non de malitia, neque de superbia, vel contemptu præcepti Dominicæ, sed de animi infirmitate venientem, noluit

cis Dominus imputare, cum eis per Jesum novissima loqueretur. Unde et Apostolus : « Alexander, inquit, aerarius multa mala mihi ostendit; reddet illi Dominus secundum opera ipsius (II Tim. iv). » De illis autem qui eum periclitantem, non malitia, sed timore deseruerant, ita locutus est : « In prima mea defensione nemo mihi adfuit, sed omnes me dereliquerunt. Non illis imputetur (Ibid.). »

## CAPUT XVII.

*De morte Josue et sepultura ejus, et de morte Eleazar et sepultura ejus; nec non et de ossibus Joseph translati de Ægypto et sepultis in Sichen, in parte agri quem emerat Jacob a filii Hemor patris Sichem centum novellis ovibus.*

(Ibid.) « Et post hæc mortuus est Josue filius Nun, servus Domini, centum et decem annorum : seperieruntque eum in finibus possessionis suæ, in Thannath-sare, quæ sita est in monte Ephraim, a septentrionali parte montis Gaas. » In quibusdam vivit Jesus, in quibusdam vero defunctus est. In Paulo vivit Jesus, et in Petro et in illis omnibus qui merito possunt dicere : « Vivo autem, jam non ego, vivit vero Christus in me (Gal. ii). Mibi autem vivere Christus est, et mori lucrum (Philipp.). » In istis ergo talibus Jesus merito vivere dicitur. In quibus autem defunctus est Jesus? In illis sine dubio qui sepe penitendo, et iterum delinquendo, velut insultare morti Jesu dicuntur, de quibus scribens ad Hebreos dicit Apostolus : « Rursum crucifigentes sibimetipsis Filium Dei, et ostentui habentes (Hebr. vi). » Sed et ipse Dominus in Evangelii de hoc distinctionem pulcherrimam dedit, cum dicit : « Quicunque confessus me fuerit coram hominibus, et ego confitebor eum coram Patre meo, qui in cœlis est. Qui autem negaverit me coram hominibus, et ego negabo eum coram Patre meo (Matth. x). » Vidistis quia confidentes in semetipso dixit confiteri, quasi ipse in eis vivat et operetur opera vitae. In his autem qui negant, non tenuit eamdem verbi similitudinem, ut diceret, quia qui negaverit in me, et ego negabo in eum; sed qui negaverit me coram hominibus, et ego negabo eum coram Patre meo, ut ostenderet quia qui negat quidem se, extra ipsum est; qui autem confitetur, in ipso est. Quod autem mors Jesu post centum et decem annos esse commemoratur, ostendit quia per mortem Christi omnes qui mandata legis rite servant ad beatitudinem post finem vite presentis venturi sunt perpetuam. Quod enim sepultura ejus in finibus possessionis suæ, in Thannath-sare, in monte Ephraim, et in parte montis Gaas esse describitur, significat quod in Ecclesia catholica, quæ possessio Christi est, et ubi fructus virtutum gignitur, quotidie passionis Christi mentio numerose atque nobiliter celebratur. Thannath vero civitas Jesu in tribu Ephraim et in Gaas monte sita est, in cuius septentrionali plaga sepultus est Jesus filius Nave, et usque hodie juxta vicum Thannan sepulcrum ejus insigne monstratur. Interpretatur autem Thannath-sare numerus oportimenti novi. Et quotidie in Eccle-

A sia, inter cætera divina sanctionis verba, a multitudine filiorum ministrorum Christi in sacramento missæ : Hic est calix Novi Testamenti in meo sanguine, qui pro vo'is et pro multis effundetur in remissionem peccatorum. Hæc quotiescumque feceritis, in mei memoriam facietis.

(Ibid.) « Servitique Israel Domino cunctis diebus Josue, et seniorum qui longo vixerunt tempore post Josue, et qui noverant omnia opera Domini quæ fecerat in Israel. » (Ex Adamantio.) Beatus is qui in diebus Jesu servit Domino, qui verbo et sapientia ejus illuminatur, qui præceptis ejus illustratur, qui ex doctrina ejus accipit lumen scientiæ. Secundo tamè loco et ille post hunc est beatus, qui in diebus seniorum qui fuerunt post Jesum servit Domino. Seniores qui vel cum Jesu vel post Jesum fuerunt, qui sunt alii nisi apostoli, qui et ipsi scriptis et præceptis suis illuminant corda nostra, et faciunt etiam ipsi dies quosdam in nobis ex illa luce quam ipsi ex vera luce participati sunt, venientes? Qui ergo illuminatur et instruitur ex apostolorum præceptis, et ad servitium Domini apostolicis regulis instruitur, iste est qui servire dicitur Domino in diebus seniorum qui fuerunt post Jesum.

(Ibid.) « Ossa quoque Joseph, quæ tulerant filii Israel de Ægypto, sepelierunt in Sichen, in parte agri quem emerat Jacob a filiis Hemor patris Sichem centum novellis ovibus, et fuit in possessione nem filiorum Joseph. » Notandum autem quod Josephus, historiographus Judæorum, de Joseph et fratribus ejus in Antiquitatibus libro secundo ita meminit, dicens : Mortuus est autem et ipse, cum vixisset annos centum et decem, virtute mirabilis, et omnia ratione disponens, potestatemque suam humiliter agens. Quod utique hujusmodi felicitatis ei causa fuit apud Ægyptios, et aliunde scilicet venientes; et talem qualē dudum diximus, passo calumniam. Mortui sunt etiam ejus fratres feliciter in Ægypto convenientes, quorum corpora post vitam illorum reportantes eorum posteri, in Hebron sepelierunt. Ossa vero Joseph novissime, quando Herodi egressi sunt ex Ægypto, in Chanaanæam repartaverunt. Sic enim eos conjuraverat Joseph. Mystice autem ossa Joseph significant mortem Redemptoris nostri, quem veri Israëlite de Ægypto istius mundi, ubi crucifixus est secundum carnem, tollentes transferunt in Sichen, in partem agri quem emerat Jacob centum novellis ovibus; cum passionis ejus memoriam condunt in agro cordis sui; quatenus ad ejus exemplum discant ferre labores, et habere patientiam, operibusque bonis insistere; quod significat Sichen, qui interpretatur humerus. Hunc ergo agrum Jacob noster centum novellis ovibus in possessionem emit, quia pretio sanguinis sui possedit Ecclesiam, ubi novellas oves quæ ascenderunt de lavacro habet, ut fiat centum ovium pastor cum angelicas atque humanas in sua potestate retinet capias.

(Ibid.) « Eleazar quoque filius Aaron mortuus est,

et sepelierunt eum in Gabaath Phinees filii ejus, quæ data est ei in monte Ephraim. Quod autem Iosue mortuo Eleazari consequenter mors memoratur, significat quod post passionem Redemptoris nostri ac resurrectionem finem accepit vetus sacerdotium, et victimæ legales consummatæ sunt, cum

A necessario subsequebatur Novi Testamenti sacerdotium, ubi Agni immaculati caro et sanguis in sacris altaribus quotidie offertur, et fidelium ore in pastum animarum suarum salubriter percipitur; ut, umbra legis recedente, veritas pateat Evangelii, per ipsum Dominum nostrum Jesum Christum.

## BEATI RABANI MAURI

ABBATIS FULDENSIS ET ARCHIEPISCOPI MOGUNTINI

## COMMENTARIA IN LIBRUM JUDICUM ET RUTH.

(ANNO 834.)

### EPISTOLA HUNBERTI EPISCOPI AD RABANUM.

Illustri viro meritoque insigni ac præstantissimo Patri, RABANO MAURO, HUNBERTUS, licet indignus, in fula tamen sacerdotali præditus, immarcescibilem æternæ sospitatis in Christo Jesu salutem.

Legi litteras tuas, dulcissime frater, quas sancto Bonaeque memorie viro, Haistulfo archiepiscopo, scripsisti in fronte libri quem sudore proprio prudenterque ingenio composuisti, ad prædicandum in ambi circulo populum Christianum: qui suaviter disputat de observantia Dominici diei et de festivitatibus sanctorum, ac fide, spe et charitate, nec non de cæteris virtutum speciebus. Præterea legi et alios tres libros quos ad eundem venerabilem virum fecisti, quos placuit de Institutione clericorum nominari, quorum primus de ecclesiasticis ordinibus et quatuor charismatibus divinis narrat. Secundus continet de Officio canonicarum horarum, et de festivitatibus variis, de jejuniis et orationibus. Tertius non ignobiliter instruit qualiter discenda atque disseveranda Scriptura divinæ legis, et quid utilitatis conferat ecclesiasticis doctoribus philosophia humana. Quibus perfectis, in quantum nostri ingeniorum fuit capacitas, intellexi, illos de omnibus quæ necessaria sunt sanctæ Dei Ecclesiæ laudabili magnitudine et brevitate esse complexos. Certe in veritate dico vobis quia dici non potest in quanta hilaritate mentis gratulantes gratias egredi Deo, qui tam utile vas istis in temporibus in sua sancta Ecclesia habere voluit, ex quo ille qui multum, et ille qui parvum potum quererit, hanc ac bibere possit; et ex illo die, fateor, multum desideravi vestræ familiaritatis particeps fieri, ut saltē aliquando longe lateque jam olim dispersa meruisse vestra accipere scripta; ac propterea paucas direxi ad te litterulas, fraterna admonens charitate ne mentis acumen otio inerti torpere seu obdormire permittas, sed sedulo quotidieque sacras scrutando Scripturas, fretus Patrum auctoritate præcedentium, vigil atque indefessus utilisque in domino Domini semper existas; scriptum namque le-

B gimus: *Non potest civitas occultari supra montes posita;* item alio in loco: *Nemo accendit lucernam, et ponit eam sub modio, sed magis super candelabrum, ut luceat omnibus qui in domo sunt.* Auditum enim habeo, super Eptaticum vos fecisse sermonem, ac super Evangelium Matthæi Evangelia, nec non et super Regum, superna adjuvante gratia, pariterque veterum innitente auctoritate, multa utiliter scribendo dictasse: quapropter, causa familiaritatis, vestram obsecro fraternitatem ut mihi scribere mihi que dirigere studeas opuscula, quæ ex veterum ecclesiasticorum sententiis, quasi flores ex diversis pratis electi, domum Domini ornant et quemcunque se amantem decorant; denique, quia postulata mihi credo quod concedas, mitto membranas in quibus, opto, eos primum suscipiam libros quos super Eptaticum vestrum composuit ingenium. Non tamen propterea ista posco quasi desint nobis istius operis scriptores: habemus namque Origenem, Victorinum, Ambrosium, Hieronymum, Cassianum, Isidorum, Augustinum, Fulgentium, atque pontificem insigne, eloquentissimum Gregorium et cæteros Patres, quorum nomina non necesse tibi credimus enumerari. Qui in tantum tuæ sunt industrie cogniti, ut veraciter illorum linguam vestrum dicere possam sermonem, cum quod illi mira pulchritudine ac nimia longitudine sermonis proferebant, tu eorum vestigia sagaciter prudenterque sequendo, commatico mellifluoque comprehendis sermone: brevi enim expositione succincta, ut ait Isidorus doctor egregius, non faciunt de prolixitate fastidium; prolixa ergo et occulta tædet oratio, brevis et aperta delectat. Ideo vestram deprecor soleritiam ut perfectis istius epistolæ litterulis, et si vestra voluntas ita oportere iudicaverit, jubeatis illam, ob vestræ [nostræ] invicem dilectionis et societatis indicium, in fronte bellii ponere quem mihi rogavi a vobis rescribere, ut poscentis et præstantis pariter affectus pareat et effectus. Intercedentem pro nobis vestram beatitudi-